


২৫০৪



নমো ভগবতে বিশ্বরূপায় ।

ম ত্বালের নিত্য প্রয়োজনীয় ও প্রিয়

মদখাও-নেশাছুটিবেনা

(আশ্চর্য্য সত্য স্বপ্ন ।)

প্রচার ।



James M. Brown


ব্রহ্মো ভগবতে বিশ্বরূপায় ।

২৫০৪

মদখাও-নেশাছটিবেনা।

(আশ্চর্য্য সত্য স্বপ্ন)

তৃতীয় প্রচার



মদের আনন্দে যদি হ'তে পাব লয়,
দেখিবে, সচ্চিদানন্দে পাইবে আশ্রয় ।

প্রিয়নাথ চক্রবর্ত্তি-দ্বারা বিরচিত ।

“শ্যামবাজার মিত্র-দেবালয়” হইতে
শ্রীঅমৃতনাথ চক্রবর্ত্তি-দ্বারা প্রকাশিত ।

কলিকাতা

১১৩ নং কর্ণওয়ালিস ষ্ট্রীট, শ্যামবাজার,

কিশোর প্রিন্টিং ওয়ার্কসে

শ্রীকিশোরীমোহন সিংহ-দ্বারা মুদ্রিত ।

মাঘ, ১৩১৫ বঙ্গাব্দ ।

[সর্বস্বত্ব সংরক্ষিত ।]

মূল্য ছয় আনা ।

সতৰ্কতা ।

এই পুস্তকৰ সত্ৰাপিকাৰ ইংৰাজি ১৮৪৮ সালৰ ২০ আইন অনুসৰি
সত্ৰৰ বেঞ্জিটী কৰা হইয়াছে । সত্ৰবাং সত্ৰাপিকাৰেৰ বেপৰ অনুমতি
ব্যহীত কেহই ইহাৰ মুদ্ৰাঙ্কনাৰি কৰিত পালিবেন না ।

উৎসর্গপত্র ।



অবিতথ-ভক্তি-ভাজন, সদানন্দ, সন্ন্যাস-প্রার্থী, আত্মনিষ্ঠ

শ্রীমন্ন্যথনাথ-শর্মা-দেব-

আত্মারাম-নিবতেষু—

সাহিত্য-প্রগতি-পূর্বক-নিবেদন—

ভাই মন্ন্যথনাথ ।

একদিন তুমি আমার আদব বা দয়া কবিতা অগ্রজের ন্যায়
মান্য কবিত্তে, সেই অভিমানে, এবং এখন তুমি পৃথিবীতে থাকিয়াও
জিতেন্দ্রিয় বীরের ন্যায় আত্মারাম-সেবা-হেতু, বর্তমানকালে
অসাধারণ কঠোর তপশ্চায় অমরত্বলাভের উপযুক্ত হইয়াছ
বিবেচনায়, এই বিষয়াসক্ত মূঢ় তোমাকে প্রণাম কবিত্তাও
আপনাকে ধন্য মনে করিতেছে ।

ভাই । প্রথমবারের সেই যে অতি ক্ষুদ্র 'গদ খাও—নেশা
ছুটিনে না' পুস্তক অধ্যয়ন কবিত্তা তুমি আত্মলাভবে এই অধমাক
আলিঙ্গন কবিত্তাছিলে, সচ্চিদানন্দস্বরূপ বিশ্ববিধাতার রূপায়
তোমার কঠোর একাগ্র-সাধন-দর্শনে, এবং আমার ক্ষুদ্র অভিজ্ঞতার

সাহায্যে, এখন তুমিই সেই মদ খাইয়া মাতাল হইয়া, আত্ম-
বাক্তবগণ-সঙ্গে মিলিত হইতে পাবিরাছ বিবেচিত হওয়ার, এই
'মদ খাও' পুস্তকখানি তোমারই উপাধিশূন্য পবিত্র 'মন্মথনাথ'
নামে উৎসর্গ করিয়া কৃতার্থ হইলাম। যদি তোমার আত্মনিষ্ঠ
চিত্ত, দীনের উৎসর্গীকৃত নৈবেদ্য বলিয়া এই জডগ্রন্থ দর্শনার্থ
দৃষ্টিকে আকর্ষণ করে তবেই লেখনী-ধারণ সার্থক হইবে।

ভাই। তুমি ত প্রায় ছয় বৎসর হইল ইঙ্গিত-বিবহিত
মৌনব্রতাবলম্বপূর্বক সংসাবে থাকিয়াও মদ খাইয়া সংসারের
সকল জ্বালা জুড়াইবাব উপায় পাঠিরাছ,—তোমার প্রিয় বলিয়া
প্রিয় পঞ্চাননও যেন সেই মদের দোকানের সজ্জান পাইয়া
ছুটিরাছে,—এ অভাগাও ত তোমাব আদব ভালবাসার অধি-
কার পাইয়া অভিমানী,—এখন কৃপা করিয়া কোন দিন কোন
শুভক্ষণে ইহাব বিষয়-তৃষ্ণা নিবৃত্তির উপায় বলিয়া দিয়া আপ-
নার অমুচর কবিয়া লইবে না কি ? ইতি

তোমার আদরে অভিমানী

ফাল্গুন

১২৯৯ বঙ্গাব্দ



তৃতীয় বারের নিবেদন ।



মঙ্গলময় ভগবান বিশ্বনিয়ন্তার ইচ্ছায় এবং তন্মামানুরক্ত
স্বাত্ত্বা-প্রিয় ব্যক্তিবর্গের আগ্রহে ও আত্মকুল্যে সার্ব্বত্র
বৎসর পবে দাদার বড় আদরের “সদ খাও, নেশা ছুটিবে না”
গ্রন্থখানি পবিপুষ্টি কলেবরে তৃতীয়বার মুদ্রিত ও প্রচারিত হইল ।
কিন্তু এই সদগুণ-চেষ্টার উদ্দেশ্য-সিদ্ধি-সংবাদের সঙ্গে সঙ্গে
হতভাগ্য আমরাগকে যে সাক্ষনয়নে কোন হৃদয় বিদারক
গভীর শোকাবহ ঘটনা বিশেষের উল্লেখ করিতে হইবে তাহা
জানিতাম না । বিধাতার বিধান অলজ্জা । তাঁহারই বিধান-বশে
আমাদের ইহলোকের আশ্রয়, পবলোকেব পথ-প্রদর্শক, সাধু-
শাস্ত্রের সমাদবনী, অসুগত জনের অন্তরঙ্গ, অকপট-প্রেম-প্রবণ-
হৃদয়, ভগবদনুবাণী গ্রন্থকর্তা পূজ্যপাদ অগ্রজ মহাশয় বিগত
২৯শে অশ্বিন বৃহস্পতিবার নিশা-শেষে শ্বাসসহ নিউমোনিয়া
সংযুক্ত জ্বররোগ উপলক্ষ্য করিয়া পঞ্চাধিকচারিংশদ্বর্ষ বয়সে
বোগাশ্রয়-ভঙ্গুর-ভৌতিক-দেহ পরিহার পূর্বক নিরাময় দিব্য-দেহে
তাঁহার চির সাধনের শ্রীভগবৎ সান্নিধ্য লাভ করিয়াছেন ।

নির্দিষ্ট কর্মের সমাপন ও কালপূর্ণ না হইলে কোন জীবেরই
দেহ-পিঞ্জর-মুক্তি ঘটে না সত্য, এবং শ্রীভগবদ্বাম-প্রস্থিত জীবের
জন্ম শোকাভিভূত হওয়া ও সমীচীন নহে সত্য, কিন্তু অজ্ঞানতা হেতু
আত্মবিশ্বাসি বশেই হউক অথবা মায়া মোহিনী শক্তি প্রভাবেই

হটক, মনে হইতেছে—তিনি যেন আমাদের দুর্ভাগ্যক্রমেই অশ্রিত কর্মসমূহ সুসম্পন্ন হইবার পূর্বে আমাদেরকে ত্যাগ করিয়া গিয়াছেন— তদভাবে আমরা যেন নিরাশ্রয় ও শক্তিহীন হইয়া পড়িয়াছি।

আমরা দরিদ্রের সন্তান। তজ্জন্য অগ্রজ মহাশয় আপনাকে “ভিখারী” ভাবে পরিচিত করাই প্রশস্ত মনে করিতেন। সেই “ভিখারী” প্রিয়নাথের অভাবে মাতৃভূমি বা মাতৃভাষার কিছু ক্ষতি বৃদ্ধি হইল কি না, তদন্তপ্রাণ ব্যক্তিবর্গ তাঁহার বিরোগ-ব্যথার মধ্যে কি শিক্ষা বা কল্যাণ লাভ করিলেন এবং এই বিরোগ ঘটনার মঙ্গলময় পরম পিতার কোন্ মঙ্গল উদ্দেশ্য সংসাধিত হইল, তৎসমস্ত বুঝিবার বা আলোচনা করিবার শক্তি ও অধিকার এ অধমের নাই। হয় ত সে সমুদয় ভগবদিচ্ছায় মাতৃভূমির সুসন্তানগণ কর্তৃক কালে পবিস্ফুট হইবে।

শেষ জীবনে অগ্রজ মহাশয় কতিপয় সদলুষ্ঠান-সাপনে দেহ মন উৎসর্গ করিয়াছিলেন। তন্মধ্যে “জীবন-পরীক্ষা বা ভীষণ স্বপ্ন চতুষ্টয়” গ্রন্থের চতুর্থ এবং এই “মদ খাও—নেশা ছুটিবে না” গ্রন্থের বর্তমান সংস্করণ ও প্রচার কার্য অগ্ৰতর। খাস-ক্লিষ্ট শরীরে প্রাণপণ দ্বারা প্রথম কর্মটি বিগত বৈশাখ মাসে সুসম্পন্ন করিতে সমর্থ হন। দ্বিতীয় কর্মটিও এক প্রকার সম্পন্নই করিয়া গিয়াছেন ; মাত্র উহার পঞ্চম কর্ম্যাব অতিরিক্ত মুদ্রাঙ্কণ দেখিয়া যাইতে পারেন নাই। এতদ্ব্যতীত সাধারণের আগ্রহে অবশিষ্ট জীবনের ঘটনাবলী সংযোগ পূর্বক “দুঃখীর ইতিহাস” নামে “জীবন্ত পিতৃদায়” গ্রন্থ খানিক পুনর্মুদ্রাঙ্কন এবং “জীবন-পরীক্ষার” অন্তর্গত ভাবাবলম্বনে গৃহ-ভিত্তিতে রক্ষণোপযোগী ১৫ X ২০ ইঞ্চি আকারের দুাদশ খানি সুরঞ্জিত (ক্রমলিখো) চিত্র ক্রমশঃ প্রকাশ কর্তব্য

যথেষ্ট প্রয়াস পাইতেছিলেন ; উক্ত চেষ্টার ফলে “ছঃখীর ইতিহাস” গ্রন্থের অবশিষ্টাংশের লেখ্য বিষয়ের উপকরণ মাত্র সংগৃহিত হয়, এবং চিত্র সকলের মধ্যে প্রথম ও দ্বিতীয় চিত্রের আদর্শ প্রস্তুত ও তদবলম্বনে মাত্র প্রথম চিত্র ক্রমলিখা করণের কতকটা কার্য সম্পন্ন করাইতে সমর্থ হন। উহাব অবশিষ্ট কর্ম সমাধা করাইবার জন্য যত্ন কবা হইতেছে, সম্ভবতঃ শীঘ্রই উহা প্রকাশিত হইবে। কিন্তু তদভাবে তাঁহার বড় সাধের অন্ত্যস্ত চিত্রগুলি এবং “ছঃখীর ইতিহাস” (গ্রন্থ কর্তার আত্ম-জীবনী) গ্রন্থখানি বোধ হয় অপ্রকাশিতই বহিয়া গেল।

এ স্থলে আর একটা বিষয়ের উল্লেখ করা প্রয়োজন। দ্বিতীয়-প্রচারকালে গ্রন্থকর্তা অগ্রজ মহাশয় প্রকৃত মাতাল বোধে আত্ম-বাম-নিরত যে মহাপুরুষের উপাধিশূন্য পবিত্র “মন্মথনাথ” নামে এই গ্রন্থখানি উৎসর্গ করিয়াছিলেন, আমাদেরিগের হৃর্ভাগ্য বশতঃ বিগত ১৩০২ বঙ্গাব্দের ১১ই চৈত্র তিনিও ইহলোক পরিত্যাগ পূর্বক তাঁহার প্রিয়ধামে প্রস্থান করিয়াছেন। এ অবস্থায় উৎসর্গ সম্বন্ধে দাদা মহাশয়ের অভিপ্রায় জ্ঞাত না থাকায় এবং তিনি পূর্বেই উৎসর্গ-পত্রেরও কোন সংশোধনাদি করিয়া যাইতে না পারায় উহা যথাথই মুদ্রিত হইল।

বলা বাহুল্য, ভাবের স্ফূর্তি সংকলে গ্রন্থ কর্তা এবারও গ্রন্থের স্থানে স্থানে ভাষার পরিবর্তনাদি সাধন বিষয়ে যত্নের ক্রটি করেন নাই। তাহাতে গ্রন্থখানি কিরূপ দাঁড়াইয়াছে তাহার বিচারে সুদয়বান্ পাঠক ও প্রকৃত মাতাল গণই সমর্থ। এক্ষণে মুদ্রাক্ষন বিষয়ে যদি কোন ভ্রম-প্রমাদ লক্ষিত হয় তাহা আমাদেরই অনব-ধানতার ফল বুলিতে হইবে।

পরিশেষে কৃতজ্ঞ হৃদয়ে স্বীকার করা বাইতেছে যে, গ্রন্থ বিক্রয় লক্ষ অর্থের দ্বারা পরে মূল্য লইবেন এই ব্যবস্থায় কিশোর প্রিন্টিং ওয়ার্কসেব সুযোগ্য সভাপ্রধান শ্রীযুক্ত কিশোরীমোহন সরকার মহাশয় স্বীয় প্রেসে ইহা আদ্যন্ত মুদ্রন এবং বেঙ্গল মেডিক্যাল লাইব্রেরীর অধ্যক্ষ শ্রদ্ধাভাজন শ্রীযুক্ত গুরুদাস চট্টোপাধ্যায় মহাশয় ইহা মুদ্রনের সমস্ত কাগজ প্রদান পূর্বক মহোপকার করিয়াছেন।

শ্রামবাজার মিত্র-দেবালয়, কলিকাতা।
মাঘ, ১৩১৫ বঙ্গাব্দ।

ভাগ্যহীন অনুজ
অমৃতনাথ

নির্ঘণ্ট

বিষয়	পৃষ্ঠাঙ্ক
সূচনা	১
প্রথম উল্লাস—প্রণয়ী পত্র ও মদ অনুসন্ধান ..	৫
দ্বিতীয় উল্লাস—মদ খাইব	১৩
তৃতীয় উল্লাস—সে মদ কোথায় মিলে ?	১৮
চতুর্থ উল্লাস—মদ মিলিয়াছে	২৪
পঞ্চম উল্লাস—এ কিরূপ পরীক্ষা ?	৩০
পরিণাম ‘	৪৪
উপসংহার	৭৩
পরিচয়-কাণ্ড	৮১

সূচনা ।

চিন্তাশীল ব্যক্তিগণের উপদেশে অবগত হওয়া যায় যে, ইন্দ্রিয়ের গোচর সকল পদার্থই দুঃখ-জনক ও নশ্বর, এবং ইন্দ্রিয়ের অগোচর পদার্থ সমূহই সুখ-জনক ও নিত্য। ধীর-ভাবে বিচার করিয়া দেখিলে ইহাকে 'যথার্থ-বাদ' বলিয়াই বিশ্বাস হয়। কারণ, (চক্ষুঃ কণ্ঠ নাসাদি) ইন্দ্রিয়ের আপাততঃ অগোচর যে সুখদ (কাল্পনিক-সুখ-দায়ী) পদার্থকে পাইবার জন্ত বহুদিন হইতে চিত্ত উৎসুক ছিল, অনেক যত্নে তাহাকে পাইবার পরই দেখিতে পাওয়া যায়, তাহার শেষভাগে 'নশ্বর' ও 'দুঃখময়' এই দুইটা কথা উজ্জ্বল অক্ষরে লিখিত রহিয়াছে। উল্লিখিত বিষয় যদি কাহাবও পক্ষে কিছু কঠিন বোধ হয়, তবে তিনি আবও কিঞ্চিৎ বিশদভাবে ভাবিয়া দেখিলেই বুঝিতে পারিবেন যে,—দরিদ্র তাহার অভুক্ত যে রাজত্বকে পবন-সুখ-জনক মনে করে, রাজার তাহাতে সুখ নাই,—কামুক তাহার অভুক্ত যে কামিনী-সন্তোগকে মহা-সুখ-জনক মনে করে, লম্পাটের তাহাতে সুখ নাই ;—অসতী নারী তাহার অমাচারিত যে বারনারী-বৃত্তিকে মহা-সুখ-জনক মনে করে, বেস্তাব তাহাতে সুখ নাই। এইরূপ 'যে'কোন ভুক্ত বা ইন্দ্রিয়-গ্রাহ্য বিষয় নিবিষ্টচিত্তে চিন্তা করা যায়, তাহার পরিণাম নশ্বর ও দুঃখময় বলিয়াই বিশ্বাস জন্মে।

“তবে কি সংসারে সুখ নাই?—শোকগ্রস্ত ব্যক্তির সস্তাপিত শ্রোণ শান্ত হয়, জরাগ্রস্ত ব্যক্তির দুর্লভ জীবন-ভার লঘু হয়, দরিদ্র ব্যক্তির দুর্দমনীয় দারিদ্র্য-দুঃখ বিদূরিত হয়, এমন সুখময়—এমন আনন্দময়—পদার্থ কি তবে সংসারে নাই?”—একদিন সন্ধ্যাকালে কোন ধনবান্ তরুণবয়স্ক বাবুর আবাসে বসিয়া আমার অন্তঃকরণে সহসা এইরূপ প্রশ্ন উদ্ভিত হওয়ার পার্শ্বোপবিষ্ট এক অপরিচিত হর্ষোৎফুল্ল ব্যক্তিকে উহা জিজ্ঞাসা করিলাম। তিনি প্রশ্ন শুনিয়া বিজ্ঞের মত কিয়ৎক্ষণ চিন্তা করিয়া গম্ভীরভাবে ধীরে ধীরে আমাকে বলিলেন,—“বাবা! পৃথিবীতে এমন কোন জিনিসই নাই, যাহা মানুষের সকল দুঃখ দূর, সকল কামনা পূর্ণ, এবং অবিনশ্বর বা অবিরাম আনন্দ প্রদান কবিতে পারে। তবে এমন অনেক ‘বস্তু’ আছে, যাহা ব্যবহার করিলে কিছুকালের জন্য সকল দুঃখ-যাতনা, এমন কি নিদারুণ পুত্রশোক পর্যন্ত, ভুলিয়া সুখে থাকিতে পারা যায়।”

আমি আগ্রহ-সহকারে কহিলাম,—“সে কি ‘বস্তু’ মহাশয়?” এবার পূর্ববৎ সহর্ষভাবে উত্তর হইল,—“সে বস্তু আর কিছুই নহে,—মাদক সেবন; অর্থাৎ যাহা সেবন করিলে মত্ততা জন্মে,—নেশা হয়, সেই বস্তুই কেবল সমস্ত দুঃখ-যাতনা ভুলাইতে সমর্থ, বুঝিলে কি?—এই মাদকের মধ্যেও আবার অনেক প্রকার-ভেদ আছে, তন্মধ্যে মদই সর্বাপেক্ষা শ্রেষ্ঠ ও বড়ই আনন্দ-দায়ক। অর্থাৎ মদ খাইলে যেমন আনন্দ হয়, তেমন আনন্দ,—তেমন মদ্য, আর কোন মাদক-দ্রব্যেই পাওয়া যায় না। মরি মরি! সেই আঁধি ঢুলু ঢুলু-সদানন্দ-ভাব, সেই রাজ-সিংহাসন ও নর্দমার সমানজ্ঞান-ভাব, যে জানে—যে ভোগ করিয়াছে,—সে ভিন্ন অন্য

তাহা বুঝিতেই পারে না।—বাপধন! একবার খাইয়া দেখ শু
বুঝিতে পার, মদ কি মজার জিনিস!”

উন্মিথিত ক্ষুর্তিমান ব্যক্তির উৎসাহ-প্রকল্প-বদনে মদের এতাদৃশী
আনন্দ-দায়িনী-শক্তির ব্যাখ্যা শ্রবণে, নানাপ্রকার চিন্তা আসিয়া
মনটাকে কেমন চঞ্চল করিয়া তুলিল। কখনও মনে হইতে
লাগিল, মদ খাইয়া যদি চিত্র-সস্তপ্ত প্রাণকে সুখে রাখিতে
পারা যায়,—মদ খাইয়া যদি যাতনাপূর্ণ সংসারের ভাষণ-দৃশ্য-বিষয়ে
অন্ধ হইতে পারা যায়, তবে আমি মদই খাইব। কিন্তু সংস্কার-বলে
ও শাস্ত্র-পাঠক-বর্গের নিকট শ্রবণ-ফলে, তৎকরণে মদকে অপেক্ষ,
অদের, অগ্রাহ্য, এমন কি অস্পৃশ্য স্বরণ হওয়ার, এবং যে মদ খায়,
তাহার উর্দ্ধাধঃ চতুর্দশ পুরুষ পর্য্যন্ত নিরয়গামী হয় জানিয়া আতঙ্ক
উপস্থিত হওয়ার, আমার সাধের মদ খাওয়ার সঙ্কল্পেই বাধা পড়িল।
আর সেই বাবুর বৈঠকখানায় বসিয়া থাকিতে ভাল লাগিল না।
বিবিধ চিন্তা-সমান্বলিত অথচ আতঙ্ক-সমাকুলিত চিন্তে ধীরে ধীরে
আবাসে আসিলাম; এবং রাত্রি অধিক হওয়ার নিত্যকর্ম সকল
সমাপনানন্তর শয়ন করিলাম।

নিদ্রার্থ শয্যায় শয়ন করিলাম বটে, কিন্তু বিবিধ-চিন্তা-ভাড়া
মস্তিষ্ক উত্তপ্ত হওয়ার কোনক্রমেই নিদ্রা আসিল না। অনেককণ
শয্যায় শয়ান থাকিবার পর, জাগ্রদবহার চিন্তা-জন্যই হউক
অথবা সৌভাগ্যক্রমেই হউক, তদ্রূপে মদ্যপান-সম্বন্ধে আমি
একটা আশ্চর্য স্বপ্ন দর্শন করিলাম। সেই অদ্ভুত স্বপ্ন-দৃষ্ট-ঘটনাবলী
মদ্যপানার্থী মাদৃশ ব্যক্তিবর্গকে জানাইবার জন্যই এই ক্ষুদ্র পুস্তক
প্রকাশিত হইল। ইহা যে ‘প্রকৃত মাতালের’ বিশেষ কোন উপ-
কারে আসিবে, অর্থাৎ যাহারা মদ খাইয়া বাহ্যজ্ঞান-পরিশূন্য ও

পূর্ণনিঃশ্রান্ত হইরাছেন তাঁহাদের কোন উপকারে আসিবে, এমন
 ভরসা না থাকিলেও, যাহারা বিষয়-বিষ-পূর্ণ সংসারের দুঃসহ বাতনা
 ভুলিবার আশার মত খাইয়া মাতাল হইতে কৃতসঙ্কম হইরাছেন,
 তাঁহাদের মধ্যে যদি এক ব্যক্তিও এই পুস্তকে প্রকাশিত বিনা
 অর্থব্যয়ে লব্ধ মদিরা অমুসন্ধানপূর্বক সেবন করিতে পারেন, তাহা
 হইলেই স্বপ্ন-দৃষ্ট-ঘটনা-প্রকাশ-চেষ্টা সার্থক হইবে।



২৫০৪ -

ব. সা. প. পু.
উপস্থিত তাং...৩...৫...৩২

মদখাও-নেশাছুটিবেনা।

(আশ্চর্য্য সত্য স্বপ্ন)

প্রথম উল্লাস ।

প্রণয়ীৰ পত্ৰ ও মদ অনুসন্ধান ।

চৈত্র মাসেব সূর্য্যাতপ-প্রভাবে শিমুলেব ফল সকল বিদীর্ণ হইয়া তন্মধ্যস্থ তুলান্তবক যেমন শূন্য উড়িয়া যায়,—ক্রীড়া-কৌতু-হল-সময়ে শিশুগণেব কব-পিঞ্জব-নির্মুক্ত শিকি-কপোতকুল যেমন শূন্যে উড়িয়া যায়,—তদ্রাবেশ হইবামাত্র স্বপ্নযোগে আমিও যেন সেইরূপ সংসার-পাশ বিমুক্ত হইয়া নিঃশঙ্কচিত-চিত্তে ম শরীরে শূন্য-প্রদেশে উখিত হইতে লাগিলাম ।

যখন উর্দ্ধদিকে অনেক দূৰ উঠিয়াছি, যখন নিম্নদেশে কেবল শূন্য-বাতীত সংসাবেব আৰ কোন দৃশ্যই দেখিত পাইতেছি না, সেই সময় সহসা আমাব সম্মুখভাগে একটা চিত্ত-বিমোহন উপবন

৬ মদ খাও—নেশা ছুটিবে না ।

দৃষ্টিগোচর হইল । ইতিপূর্বে লোক-মুখে শুনিয়া, চিত্রপট দেখিয়া, এবং গ্রন্থ পাঠ করিয়া, তপস্বি-জন-সমাপ্তিত তপোবনকে যেমন শান্তি-জনক স্থান বলিয়া কল্পনা করিয়াছিলাম, খাদ্য-খাদক-সম্বন্ধ-বিশিষ্ট জন্তুগণের হিংসা-ঘেঘাদি-বিরহিত, অনায়াস-জাত-ফল-পুষ্পাদি-পরিশোভিত, কলকণ্ঠ বিহগবৃন্দের নিরন্তর সুমধুর সঙ্গীতে প্রতি-ধ্বনিত ঐ স্থানটী দর্শন করিয়া উহাকে বাস্তবিকই সেই শান্তি-নিকে-তন তপোবন বলিয়া বিশ্বাস জন্মিল । কিন্তু আশ্চর্যের বিষয় এই যে, ঐ তপোবন-মধ্যে লোক-বসতির অস্তিত্ব-সূচক বহু-চিহ্ন-সত্ত্বেও, কি শিল্প, কি তরুণ, কি প্রাচীন, কোনপ্রকারের একটীও মানব-মূর্তি দৃষ্টিগোচর হইল না ।

বাহা হউক, স্বপ্নযোগে উল্লিখিত তপোবনে উপস্থিতির অব্য-বহিত পবক্ষণেই উহাব কমনীয় ভাব সন্দর্শনে সহসা সু-কুমার শৈশবাবস্থার কথা স্মরণ হওয়ার, তৎকাল-সম্বন্ধীয় বিবিধ চিন্তা আসিয়া অন্তঃকরণকে অধিকার করিল । বাল্যকালের কথা ভাবিতে ভাবিতে সহসা স্মরণ হইল, শৈশবে আমি আমার কতিপয় হিতা-কাঙ্ক্ষী বন্ধুব সহিত সন্দর্পদাই একত্র বাস করিতাম । কেবল একত্র বাস নহে, একমতে কাজ করিতাম, এক উদ্দেশ্যে খেলা কবিতাম, এক ভোজ্য ভোজন করিতাম—বলিব কি, তখন আমরা সকলেই যেন একদেহ—একপ্রাণ হইয়াছিলাম ।

সময় নিবস্তব পরিবর্তনশীল । সে স্মেচ্ছামত কতপ্রকারেবই খেলা করিতে কবিতাে অবিবত আপনার সু-বিশাল চক্র গথে ঘুরি-তেছে । সেই মহাঘূর্ণনের সঙ্গে সঙ্গে জগতের যে কত বিপণ্যরু-খাটতেছে, কয়জন তাহার অনুসন্ধান কবে ? আজ যিনি রাজা, কাল তিনিই ভিক্ষুক , আজ যিনি পাণী, কাল তিনিই মাধু ;

আজ যেখানে সাগর, কাল সেইখানেই নগর ; আজ যেখানে
আনন্দ-কোলাহল, কাল সেইখানেই বোদনধ্বনি ; এইরূপ বিপর্যয়
সজ্বটনই সময়ের খেলা । সে এই প্রকাবে ঘুরিতে ঘুরিতে
আমার সেই সতত শুভাকাজ্ঞী শৈশব-সুহৃৎকে আপনাব
সু-বিশাল চক্রে সহিত বাঁধিয়া কোথায় লইয়া গিয়া এখন
তাঁহাদের যে কি দশা কবিয়াছে, অদ্যাপি তাহাব আর কোন
সংবাদই পাওয়া গেল না । আমি তাঁহাদের সত্বিত যে খেলা খেলি-
তাম, যে আনন্দে মাতিতাম, যে গান গাহিতাম, তপোবনে তাহারও
কোন চিহ্ন দেখা গেল না , কেবল এইমাত্র স্মরণ হইল যে, “শৈশবে
আমবা কতিপয় বন্ধ একত্র ছিলাম ।” তাঁহাদের জন্য প্রাণ কাঁদিয়া
উঠিল , ইচ্ছা হইল, সন্ধান পাই ত এখনই আবার তাঁহাদের সহিত
সেই একভাবে মিলিয়া এক হইয়া যাই । পাঠক পাঠিকে । আপনাবা
কেহ বলিয়া দিতে পাবেন ঐ বন্ধুগুলি কে ?

* * * * *

যাহা হউক, স্বপ্ন-যোগে এইরূপ নানা-চিন্তা-নিবিষ্ট-চিন্তে
কিয়ৎকরণ অতিবাহিত হইলে পব, অকস্মাৎ সন্নগ্র তপোবন-ভাগ
মিষ্ণ-লোহিত আলোক-প্রভার প্রদীপ্ত হইয়া উঠিল । ঐরূপ আলো-
কের কারণ জানিবার আশায় আমি চকিত ভাবে ইতস্ততঃ চাহিয়া
দেখিতে দেখিতে উর্দ্ধদিকে দৃষ্টি পতিত হওয়ার দেখিলাম, শূন্যে সেই
লোহিত আলোক-বশ্মির মধ্যে, তিন চাবি বৎসর বয়স্ক নগ্নশরীর কতি-
পর সুকুমার বালক বালিকা প্রফুল্লমুখে ও সতৃষ্ণ নয়নে আমারই দিকে
চাহিয়া রহিয়াছে । কিন্তু কি আশ্চর্যের বিষয় । তাহাদের দিকে
আমাব দৃষ্টি পতিত হইতে না হইতেই তাহারা শূন্য হইতে শুভ্রবর্ণ
ও লঘু কি একধণ্ড বস্তু নিক্ষেপ করিল ও তৎক্ষণাৎ আমাকে তাহা

৮ মদ খাও—নেশা ছুটিবে না ।

গ্রহণের ইঙ্গিত করিয়া শূন্যেই বিলীন হইয়া গেল । তাহাদের অস্ত-
কানের সঙ্গে সঙ্গে সেই আলোকও অস্তহিত হইল ।

এই ঘটনার পরই পত্রিকাকৃতি ঐ শুভ্রবর্ণ বস্তু আমাব
সম্মুখভাগে পতিত হওয়ার কোতূহলাক্রান্তচিত্তে উহা গ্রহণ করি-
লাম-এবং পাঠান্তে অতীব আশ্চর্যান্বিত হইলাম । পত্রে যাহা
লিখিত দেখিলাম, তাহা এই,—

“সখে ! অনেক দিন হইল, আমরা তোমার অকৃত্রিম
প্রণয়-বকন-বিচ্ছিন্ন বহিয়াছি ; সুতবাং আমরা তোমাব কোন
সংবাদই জানি না । আমরা আর আর সকলেই একত্র আছি,
কেবল তুমিই পৃথক্ ; সেইজন্য আমাদের সর্বদাই ইচ্ছা হয়
যে, আবার সকলে একত্র হইয়া একভাবে ‘আনন্দ’ সম্ভোগ
করি । এখন আমরা তোমা হইতে অনেক দূরদেশে আসি-
য়াছি । এত দূরে আসিয়াছি যে কেবল একটি উপায় ব্যতীত
আমাদিগের সহিত মিলিত হইবার অন্য কোন সম্ভাবনাই নাই ।
সে উপায়—‘মদ্য পান’, অর্থাৎ তোমাকে মদ খাইতে হইবে ।
মদ খাইয়া সকল বিষয় ভুলিবার উপযুক্ত মাতাল না হইলে
কেহই এখানে আসিতে পাবে না । কিন্তু ভাই । এই মদ খাই-
বার সম্বন্ধে একটি কথা আছে । বাছিয়া বাছিয়া, চিনিয়া চিনিয়া,
এমন মদ খাইতে হইবে, যে মদের নেশা কখনই ছুটিবে না,
অর্থাৎ এমন মদ খাইতে হইবে, যাহা একবার পাইলে চিবকাল
সমভাবেই নেশা থাকে ; সে নেশা,—সে ক্ষুর্ভি—সে আনন্দ আর
কখনই বিনষ্ট না হয় । যদি আমাদের প্রতি তোমাব আজিও
বথার্থ সেইরূপ ভালবাসা থাকে, তবে অনুসন্ধান করিলেই তুমি
সে মদ পাইবে । যদি আন্তরিক চেষ্টা-দ্বারা অনুসন্ধান করিয়া

উহা একবার খাইতে পার, তবে নির্কিঞ্চে এখানে আসিয়া আমাধিগের সহিত মিলিত হইতে পারিবে। আমবা তোমার আগমন-পথ চাহিয়া রহিলাম। ইতি”

এই পত্র-পাঠে আমি যুগপৎ আহ্লাদিত ও বিস্মিত হইলাম। আহ্লাদের কারণ দুইটী। প্রথম কারণ, ইতিপূর্বে বাবুর বৈঠকখানায় সেই অপবিচিত ব্যক্তির মুখে মদের আনন্দদায়িনী শক্তির সবিস্তর বর্ণনা শুনিয়া আমার মদ খাইবার বাসনা বলবতী হইলেও, শাস্ত্রের শাসন-বাক্য স্মরণ হওয়ার যে বাসনার বাধা পড়িয়াছিল, এখন মদ খাইতে বাল্য-বন্ধু-গণের আদেশ-প্রাপ্তিতে সেই বাসনার চরিতার্থতা সম্পাদন-সম্ভাবনা, এবং দ্বিতীয় কারণ, দূবদেশ-নিবাসী বন্ধুগণের সহিত বহুকালের পর পুনর্মিলিত হইবাব আশা। কিন্তু “মদ না খাইলে কেহই এখানে আসিতে পাবে না, এবং এমন মদ খাইতে হইবে যাহার নেশা কখনই ছুটিবে না,” এই সকল কথা পাঠ করিয়া মনে বড়ই বিস্ময় জন্মিল। পাঠক পাঠিকে! এই দেশ কোথায়, এবং এরূপ মদই বা কোথায় পাওয়া যায়, যদি তাহা জানেন, তবু কেহ দয়া করিয়া আমাকে তাহাব সন্ধান বলিয়া দিবেন কি?

অল্পকণ্ঠেব মধ্যেই আমার প্রাণ আকুল হইয়া উঠিল,—কখন ও কিরূপে সেই বন্ধুগণেব সহিত সম্মিলিত হইব, ইহা ভাবিয়া, আমার প্রাণ আকুল হইয়া উঠিল; সুতবাং মদ খাইবার জন্ত প্রাণের অস্থিরতাও বর্ধিত হইল। আর আমার কিছুই ভাল লাগিল না,—সেই অদৃষ্টপূর্ব তপোবনের তাদৃশ শান্তিপ্রদ বস্তুসমূহের মধ্যে আর আমার কিছুই ভাল লাগিল না। প্রাণ কেবল চাহিতে লাগিল,—মদ! মদ!! মদ!!!

১০ মদ খাও—নেশা ছুটিবে না।

বহুগণের পক্ষে দেখিযাছি, “অনুসন্ধান করিলেই মদ পাওয়া যাইবে” ; সুতরাং আমি কেবল তাঁহাদের সহিত মিলিত হইবার জন্ত, এবং নেশা করিয়া সকল ভুলিবার আশায়, মদেব অনুসন্धानে সেই তপোবন হইতে বহির্গত হইলাম। বাহির হইবারাত্র বোধ হইল, যেন আমি ধরাতলের কোন একটা অদৃষ্টপূর্ব প্রদেশে অবতীর্ণ হইয়াছি। এ দেশে উদ্ভি-
খিত তপোবনের স্থায় আরাম-জনক বিশেষ কোন দৃশ্য দৃষ্টি-
গোচর না হওয়ার পূর্ব হইতেই অস্থির মন মদ খাইবার প্রবলতর আকাঙ্ক্ষায় নিরতিশয় চঞ্চল হইয়া উঠিল। তদ্বারা ক্রিপ্তের স্থায় হইয়া পশ্চিমধ্যে ভদ্রবেশ-ধারী যাঁহাকে পাইলাম, তাঁহাকেই কাতর-ভাবে ও অসঙ্কচিত-চিত্তে জিজ্ঞাসা করি-
লাম,—“মহাশয়। এ দেশে মদ কোথায় পাওয়া যায়, আপনি দয়া করিয়া আমাকে বলিয়া দিতে পারেন ?” এইরূপ প্রশ্ন শুনিয়া কতলোকে আমাকে কতপ্রকারে বিক্রম করিতে লাগিল। অনেকেরই নিকট উপহাসাস্পদ হওয়ার অবশেষে মনে এই ধারণা হইল যে, “হয় ত আমি এমন উৎকৃষ্ট জব্য পাইবার উপযুক্ত পাত্র নহি বলিয়াই বুঝি এইরূপে সকলে আমাকে পরিহাস করিতেছেন।” মনে এইরূপ সংশয়-পূর্ণ ধারণা উপস্থিত হওয়ার, আমি পথে ঘাটে ভদ্রাভদ্র-বেশ-ধারী আবার-বৃদ্ধ-বনিতা বেখানে যাহাকে সম্মুখে দেখিতে পাইলাম অকুতোভরে তাহাকেই জিজ্ঞাসা করিতে লাগিলাম,—“ওগো এ দেশে ভাল মদ কোথায় পাওয়া যায়, তোমরা কেহ দয়া করিয়া আমাকে বলিয়া দিতে পার গা ?” এইবাব কেহ আমাকে ‘পাগল’ বলিয়া গারে খুলা দিতে লাগিল ; কেহ

আমাকে 'মাতাল' বলিয়া অবজ্ঞা-সূচক ভাব দেখাইতে লাগিল, কেহ 'লম্পট' বলিয়া রুক্ষ ভাষায় তাহাদের নিকট হইতে দূরীভূত হইতে কঠোর আদেশ করিল ; এবং কেহ কেহ বা অপেক্ষাকৃত মধুর ভাষায়,—“এরূপ প্রকাশ্য-ভাবে মদের অনুসন্ধান করা সামাজিক রীতি-বিরুদ্ধ” ইত্যাদি বলিয়া আমাকে নীতিশিক্ষাও প্রদান করিলেন । ফলতঃ এক 'মদ অনুসন্ধান' আরম্ভ করিয়াই আমি লোকের চক্ষে বিধাতার একটা অভিনব-সৃষ্ট-প্রাণি-রূপে পরিগণিত হইয়া উঠিলাম ; কিন্তু তাহাতেও আমার মদ্য-পানের আকাঙ্ক্ষা মন্দীভূত হইল না ।

স্বপ্নের মোহিনী শক্তির মাহাত্ম্য কে বুঝিতে পারে । সে ইচ্ছা করিলে নিজের অসীম-শক্তি-প্রভাবে ক্ষণ-কাল-মধ্যে নিজ-আশ্রিত ব্যক্তিকে তাহার সু-দীর্ঘ-কাল-সমাচরিত অসংখ্য ভীতিজনক কার্য নিমেষ-মধ্যেই প্রত্যক্ষ-রূপে প্রদর্শন-দ্বারা ভরে বিহ্বল করিতে পারে, এবং ইচ্ছা করিলে দীর্ঘকাল ব্যাপিয়া নিজের আশ্রিত ব্যক্তিকে তাহার চির-প্রার্থিত কোন সামান্য বিষয়ের ছায়ামাত্র দেখাইতেও পারে । স্বপ্নের সেই শক্তি-প্রভাবে মদ অনুসন্ধানার্থ ঘুরিতে ঘুরিতে এবং লোকের তিরস্কার ও বিদ্বেষাদি সহ করিতে করিতে যেন আমার তিন চারি দিন কাটিয়া গেল ; মদের কোন সন্ধানই পাওয়া গেল না ।

ক্রমশঃ মদ খাইবার জন্য প্রাণ এমন ব্যাকুল হইয়া উঠিল যে, আহার-বিহারাদি দেহ-ধারণের অবশ্যকর্তব্য নিত্যকর্মগুলিও আর ভাল লাগিল না । পরে এমন অবস্থা ঘটিল যে ক্ষুধা তৃষ্ণা তিরোহিত -হইয়া গেল এবং শারীরিক সকল অঙ্গ প্রত্যঙ্গই যেন সেই মহাশক্তি-সমুদীপন-কারী মদ্যের অভাবে অবসন্ন

১২ মদ খাও—নেশা ছুটিবে না।

ইয়া পড়িল, কিন্তু তখনও মদ অল্পসন্ধানার্থ প্রাণপণ চেষ্টার
অণুমাত্রও নিবৃত্তি হইল না।

স্বপ্নে আমার যখন এইরূপ অবস্থা, সেই সময় (যেন এক-
দিন রাত্তিকালে) আঁধি ঢুলু ঢুলু অবসন্নশবীর এক বয়স্ক ব্যক্তি
দয়া কবিতা উচ্চ অথচ জড়িত স্বরে আমাকে ডাকিয়া বলিলেন,—
কি বাবা, তুমি মদ খেতে চাও, আমার সঙ্গে এস, যত পাব
আমি তোমায় মদ খাওয়াচ্ছি, এবই জন্তে এত ভাখ ? ছিঃ !”
অপরিচিত ব্যক্তিব এইরূপ অঘাচিত ককণাপূর্ণ আশ্বাস-বচন
শ্রবণে আমার অন্তঃকরণ যে তখন কিরূপ প্রফুল্ল হইয়াছিল
তাহা প্রকাশের উপযুক্ত ভাষার অভাব।



দ্বিতীয় উল্লাস ।

মদ খাইব ।

গৃহ-পালিত ক্ষুধার্ত কুকুর যেমন ভুক্তাবশিষ্ট-প্রাপ্তির প্রত্যাশায় লাঙ্গুল-সঞ্চালন করিতে করিতে আচমনার্থ গমনশীল নিজ-প্রভুর অনুগামী হয়,—আলস্য-প্রিয় নিরন্ন বঙ্গ-দেশীয় বিপ্র যেমন কিঞ্চিৎ অর্থ-প্রাপ্তির প্রত্যাশায় চাটুবাদ করিতে করিতে বায়ু-সেবনার্থ বিচরণশীল সঙ্গতিশালিব্যক্তির অনুগামী হয়,—মদ্যেব প্রত্যাশার আমিও তদ্রূপ সেই অপরিচিত ব্যক্তির অনুগামী হইলাম ।

পথিমধ্যে সেই মাতাল পূর্বের শ্রায় বিজড়িত-স্ববে আমাকে জিজ্ঞাসা করিলেন,—“আচ্ছা বাবা, তুমি কখনও মদ খেয়েছ কি ? ঠিক কথা বলবে ।” আমি বিনীত-ভাবে বলিলাম,—“না মহাশয়, আমি আব কখনও মদ খাই নাই, আজই প্রথম খাইব ।” তখন মাতাল অধিকতর আহ্লাদ ও উৎসাহ সহকারে আমার পৃষ্ঠে মৃদু চপেটাঘাত কবিয়া কহিলেন,—“তবে একটু পা চালিয়ে চল বাবা, ৯টা বাজলেই সব আব্গাবীব দবজা বন্ধ হ’বে, তা হ’লে আজ আব মদ মেলা দুর্ঘট ।” মাতালের এই কথা, এবং ‘মদ খাইতে পাইব’ এই আশায়, আহ্লাদে দ্রুততর-পদে আমি তাঁহার সঙ্গে সঙ্গেই চলিলাম ।

এইরূপে কিয়দূর অগ্রাবর্তী হইবার পর, এক বিস্তৃত রাজপথের পার্শ্ববর্তী একটা গৃহে প্রবেশ কবিয়া মাতাল আমাকে বলিলেন,—‘দেখ’ বাবা, এই মদের দোকান । কেমন সুন্দর, দেখে চক্ষুঃ সার্থক কর । এখানে কোন বকমে একবার প্রবেশ কবতে পাবলেই

স্বর্গের দরজা সর্বদার জন্ত খোলা পাবে ; আর ঐ যে ব্র্যাকেট-সুশোভিনী আবক্ত-রূপিনী বোতল-নিবাসিনী আনন্দ-দায়িনী দেবীকে দেখে, উঁহাবই নাম বারুণী-সুন্দরী, যাঁকে সাদা কথায় 'মদ' বলে। উনি 'কৃপা' ক'রে একবার যাঁর কণ্ঠ-নালী দিয়ে উদর-মধ্যে আশ্রয়-লাভ করেন, তাঁর পক্ষে ইন্দ্র-পদও অতি তুচ্ছ, বেশী আব বলব কি ?—আচ্ছা বাবা, তুমি এখানে একটু ঠিক হয়ে দাঁড়াও, আমি মাল নিয়ে আসছি।”

মাতাল মহোদয় এইরূপ সার-গর্ভ উপদেশ দিয়া মদ আনি-বার জন্ত গমন করিলে পব, আমি দেখিলাম, সেই গৃহে নানা-বর্ণের তবল-দ্রব্য-পরিপূর্ণ বহুসংখ্যক বোতল সরল ও শ্রেণীবদ্ধ ভাবে সজ্জিত রহিয়াছে, এবং ঐ সকলের মধ্যভাগে একটা উচ্চ কাষ্ঠ-সনে উপবিষ্ট ছটপুষ্ট এক ব্যক্তি বহুসংখ্যক মদ্যপায়ীকে মদ দিতেছেন। যাহারা মদ খাইতেছে, তাহাদের আহ্লাদের আর সীমা নাই। কেহ নানাপ্রকার ভঙ্গী করিয়া নাচিতেছে, কেহ বাহা-কণ্ঠ-স্বরের অনুকরণে গান করিতেছে, কেহ নানাবিধ রক্ত-রসালোপের সহিত মদের উপদংশ (চাট) সেবা করিতেছে, কেহ সামান্য কারণে অপরের সহিত তুমুল মল্লযুদ্ধে রক্তাক্ত-কলেবর হইয়া অবিলম্বেই আবার তাহার চরণধারণপূর্বক অতি বিনীত-ভাবে ক্ষমা চাহিতেছে, কেহ সর্বত্যাগী সাধুর জায় বিকাব-বিবহিত ও নিশ্চেষ্ট ভাবে নগ্ন-দেহে ধূলি-শয্যায় শয়ান রহিয়াছে, আবার কেহ বা “আরও দাও ! আরও দাও !!” বলিয়া মদের উত্তম দোকানদারকে ব্যতিব্যস্ত করিতেছে, ফলতঃ মদের শক্তিতে সকলেই যেন আহ্লাদ-সাগরে ভাসমান। মদ পাইতে বিলম্ব হওয়ার মধ্যে মধ্যে আমার মনটা অস্থির হইতেছিল বটে, কিন্তু

উহা প্রাপ্তির আশায় কোনক্রমে ধৈর্যধারণপূর্বক দোকানের এক পার্শ্বে নিস্তরুভাবে দাঁড়াইয়া ঐ সকল অসাধারণ ব্যাপার আগ্রহ-সহকারে দেখিতেছিলাম ।

এমন সময় আমার সঙ্গী সেই মাতাল এক বোতল রক্তিমবর্ণ মদ এবং অনেকপ্রকার উপদংশ লইয়া আমার নিকট উপস্থিত হইলেন, এবং হাসি মুখে বলিলেন,—“এই দেখ বাবা, তোমার ধাত্তিরে আজ ভাল মালই এনেছি । এস এইখানে বসেই মা কালীকে নিবেদন ক’রে দিয়ে প্রাণ খুলে প্রসাদ পাওয়া যা’ক ।”

আমার নিকট হইতে কোন উত্তর পাইবার পূর্বেই (“মৌনঃ সন্ন্যাসি-সঙ্কলঃ” বুঝিয়াই যেন) মাতাল মহাশয় “জয় কালী” শব্দে বোতলের মুখ খুলিলেন, পান-পাত্রে মদ ঢালিলেন, এবং আমাকে দিবাব অভিপ্রায়ে হস্ত প্রসারণ করিলেন । ঠিক এই সময় এক ব্যক্তি (বোধ হয়, গ্রাম-সঙ্কে দোকানদারের ভাগিনেয় হইবে) উর্দ্ধ-শ্বাসে সেই দোকানে আসিয়া উত্তেজিত-স্বরে দোকানদারকে কহিল,—“আচ্ছা মামা । খেতে না খেতেই নেশাটা ছুটে গেল, ব্যাওরাটা কি বল দেখি ? মাতাল মনে ক’রে জল মিশিয়ে পয়সা ক’ গণ্ডা ফাঁকি দিলে বাবা—ছিঃ । যা’ক, এবার ভাল দেখে এই আট আনার খাঁটি মাল দাও ; যেন দু’ তিন ঘণ্টা নেশাটা অটুট থাকে । দেখো বাবা, দোহাই তোমার, অধর্ম্য ক’র’ না ।”

সর্বনাশ ! আগন্তুক মাতালের মুখে “খেতে না খেতেই নেশা ছুটে গেল” শুনিয়া আতঙ্কে যেন আমার হৃৎকম্প উপস্থিত হইল । যে মদ খাইবার জন্য সেইখানে বসিয়াছিলাম, সে মদ খাওয়া দূরে থাকুক,—তাহা স্পর্শ করা দূরে থাকুক—তৎ-প্রতি দৃষ্টিপাত করিতেও আতঙ্ক উপস্থিত হইল ; আমি সম্ভব

সেই স্থান পরিত্যাগ করিবার অভিপ্রায়ে উঠিলাম। আমাকে উঠিতে দেখিয়া সঙ্গী মাতাল কিঞ্চিৎ বিরক্তি-ব্যঞ্জক স্বরে বলিলেন,—“কি বন্ধু, হঠাৎ একেবারে চম্কে উঠে দাঁড়ালে যে, যাও কোথা?” আমি বলিলাম,—“আমার এ মদ খাওয়া হইল না, যে মদের নেশা ছুটিয়া যায়, সে মদ খাইতে আমার বন্ধুগণের অনুমতি নাই। আমি এমন মদ খাইতে চাই, একবার খাইলেই তাহার নেশা বা আনন্দ চিরকাল সম-ভাবে থাকে; সে মদ কি এ দোকানে পাওয়া যায় না?”

এই কথা শুনিয়া মাতাল ক্রকুটী করিয়া অতি কুপিতভাবে চীৎকার-পূর্বক কহিলেন,—“কোন্ আহাম্মক বেলিক তোমাকে এমন কথা বলেছে যে, একবার মদ খেলে চিরকাল তা’র নেশা থাকে? তা’ হ’লে আর ভাবনা থাকত না। তুমি গুলি টুলি কিছু খাও বটে? নহিলে গুলিখোরের মত কথায় তোমার এত বিশ্বাস কেন? ব’স’ হু’ চার পাত্র খাও, তার পর এর গুণ আপনিই বুঝতে পারবে।” সঙ্গীর এইরূপ বিকট চীৎকার শুনিয়া আরও দুই চারিজন যুবা মাতাল সেইখানে সরিয়া আসিল; এবং সমস্ত কথা শুনিয়া আমাকে সেই ক্রীত মদ খাওয়ানোর জন্য নানাপ্রকারে উত্ত্যক্ত করিতে লাগিল। আমি ভয় পাইয়া বিনীত-ভাবে তাহাদিগকে বলিলাম,—“ভাই সকল। তোমরা আমায় দয়া করিয়া ছাড়িয়া দাও। আমি তোমাদের কাছে এই গলবস্ত্র হইয়া যোড়হাত করিয়া বলিতেছি, আমাকে ছাড়িয়া দাও। যে মদের নেশা ছুটিয়া যায়, সে মদ খাইতে আমার বন্ধুগণের অনুমতি নাই। যে মদ একবার খাইলে তাহার নেশা আর কখনই ছুটে না, যে মদ একবার খাইলে প্রায় চিরকালই

পূর্ণানন্দে উৎফুল্ল থাকে, যদি তোমরা আমাকে সেই মদ খাও
বাইতে পার, লইয়া আইস, আমি নিশ্চয় তাহা খাইব ।”

আমার এই কথা শুনিয়া মাতালেবা সকলেই একবার
আপনা আপনি বলিল,—“দেখ ভাই, এ ব্যাটা নিশ্চয়ই পাগল,
এব সঙ্গে মিছে মাথা বকিয়ে আমাদের আনন্দ আহ্লাদের
সময় নষ্ট ক’বে আর লাভ কি, দাও ব্যাটাকে ছেড় দাও ।
এই কথায় আমার সঙ্গী সেই বয়স্ক মাতাল রুক্ষ-স্ববে অথচ ধীর ভাবে
আমাকে কহিলেন,—“ভায়া, যদি মদ না খাও, যদি এ সুধা-
সম্ভোগ তোমার পোড়া কপালে না থাকে, তবে সোজা সড়ক প’ড়ে
আছে, গ্যাণ লাইট জ্বলছে, চলে যাও বাবা । আবগারী হজম কর
কি তোমার মত বেলিকের কাজ চাঁদ ?”

আমার বড়ই ভয় হইয়াছিল,—মদ খাইলাম না বলিয়া
মাতালেবা হয় ত আমাকে গ্রেহাব বা আমার শরীরের প্রতি আবেগ
কোনকপ অত্যাচার করিবে ভাবিয়া, আমার বড়ই ভয় হইয়াছিল
কিন্তু সৌভাগ্যক্রমে সে সকলের কিছুই ঘটিল না । আমি অল্প
শরীরেই তাহাদের হাত তহিতে অব্যাহতি পাইলাম ।



তৃতীয় উল্লাস ।

সে মদ কোথায় মিলে ?

নব-নীদব-ঘটা সন্দর্শন করিয়া সু-নির্মল সলিল-ধারা প্রাপ্ত না হইলে চাতকের যেমন পিপাসা বৃদ্ধি হয়,—মিলনাকাঙ্ক্ষা-সমুদীপক মলয়ানিল সেবন করিলে বিরহ-কাতর ব্যক্তির যেমন যাতনা বৃদ্ধি হয়,—নিজ-তনয়-সদৃশ অত্র একটা সন্তান দর্শন করিলে পুত্র-হারা পাগলিনী জননীর যেমন শোকানল বৃদ্ধি হয়,—অথবা আত্মারাম-প্রদ সাধু দর্শন করিলে আত্ম-চিন্তা-নিরত মহাত্মগণের যেমন প্রাণেশ্বর পরমেশ্বর-লাভের আকাঙ্ক্ষা বৃদ্ধি হয়,—এই মদ্যপানো-ল্লসিত মাতালদিগকে দেখিয়া আমারও সেইকপ নিত্যানন্দ-প্রদ মদ্য-পানেব আকাঙ্ক্ষা বলবতী হইয়া উঠিল । কিন্তু সে মদ যে কোথায় মিলে, তাহার সন্ধান জানিতে না পারিয়া আমি উন্মত্তেব ছায অস্থির-চিত্তে নানাস্থান পরিভ্রমণ করিতে লাগিলাম ।

কিছু দিন যেন আমার এই অবস্থায় অতিবাহিত হইল । অনন্তর একদিন আমি যেন কোন একটা নূতন দেশে উপনীত হইয়া পথিশ্রান্তশরীরে ও হতাশচিত্তে পথিকের আশ্রয়দাতা পূজ্যপাদ প্রকাণ্ড পাদপ অগ্ন্যেব সুশীতল তলে উপবিষ্ট আছি, এমন সময় কোন অলক্ষিত স্থান হইতে কে যেন উচ্চ মধুর অথচ গস্তীর স্বরে দৈববাণীর ন্যায় বলিলেন ;—

“সর্বোৎকৃষ্ট মানব-শরীর-ধারী প্রাণিগণেব মধ্যে ভাগ্যবান যে ব্যক্তি ঐকান্তিক অনুরাগ-সহকারে

প্রেমময় ভগবানে আত্মসমর্পণপূর্বক ভগবদ্ভাবে অর্চিত হন, সেই মানবকেই আবার কার্যবিশেষ-দ্বারা বিষ্ঠা-জাত বীভৎস কৃমি-সদৃশ হেয়ও হইতে দেখা যায় । অভীষ্ট বিষয়কে প্রকৃষ্টরূপে হৃদয়ঙ্গম করিয়া তাহা প্রাপ্তির অনুকূল সাধন-দ্বারা যথাকালে সিদ্ধি-লাভ না করিবার কোনও কারণ নাই ।”

সু-গভীর ভাব-ব্যঞ্জক ভাষায় এই পর্য্যন্ত প্রকাশিত হইবার পর, সেই অশ্বীরিণী বাণী স্মৃগিত হইল । বাণী স্মৃগিত হইল বটে, কিন্তু উহার অন্তর্গত সাবগর্ভ উপদেশ সকল আমারই অবস্থোচিত হওয়ায় অন্তঃকরণে অবিরাম প্রতিধ্বনিত হইয়া আমার নেশা কবি-বাব বাসনাকে আবার বলবতী-করিয়া তুলিল ; আমি সেই অশ্বখ তরু-তল হইতে উঠিলাম, এবং মদ খাইবার জন্য সুদৃঢ়-প্রতিজ্ঞ হইয়া উহাৰ অনুসন্ধানার্থ আবার ভ্রমণে প্রবৃত্ত হইলাম ।

এই অবস্থায় যেন আরও কিছুদিন অতিবাহিত হইয়া গেল । অনন্তর স্বপ্নের ক্ষিপায় একদা ঘুরিতে ঘুরিতে দৈব-যোগে আমি আবার একটা রমণীয় প্রদেশে আসিয়া উপস্থিত হইলাম । সেই স্থানটিকে কেবল ‘রমণীয়’ না বলিয়া ‘পরম রমণীয়’ বলাই সু-সঙ্গত । সেখানে লোকালয় এবং তাহাৰ প্রয়োজনীয় সকল বস্তুই বর্তমান, কিন্তু সে সমস্তই যেন শান্তি-বস-নিষিক্ত বা শান্ত-ভাব-সম্পন্ন বলিয়া বোধ হইল , অর্থাৎ সেই প্রদেশে শোচনীয় হাহাকাব নাই,— দুর্দম দাবিদ্র্য-পীড়ন নাই,—অধঃপাত-সাধক প্রবঞ্চনা নাই,— সমস্তই যেন প্রেমময়, প্রশান্ত ও সদানন্দপূর্ণ বলিয়া প্রতীত হইল । তদর্শনে সহসা মনোমধ্য হইতে কে যেন বলিয়া দিল যে, এই

প্রমেশই 'সেই মদ'—সেই আনন্দ-দায়িনী সুধা—প্রাপ্তির অধিতীত স্থান। এই 'আপুর্বাক্যে' বিশ্বাস-বশতঃ আর কাহাকেও কোন কথা জিজ্ঞাসা কবিতো ইচ্ছা হইল না, আমি আপন মনেই ক্রমশঃ অগ্রবর্তী হইতে লাগিলাম।

এইরূপে সেই মহাদেশের * অনেকদূর অগ্রবর্তী হইয়া আমি একটা অশ্রুতপূর্ব সু-মধুর ধ্বনি শুনিতে পাইলাম। উহাতে চিত্তঃ প্রকৃষ্টরূপে আকৃষ্ট হইল। সেই আনন্দোদীপক সু-মধুর 'অনাহত ধ্বনিব' উদ্ভব-স্থান লক্ষ্য করিয়া বংশী-ধ্বনি-সমাকৃষ্ট সর্পের ন্যায় উদ্ভ্রান্তভাবে আমি আরও দ্রুতপদে চলিতে লাগিলাম। কিয়দূর অগ্রবর্তী হইলে সেই শব্দ যেন পুরুষ ও স্ত্রীর মিলিত কণ্ঠস্বরের ন্যায় অনুভূত হইল, পরে আরও কিয়দূর গিয়া সেই মিলিত স্বরকে নিম্নপ্রকাশিত ভাষায় পরিণত শুনিতে পাইলাম,—

“কে মদ খাইয়া আনন্দিত হইতে চাও—আইস।
কে মাতাল হইয়া, সংসারের সকল ভুলিয়া,
প্রেমানন্দে নাচিতে চাও—আইস। এই মদ ত্যাগ
দিয়া কিনিতে হইবে না—আইস! এই মদ এক-
বার খাইলে আর কখনও ইহাব নেশা ছুটিবে
না—আইস। যদি অস্তঃকরণকে নিত্যানন্দ-সাগরে

* ভগবৎ-সংযোগ-প্রার্থী শাস্ত্র ব্যক্তিগণ আত্মস্থ হইলেই এই মহাৎ-নেশা কোথায়, তাহা বুঝিতে পারিবেন। মাদৃশ ব্যক্তির উহার তত্ত্ব-ধারণা বশক্তি না থাকায় এবং উহা অপ্রকাশিত থাকিলেও, গল্প-পাঠকদের বুঝিবার পক্ষে কোন ক্ষতি হইবে না বোধে, উহা এখানে অপ্রকাশিতই রাখিল।

ভাসাইতে চাও,—যদি মাতা পিতা, ভাই ভগিনী,
আত্মীয় স্বজন, সকলে মিলিয়া নিঃসঙ্কোচে নেশা
করিতে চাও, তবে আর বিলম্ব করিও না ; শীঘ্র
আসিয়া—মদ খাও । মদ খাও !! মদ খাও !!!”

আশ্চর্য্য কথা শুনিলাম । সেই সু-স্বরের মনোমোহকরী
শক্তির প্রভাবে শরীর রোমাঞ্চিত ও জড়বৎ স্পন্দ-বিরহিত হইয়া
আসিল ; এবং তখন চিত্ত-মধ্যে কি যে একপ্রকার অননুভূতপূর্ব
ভাবের আবির্ভাব হইল, তাহা বর্ণনার অতীত । ক্রমকাল পরে
অগ্রে অগ্রে দৈহিক জড়তা অপগত হইলেও সে ‘ভাবের’ ব্যত্যয়
হইল না । আমি তাদৃশ-ভাব-পূর্ণ মনেই অনতিদূরবর্তী সেই
স্বরকে লক্ষ্য করিয়া ধীরে ধীরে আরও অগ্রবর্তী হইলাম ।

এইবার কিয়দূর অগ্রবর্তী হইয়াই সম্মুখে একটা অতীব
সূক্ষ্ম ও অন্ধকার-সমাচ্ছন্ন পথ দেখিতে পাইলাম । ভীষণ জ্ঞানে
সহসা সেই পথে অগ্রসর হইতে স হইল না, কিন্তু মদ
পাইবার জন্য পূর্বোক্ত আহ্বানধ্বনি সেই-রক্ম পথ দিয়াই আসি-
তেছে এইরূপ নিশ্চয়-বোধ হওয়ায়, সেই পথ দিয়া গেলেই মদের
দোকান, যে মদ খাইলে নিত্যানন্দ লাভ করা যায় সেই মদের
দোকান, পাওয়া যাইবে, এইরূপ ধারণা জন্মিল । তাহাতে “অভীষ্ট-
সাধন কিংবা শরীর-পাতন” এই মহামন্ত্র একাগ্রমনে চিন্তা করিতে
করিতে অকুতোভয়ে সেই সূক্ষ্ম-রক্ম-পথে প্রবেশ করিলাম ।

সূক্ষ্ম পথে প্রবেশ করিবামাত্র সৌভাগ্যক্রমে অনতিদূরে (সম্মুখ-
ভাগে) অন্তর্বিচিনীর জ্যোতির্ম্বর অথচ সু-মিষ্ট একটা আলোক দৃষ্টি-
গোচর হওয়ায় উহাকে স্থিৰ দৃষ্টিতে লক্ষ্য করিয়া আগ্রহ-সহকারে

২২ মদ খাও—নেশা ছুটিবে না ।

অগ্রবর্তী হইতে লাগিলাম । কিয়দূর যাইতে না যাইতেই 'মণিপুর' নামাঙ্কিত একটি 'আগার' আমার গতিকে স্থগিত করিল । এই আরাধ-প্রদায়ক আগার-তোরণের উভয় পার্শ্বে একটি পুরুষ ও একটি স্ত্রী মূর্তি প্রহরীর ন্যায় দণ্ডায়মান থাকিয়া, অবিরাম উচ্চৈঃস্বরে পূর্বোল্লিখিত ভাষায় মদ্য-পানার্থি-ব্যক্তি-বর্গকে সযত্নে আহ্বান করিতেছেন দেখিতে পাইলাম ।

আহা ! সেই আনন্দবদনা অঙ্গনার আনন্দ-দায়িনী স্ত্রীমূর্তি অবলোকন করিয়াই, কোন্ কারণে জানি না, আমার অস্তঃ-করণ কিয়ৎক্ষণের জন্য বেন সকল চিন্তা ভুলিয়া কেবল তাঁহারই ধ্যান-রত্নাকরে নিমগ্ন হইল ; কিন্তু অধিকক্ষণ সেই মহা-ভাবে নিমগ্ন থাকিতে পারিলাম না । সহসা তদীর দক্ষিণপার্শ্ববর্তী সেই সু-স্বিক্ত জ্যোতির্ময় পুরুষ-মূর্তির প্রতি নয়ন আকৃষ্ট হওয়ায়, অস্তঃকরণ আবার এক অভিনব ভাব-প্রভায় প্রদীপ্ত হইয়া উঠিল । সুস্ব-পথে প্রবেশ করিবার পর, সম্মুখদেশে যে একটী জ্যোতির্ময় অথচ সু-স্বিক্ত আলোক দৃষ্টি-গোচর হইয়াছিল,— তাহার প্রতি 'লক্ষ্য স্থির' রাখিয়া আমি এতদূর আসিতে সমর্থ হইয়া ছিলাম,—এখন দেখিলাম, উহা প্রকৃত কোনপ্রকার আলোক নহে ; সেই মহাপুরুষেরই অপার্থিব শরীরের প্রভা । প্রশান্ত-প্রাণ পাঠক পাঠিকে আপনারা বলিতে পারেন, এই আনন্দ-দায়ক-একাগ্রতা-উদ্দীপন-কারিণী অঙ্গনা, এবং আভ্যন্তরীণ-অন্ধকার বিনাশক দীপ্তিমান-এই মহাপুরুষ কে ?”

যাহা হউক, এই আবাসের সম্মুখবর্তী হইবামাত্র সেই আনন্দ-বদনা অঙ্গনা আমার দিকে সক্রম দৃষ্টিপাতপূর্বক প্রকল্পবদনে অথচ গভীরভাবে জিজ্ঞাসা করিলেন,—“তুমি কি মদ খাইবার

নিমিত্ত এইখানে আসিরাছ ?”—আমার সম্মতি-সূচক বিনীত অথচ ব্যগ্রতাপূর্ণ উত্তর শ্রবণমাত্র তৎপার্শ্ববর্তী সেই পুরুষপ্রবর হর্ষ-গদগদ-স্বরে অথচ মৃদু-গম্ভীর-ভাবে আমাকে লক্ষ্য করিয়া বলিলেন,—আমরা প্রার্থনা করি, তোমার এই শুভ কামনা পূর্ণ হউক । এইমাত্র বলিয়া সেই অঙ্গনার প্রতি ইঙ্গিত করায় তিনি একাকিনীই আমাকে সঙ্গে লইয়া সেই আগার-তোরণে প্রবেশ করিলেন ।

কিয়দূর স্নগ্ধবর্তী হইয়াই সম্মুখ-ভাগে অদৃষ্টপূর্ব প্রথার সু-সজ্জিত চিত্তফুর্তিকর সেই নিরন্তর-প্রার্থনীর মদ্যের দোকান দেখিতে পাইলাম । আহা ! সেই দোকান-সজ্জার কিবা শৃঙ্খলা । সেই মদ্যেরই বা কি মনোহারিণী মূর্তি । এবং সেই দোকান দারেবই বা কি সদানন্দ-পূর্ণ প্রশান্ত বদন-কান্তি ! বলিতে প্রাণে এখনও আনন্দ হয়, শরীর এখনও পুলকিত হয়, স্বপ্ন-যোগে সেই ‘মণিপূব’-নামক রমণীয় স্থানে উপস্থিত হইয়া, এবং সেই দৃশ্য দর্শন করিয়া যেন আমার প্রকৃতই স্বর্গ-বাসের সুখ অনুভূত হইয়াছিল । ফলতঃ সেখানে যে ব্যাপার দেখিয়াছিলাম, দ্রষ্টা ব্যতীত—‘অনাহত ধ্বনির’ উদ্ভব-স্থান-দর্শী চক্ষুমান্ দ্রষ্টা ব্যতীত,—লিখিয়া অন্য ব্যক্তিকে বুঝাইবার উপযুক্ত ভাষা বোধ হয় অদ্যাপি আবিষ্কৃত হয় নাই ।

যাহা হউক, আমার এইরূপ অবস্থা দেখিয়া সেই পরমামনন্দ-গায়ক-মদ্য-বিক্রেতা মহোদয় আমার দিকে প্রশান্ত দৃষ্টিপাত-পূর্বক মধুর-গম্ভীর-বচনে বলিলেন,—“ভাই । তুমি বড়ই পরিশ্রান্ত হইয়াছ ; বিশ্রাম কর । একরূপ পরিশ্রান্তাবস্থার মদ খাইলে নেশার স্কান বিঘ্ন না হইতে পারে, কিন্তু প্রকৃত বসাস্বাদে সমর্থ হইবে না । অতএব তুমি কিম্বৎকণ এই স্থানেই বসিয়া

বিশ্রাম কর । শারীরিক ও মানসিক শ্রান্তি সম্পূর্ণরূপে অপনো-
 দিত হইলেই আমি তোমাকে মদ খাওয়াইয়া দিব ।” এই কথা
 বলিয়াই তিনি আমার হস্তধারণপূর্বক সেই রমণীয় আগারেরই
 একদেশে স্থিবভাবে উপবেশনের আদেশ করিলেন । তাঁহার সেই
 অতুলনীয় সু-কোমল করস্পর্শে আমার শরীর ও মনের মধ্যে
 একপ্রকার অননুভূতপূর্ব শক্তিব আবির্ভাব হইল । আমি তাঁহার
 নির্দিষ্ট স্থানে গঠিত প্রতিমূর্তির ন্যায় নিশ্চেষ্টভাবে উপবিষ্ট
 বহিলাম । প্রশান্তচিত্তাশীল পাঠক পাঠিকে । আপনাবা বলিতে
 পারেন, এই মদ্য-প্রদাতা মহাপুরুষ কে ?



চতুর্থ উল্লাস ।

মদ মিলিয়াছে ।

প্রবল ঝটিকার অবসান হইলে বসুন্ধরা যেমন প্রশান্ত-ভাব
 ধারণ করে,—প্রাণিগণ বিবাম-বিধায়িনী নিদ্রার আশ্রয় লাভ
 করিলে ধামিনী যেমন প্রশান্ত-ভাব ধারণ করে,—হৃদয়ে ভগবৎ
 প্রেম-ভাৱ উদিত হইলে ভক্তের প্রাণ যেমন প্রশান্তভাব ধারণ
 করে,—সেই মদ্য-প্রদাতা মহাপুরুষের শান্তিময় বিপণিতে
 কিম্বৎকণমাত্র অবস্থিতি করিল যেন আমার পরিপ্রাক্ত শরীর ও
 বিচলিত হৃদয় সেইরূপ প্রশান্ততা প্রাপ্ত হইল ।

ইতিপূর্বে মদ অনুসন্ধান কবিত্তে করিত্তে একজন মাতালের সঙ্গ আমি আর একটী মদের দোকানে প্রবেশ করিয়াছিলাম, তাহা বোধ হয় পাঠক-পাঠিকা বিস্মৃত হন নাই। সেখানকাব মাতালদিগকে মদ্যপান কবিবাব পর চঞ্চল হইয়া যে প্রকার কোলাহল ও বিবাদ বিসংবাদ কবিত্তে দেখিয়াছিলাম, এখানে সেকপ কিছুই দৃষ্টিগোচর হইল না। যাঁহারা এ মদ একবাব খাইয়াছেন, দেখিলাম, তাঁহারা সকলেই স্তিমিত-ভাবে উপবিষ্ট থাকিয়া কি যেন এক অনমুভূতপূর্ব 'আনন্দ' উপভোগ কবিত্তেছেন। তাঁহাদের সকলেরই বদন প্রফুল্ল, নয়ন অর্ধ-নিম্নীলিত, মস্তক ঈষদবনত, এবং মূর্ত্তি প্রশান্ত ; শুনিলাম তাঁহাবাই নাকি পবিপূর্ণ-ভাবে মাতাল হইয়াছেন।

এই অদ্ভুত ঘটনা প্রত্যক্ষ কবিয়া আমাব সর্বঙ্গীন সমস্ত শ্রান্তিই সমূলে অপসৃত হইল। কেবল "কখন সেই মদ খাইতে পারিব" এইমাত্র চিন্তাই চিত্তকে পূর্ণরূপে অধিকার কবিয়া বসিল।

এইকপ অবস্থা দর্শনে আমার মনোগত ভাব বৃদ্ধিতে পারি-
য়াই যেন, সেই সদয় দোকানদার নিজের উচ্চাসন পবিহার-
পূর্ব্বক ধীর-পাদ-বিক্ষেপে আমাব সমীপে আগমন কবিলেন,
এবং উভয় হস্ত ধারণপূর্ব্বক আমাকে উঠাইয়া প্রীতিভরে প্রগাঢ়
আলিঙ্গনপূর্ব্বক কহিলেন,—“আইস ভাই। এইবার তোমাব মদ
খাইবাব প্রকৃত সময় উপস্থিত হইয়াছে।” এইমাত্র বলিয়া কব-
ধারণপূর্ব্বক আমাকে লইয়া স্বকীয় (মদ্য-প্রদান-কালে ব্যবহৃত)
উচ্চ আসনোপরিভাগে বসাইলেন। উভয়েই উপবিষ্ট হইবাব পর,
তিনি আমার দিকে সম্মেহদৃষ্টিপাতপূর্ব্বক সহাস্যবদনে বলিলেন,—
ভাই। এ দেশের এই অমূল্য মদের মহিমা বা মহাশক্তিব কথা

ত তুমি ইতিপূর্বেই * জানিয়াছ, কিন্তু ইহা খাইবার নিয়ম হ'ল কিছই জানিতে পার নাই। এই মদ মাতা পিতা, ভ্রাতা, ভগিনী, পুত্র কলত্র, আত্মীয় স্বজন, সকলে একসঙ্গে বসি নিঃসঙ্কোচে সেবন করিতে পারা যায় সত্য, কিন্তু এইখান পৰম্পর কাহারও উচ্ছিষ্ট গ্রহণ করিবার নিয়ম নাই, সুতরাং প্রত্যেকেই পৃথক পৃথক পান-পাত্রেব + প্রয়োজন ;—তোমার নিকট এইরূপ পান-পাত্র আছে ত ?”

পাঠক পাঠিকে। আমার সঙ্গে মদ খাইবার উপযুক্ত পাত্র আছে কিনা প্রয়োজনাভাব-বশতঃ তাহা আপনাদিগকে জান হইবে নাই। এখন জানিয়া লউন, বরাবরই আমার সঙ্গে উক্ত প্রকার একটি পাত্র আছে। পাত্রটি সঙ্গে আছে এই মত কিন্তু উহা যে কোন কার্যে অবশ্য প্রয়োজনীয়, তাহা আমি কাল জানিতামই না। কোন অতীষ্ট-সাধনার্থ উক্ত প্রকার পাত্রের আবশ্যক বোধ হইলে উহাকে অন্যান্য পাত্রাপেক্ষা নিতান্ত ক্ষুদ্র অথচ গুরু-ভার বিবেচিত হওয়ায়, প্রায় কখনই উহা দ্বারা বিশেষ কোন কার্য সাধিত হয় নাই, অথচ এইরূপ অস্তায় চিরকালই উহা আমার সঙ্গে আছে। অকিঞ্চিৎকর নিম্প্রয়োজন জ্ঞানে অনেক সময় ত্যাজ্য মনে হইলেও উহা কালে পরিত্যাগ করা আর ঘটিয়া উঠে নাই।

* ২০শ পৃষ্ঠাঙ্কের ত্রয়োদশ পংক্তি হইতে ২১শ পৃষ্ঠাঙ্কের চতুর্থ পংক্তি পর্যন্ত অহরিন-দয়-কর্তৃক মদ্যপানার্থাদিগকে আহ্বান-সূচক কথায় ই বিত বধাসম্ভব প্রকাশিত হইয়াছে।

+ এই পানপাত্রের নাম উপসংহারে (পরিচয়-কাণ্ডে) প্রকাশিত হইবে।

যাহা হউক, এখন মদ্য-প্রদাতা মহাশয় মদ্য-পানোপযোগী পাত্র আমায় সঙ্গে আছে কি না জিজ্ঞাসা করায়, আমি অযথা-ব্যবহার-ভয় মলিন সেই আধারটী খুলিয়া তাঁহাকে দেখাইলাম । কিন্তু কি আশ্চর্য্য ! প্রদর্শন-কালে আজ এই পাত্রটীকে এমন সুন্দর ও এত লঘু বোধ হইল যে, তাহাতে আমার আহ্লাদ-বিমিশ্রিত বিশ্বয়ের আর পরিসীমা রহিল না । অধিকতর ইতিপূর্বে উক্ত আধারটীকে অগ্রাহ্য বোধ হইলেও, উহা পরিত্যাগ করিবার প্রবৃত্তি যাহার প্রসাদে সংযত হইয়াছিল, সেই দয়াময় ভগবান্কে নিম্নলিখিত-নয়নে ও আন্তরিক-ভাবে অগণ্য ধন্যবাদ দিতে লাগিলাম ।

আমি উল্লিখিত কারণে যে সময় নিম্নলিখিত-নয়নে উপবিষ্ট আছি, সেই সময় ঐ মদ্য-প্রদাতা মহাজন স্নেহ-সম্ভাষণ-পূর্ব্বক আমাকে কহিলেন,—“ভাই ! আর তোমার একরূপ নিম্নলিখিত-নয়নে থাকিবার প্রয়োজন নাই, নয়ন উন্মীলনপূর্ব্বক তোমার এই সু-নির্ম্মল * আধার-স্থিত সদানন্দ-দায়িনী বাকলী-মূর্ত্তি অবলোকন কর, তাহা হইলে নিম্নলিখিত-নয়নে যাহাকে ধ্যান করিতেছিলে, উন্মীলিত চক্ষুতে তাঁহাকেই প্রত্যক্ষ করিতে পারিবে ।”

মদ্য-প্রদাতা মহাপুরুষের আদেশ-ক্রমে আমি নয়নোন্মীলন করিলে পর, তিনি আমাকে পুনর্বার প্রীতি-ভরে প্রগাঢ় আলিঙ্গন করিলেন, এবং সেই অনির্ব্বচনীয়-সুন্দর-মদ্য-পূর্ণ পাত্র গ্রহণ করিয়া প্রসন্ন-দৃষ্টি-পাতপূর্ব্বক মহাস্য-বদনে বলিলেন,—

* এই পাত্রটী পূর্বে যথোচিত ব্যবহৃত না হওয়ার কলঙ্কিত ছিল, যখনোন্মীলন করিবারাজ (মদ্য-প্রদাতা মহাজনের স্পর্শেই) উহাকে স্পষ্ট, সু-নির্ম্মল পরিলক্ষিত হইল ।


২৮ মদ খাও—নেশা ছুটিবে না ।

“ভাই ! যে সকল উপাদান হইতে এই মদ প্রস্তুত হইয়াছে,—যিনি এই মদ প্রস্তুত করিয়াছেন,—এবং যে শক্তি-প্রভাবে তুমি এই মদ খাইতে আসিয়াছ,—সর্বান্তঃকরণে প্রথমে তাঁহা-দিগকে প্রণাম কর ; এবং কায়মনোবাক্যে তাঁহা-দিগের নিকট প্রার্থনা কর, যেন এই মদ খাইলে তোমার আর কখনই নেশা না ছুটিয়া যায় ।”

দোকানদার মহাজনের আদেশানুযায়ী কার্য সাধনানন্তর আমি বিনীতভাবে ও কৃতজ্ঞলিপুটে তাঁহাকে কহিলাম,—“মহাশয় । এই মদের কত মূল্য দিতে হইবে ?” গম্ভীর স্বরে উত্তর হইল,—“অনিত্য অর্থের বিনিময়ে এই নিত্য-মদ পাওয়া যায় না , এবং অধিকার না জন্মিলে কেহই ইহা সেবন করিতেও পারে না । কারণ, এ মদ যে আধার-দ্বারা সেবন করিলে ‘আনন্দ’ অনুভূত হয়, সে আধার হয় ত সকলেব সু-নির্মূল নহে । যে ব্যক্তি তোমাব স্থায় অভিমান-পরিপূর্ণ মনে ও প্রাণপণে যত্নবান্ হইয়া, তোমাব স্থায় পান-পাত্র সঙ্গে লইয়া, অবিনশ্বব আনন্দের প্রার্থী হয়, সে-ই মাত্র এ মদ খাইতে পায় ।” তখন আমি ব্যগ্রতা সহকারে এবং (কি কারণে জানি না) সম্ভ্রান্ত-সম্ভাষণে কহিলাম,—“দেব । তবে আমাকে এখনই মদ দি’ন, আমি খাইব , আর বিশ্ব সহ করিতে পারিতেছি না ।” আমার আগ্রহ দেখিয়া দোকানদার মহোদয় কহিলেন,—“ভাই ! আর একবার নয়ন-নিমীলনপূর্বক অন্তরে দেখ দেখি, এই বারুণী দেবীকে উন্মীলিত-নেত্রে যেরূপ দেখিতে হ, নিমীলিত-নয়নেও সেইরূপ দেখিতে পাও কি না ?”

দোকানদার মহোদয়ের অসুস্থতাক্রমে নগ্ন-নিমগ্ন ও প্রশান্ত-
 ভাবে উপবেশন করিলে পর, তিনি আমাকে সেই মদ খাওয়াইয়া
 দিলেন । সেবন-মাত্র কি একপ্রকার আনন্দ-দায়িনী শক্তি-প্রভাব
 আমার শরীর ও প্রাণ অননুভূতপূর্ব ও অনির্বচনীয় প্রফুল্লতা
 প্রাপ্ত হইল । তৎক্ষণাৎ আমি যেন 'অভিনব জীবন' প্রাপ্ত
 হলাম । সে অবস্থা প্রকাশের উপযুক্ত ভাষাই নাই । আহা !
 মদের যে কি সু-মধুর আশ্বাদ, জগতের কোনপ্রকার উৎ-
 স্বাদের সঙ্গেই তাহার তুলনা হইতে পারে না । গুনা ছিল
 'মৃত' নাকি বডই মধুর পদার্থ, এবং ত্রিদিব-নিবাসী দেবগণই
 অমৃত সেবন করিয়া থাকেন, কিন্তু এই মদেব অপেক্ষা
 অমৃত-বস্তু মধুর কি না তাহাও ঠিক বুঝা গেল না ।
 যাহা হউক, মদ খাইবার পরক্ষণেই আমার নবীভূত-প্রাণ
 হইয়া উঠিল,—চক্ষুঃ চাঞ্চল্য-রহিত হইয়া আসিল,—উল্লসিত
 ব্যাকুলতা, বিপুল উত্তেজনা প্রভৃতি সমস্তই যেন কাহাবও ভাব
 হইয়া পলায়ন করিল,—কেবল প্রাণি-সমাজেব চিব-সহ-চারিত্রি
 আকাঙ্ক্ষা 'একমাত্র বস্তু' প্রার্থনা কবিত্তে লাগিল, এবং নান্দ
 কণ্ঠ প্রভৃতি স্থল ইন্দ্রিয়গণ যেন কি এক শুভক্ষণ সমুপস্থিত বৃক্ষদ্বা
 সকেই সম্মিলিত-ভাবে তাহাদেব পবনাবাধা দেবী আকাঙ্ক্ষার
 আদেশ প্রতিপালন-জন্য পবিচ্ছন্ন-বেশে (পবিত্র-ভাবে) প্রসন্ন
 হইয়া রহিল । দেখিতে দেখিতে, ভাবিতে ভাবিতে, অনেক দিন
 ঘোষার নেশা জমিয়া আসিল । ভাঙ্গনা-খোলাব প্রতাপ বাহুস্বয়
 খান্যাক্ষেপ করিলে তাহার শস্য যেমন থৈ-রূপে ফাটিয়া ক্লহির হস্ত
 দ্বারা কোন প্রকারেই তাহাকে সেই তুষের মধ্যে প্রবেশ কবান
 যায় না, আমিও মদ খাইয়া মাতাল হইয়া পরমানন্দে লিপনাদ

মনে নাচিতে নাচিতে, গাহিতে গাহিতে, ঐ মদের দোকান হইতে
সেইরূপে বাহির হইয়া যথেষ্টপথে চলিতে লাগিলাম, সংসার
আবরণ-মধ্যে চিত্ত আর কিছুতেই প্রবেশ করিতে চাহিল নকরি
নেশার ঝাঁকে যে দিকে চাহিলাম, যাহা ভাবিলাম, সমস্ত ম
পূর্ণানন্দময় প্রতীয়মান হইল । কিন্তু অতীব আক্ষেপেব বিষয় ^{টাই}
হে, ভাষা ও উপমা-যোগ্য বিষয়ের অভাবে সেই পূর্ণানন্দ প্রক
পূর্বেক পাঠক-পাঠিকাকে পবিতুষ্ট করিতে পারিলাম না ।



পঞ্চম উল্লাস ।

এ কিরূপ পবীক্ষা ?

প্রাতঃসময়ে বুদ্ধিক্ত শিশু জননীৰ নিকট হইতে অভীষ্ট ^{পাদ্য-}
শস্যগ্রী গ্রহণ করিয়া যেমন আনন্দোৎফুল্ল হয়,—মধ্যাহ্ন ^{সময়ে}
স্বিপাসিত পথিক আশ্রম-দাতার নিকট হইতে সুশীতল ^{সলিল}
প্রাপ্ত হইয়া যেমন আনন্দোৎফুল্ল হয়,—কিংবা নিদারুণ ^{হৃৎক-}
সময়ে অনশন-প্রপ্রীড়িত ব্যক্তি বদান্ত-জনেৰ নিকট হইতে ^{প্রভূত}
সু-ভক্ষ্য বস্তু প্রাপ্ত হইয়া যেমন আনন্দোৎফুল্ল হয়,—মদ্য-প্র ^{দাত-}
মহাজনেৰ নিকট হইতে আমার বহুদিনের বাঞ্ছিত সেই নিত্যানন্দ (^ত
প্রদ মদ্য পান করিয়া আমিও যেন সেইরূপ আনন্দোৎফুল্ল হইলাম ^ত
আমি মাতাল । মাতাল ব্যতীত এখন কে আর আমা ^{রি}
সমকক্ষ হইতে পারে ? আমি আপনার মনের আনন্দে বেচ্ছ ^{হোদি}
মত নাচিতে নাচিতে, গাহিতে গাহিতে, সেই মদের দোক ^{অন্ত}
হইতে যখন অনেক দূরে গিয়া পড়িলাম, ঐ সময় পথিমধ্যেতে

সহসা আমার একজন সহচরের সহিত সাক্ষাৎ হওয়ায়, ক্ষুণ্ণ-মান প্রাণটা যেন কেমন একটু সজ্জ্বলিত হইয়া আসিল, কিন্তু নেশার জোর থাকায়, সে ভাব দূরীভূত করিয়া সরলপ্রাণে তাহাকে মদ্য-পান-সম্বন্ধীয় সকল কথাই বলিয়া ফেলিলাম।

পাঠক পাঠিকে । আমাব এই সহচরটা আপনাদের প্রায় সকলেই সু-পরিচিত। ইহার নাম পরে প্রকাশিত হইলেই আপনারা বিস্ময়রূপে বুঝিতে পারিবেন, এখন এইমাত্র জানিয়া রাখুন যে এই ব্যক্তি আমার প্রায় সমবয়স্ক, এবং সর্বদাই আমাব সঙ্গে থাকিতে ভালবাসে। এমন কি, কোন বিশেষ কারণে অজ্ঞাত-ভাবে তাহার সঙ্গ ত্যাগ করিতে বাধ্য হইলেও সে বিশেষরূপে সন্ধানপূর্বক অত্যন্ত-কাল-মধ্যেই আবার আমাকে ধরিয়া ফেলে, এবং সঙ্গ-ত্যাগ-জন্য তীব্রকাবণ্ড করিয়া থাকে। অনেক সময় ইচ্ছা হইলেও, কোন কারণে জানি না, আমি তাহার প্রতি বিশেষ বিগণও প্রদর্শন করিতে পারি না।

তাহা হউক, ইতিপূর্বে (৭৮ন পৃষ্ঠাঙ্কে) তপোবনে বাল্য-বন্ধু-গণের সহিত সাক্ষাৎ-লাভ হইতে এই মদ্য-পানানন্তর পর্য্যন্ত প্রত্যাবৃত্ত আমি উল্লিখিত সহচরের সঙ্গ-বিরহিত ছিলাম, কিন্তু চেষ্টা করিয়া এখন সে আমাকে ধরিয়া ফেলিয়াছে।

সহচরের সহিত সাক্ষাৎ এবং তাহার নিকট সকল কথা প্রকাশিত হইবার পূর্বে, সে বক্র-দৃষ্টিতে ও উপেক্ষা-ব্যাঞ্জক-স্ববে আমাকে কহিল,—“কি ভাই ! তুমি মনে কব, আমাকে ছাড়িয়া যে কাজ কব, তাহাতেই আনন্দ পাওয়া যায়, কিন্তু আমাকে ছাড়িলেই যে শঠের হাতে পড়িয়া ঠকিতে হয়, তাহা ত তুমি একবারও ভাব না। ভাল ভাই, এই যে মদ খাইয়া তুমি অবিচ্ছিন্ন আনন্দ

প্রাপ্ত হইয়াছ বলিলে,—নয়ন দেখিয়া আনন্দিতও বোধ হই-
তেছে বটে,—সে মদও নাকি আবার পরস্য দিয়া কিনিতে হয়
না,—তবে আমাদের জন্তু তাহা আনিলে না কেন? যদি লইয়া
আসিতে,—যদি খাইয়া পরীক্ষা করিতে পারিতাম,—তাহা হইলে
নিশ্চিতরূপে বলা যাইত যে, তুমি প্রতাবিত হইয়াছ কি না।
ভাই হে। আমাকে তুমি মানো আর নাই মানো, কিন্তু আমি যে
তোমার কেমন স্তূহৎ, তাহা মনে মনেই বুঝিয়া দেখ ।”

ঐ সহচরের সাক্ষাৎ পাইবার পর হইতেই আমার কিঞ্চিৎ
ভাবান্তর উপস্থিত হইয়াছিল, সুতরাং তাহার ঐরূপ শ্লেষ-সূচক
তিবন্ধাব সম্বন্ধে বোধ হওয়ায়, চিন্তিত কিঞ্চিৎ সঙ্কোচ জন্মিল।
ভাবিলাম,—“সর্বনাশ। কি কু-কর্মই কবিলাম। আমি একাধিই
মদ খাইয়া প্রাণের ক্ষুধি করিয়া আসিলাম, আর আমার সহচর
ও স্বজনবর্গের জন্তু মদ লইয়া আসিলাম না।”

এই দুশ্চিন্তায় মনের গতি প্রতিহত হওয়ায়, চরণও স্থান
অগ্রবর্তী হইতে চাহিল না। তখন সহচরকে কহিলাম,—“ভাই
ভাই, আমি এখনই সেখানে ফিরিয়া গিয়া তোমাকে নিশ্চয়ই
সেই নিত্যানন্দ-প্রদ মদ খাওয়াইব, এবং অন্যান্য স্বজন সকলের
জন্তুও তাহা লইয়া আসিব, দেখি, তুমি বিশ্বাস কর কি না।”

গর্ক-গম্ভীর-ভাষায় এইরূপ বলিয়া সহচর-সমভিব্যাহারেই সে
মদব দোকানের দিকে ফিবিলাম, বহুদূর পর্য্যন্ত গেলাম, কিছু
কি আশ্চর্য্য। আর সে দোকান দেখিতে পাইলাম না। তন্ন তন্ন
করিয়া অনেক অনুসন্ধান করিলাম, অনেককে উহার তত্ত্বও জিজ্ঞাসা
করিলাম, কিন্তু কোনক্রমেই সফলকাম হইলাম না।

তখন অন্তঃকরণে লজ্জা-জনিত দারুণ বেদনা উপস্থিত হইল।

একে আমি মদ্য-পানে উন্মত্ত, তাহাতে আবার এইরূপ বেদনার আরও চঞ্চল হইয়া সজল-নয়নে ব্যথিত-ভাবে যথাশক্তি উচ্চৈঃস্বরে বলিলাম,—“হে নগর-বাসী করুণহৃদয় মহোদয়গণ ! যদি আপনারা কেহ আমার চতুঃপার্শ্বে থাকেন, এবং আমার এইরূপ ব্যাকুলতা দেখিতে থাকেন, তবে সেই নিত্যানন্দ-প্রদ অমূল্য মদের দোকান কোথায়, দয়া করিয়া আমাকে বলিয়া দি'ন ! আমি আবার একটীবারমাত্র সেখানে যাইব,—আমার এই অকিঞ্চিৎকর সহচরকে সেই মদের নেশায় বিভোর করিবার জন্ত, এবং আমার অন্তঃকরণে বদ্ধ ও স্বজনবর্গের নিমিত্ত কিঞ্চিৎ মদ সংগ্রহ করিবার জন্ত, আমি আবার একটীবারমাত্র সেখানে যাইব,—আপনারা আমার প্রতি কৃপা করিয়া, অথবা আমাব এই সঙ্গীর প্রতিই কৃপা করিয়া, বলিয়া দি'ন, সে দোকান কোথায় ।”

ব্যাকুলভাবে বারংবার এইরূপ চীৎকার করিতে কবিত্তে ক্লান্তি-বশতই হউক, মদের মহা-শক্তি-প্রভাবেই হউক, অথবা কোন কারণে জানি না, হঠাৎ আমার কণ্ঠ রুদ্ধ এবং শরীর কম্পিত ও ভূ-পতিত হইল । বাহু-দ্বারা আমি মূর্ছিত হইয়া পড়িলাম, কিন্তু প্রাণের চৈতন্য অন্তর্হিত হইল না । স্বপ্নের এই অবস্থায় অকস্মাৎ পূর্বদৃষ্ট তপোবনে বালাবকুগণের আবির্ভাবের পূর্বে যে রূপে সু-স্বাদু লোহিতবর্ণ জ্যোতিঃ লক্ষিত হইয়াছিল ; শূন্য-প্রদেশ সেইরূপ আলোকময় লক্ষ্য করিলাম ; এবং সেই আলোক-মধ্যবর্তী কোন স্থান হইতে পূর্ব-পরিচিত শিশু-সমুচিত, সু-মধুর স্বর-স্বত্রে এই কয়েকটা কথা শ্রবণ-গোচর হইল,—

“ভাই ! তুমি ব্যাকুলতা পরিহার কর । যাহার

৩৪ মদ খাইও—নেশা ছুটিবে না ।

মদ খাইবার একান্ত আকিঞ্চন হইবে, সে নিজেই ঐ মদের দোকানের সন্ধান পাইবে । সেখানে ছুই ব্যক্তি প্রহরী থাকিয়া ঔবিরাম উচ্চৈঃস্বরে মদ্য-পানার্থি-বর্গকে আহ্বান করিতেছেন, তুমি ত স্ব-কর্ণেই তাহা শুনিয়াছ ! নিজে মদ খাইবার একান্ত ইচ্ছার সাহায্যে পানপাত্রসহ এই মণিপু্রে আসিতে পারিলে, সকলেই ঐ আহ্বান-ধ্বনি শুনিতে পায় । অন্যের জন্য চেষ্টা করিলে তুমি কখনই সে দোকানের সন্ধান পাইবে না ; কেবল পণ্ডশ্রম ও ব্যাকুল-তাই সার হইবে ; আনন্দেরও বিঘ্ন হইবার সম্ভাবনা । বাল্যবন্ধুগণের সহিত সন্মিলিত হইবার নিমিত্ত তুমি মদ খাইয়াছ, এখন অন্য সকল প্রকাব চিন্তা পরি-হার-পূর্বক কেবল তাঁহাদেরই অনুসরণে প্রবৃত্ত হও, শাস্ত্রই সাফাৎ পাইবে । তাঁহারাও তোমার সহিত মিলিত হইবার জন্য ব্যগ্র হইয়াছেন ।”

এইপর্যন্ত প্রকাশের পর ঐ বাণী নীরব হইল । “বাল্যবন্ধু গণ আমাকে পাইবার জন্ত ব্যগ্র হইয়াছেন” আকাশবাণীর এই শেষ অংশ শুনিয়া আমি আনন্দ-বিস্ময় গদগদ-বচনে বলিলাম,— “আপনি কে—প্রভো । আমাকে আপনার এ কিরূপ পরীক্ষা—দয়াময় ! হে পরমোপদেশক । আপনি কোথায়, আমি যে আপনার কিছুই দেখিতে পাইতেছি না, একবার দয়া করিয়া আমার দর্শন

দি'ন । আহা । আমার সেই চির-মঙ্গলাকাঙ্ক্ষী বান্ধবগণ এখন কোথায় ? আমি আর কি তাঁহাদের দেখিতে পাইব ? তাঁহারা এখন যেখানে আছেন, আপনি তাহা নিশ্চয়ই জানেন বলিয়া আমার বিশ্বাস হইতেছে । অতএব আপনি অনুরূপপূর্বক একবার এই অধমকে দর্শন দিয়া চরিতার্থ করুন , আপনার দর্শনজনিত পুণ্য-বলে আমি বন্ধু-দর্শনের অধিকারী হই । আমাকে পরিত্যাগ করিবেন না , আমি এখন হইতে আপনার শরণাপন্ন হইলাম । স্বীকার করিতেছি, আর কখনই আপনার—”

আমার বাক্য শেষ হইতে না হইতেই, ষিগলিত-সুন্দর-হিবগুণ-কান্তি, সু-নির্মল শ্বেত বাস-পরিধৃত, সদানন্দ-ঢল-ঢল সু-বিশাল নয়ন, প্রীতি-প্রফুল্ল-নিরুপম-সুন্দর-বদন-মণ্ডল অনুমান ষোড়শবর্ষবয়স্ক এক যুবাধিকারী শূন্য সেই আলোকময় প্রদেশ হইতে আবির্ভূত হইলেন । কিন্তু কি আশ্চর্য্য ! তাঁহার আবির্ভাব-মাত্র আমার সেই মদ্য-প্রার্থী অবিধ্বাসী সহচর যেন ভীতি-বিহ্বল-ভাবে তথা হইতে উদ্ধ্বাসে পলায়ন করিল । কোন কারণ বুঝিতে না পারিলেও তাহার পলায়ন আমার নিরতিশয় হর্ষজনক হইল ।

। সে যাহা হউক, তদনন্তর সেই শূন্য-প্রদেশস্থ দেবপুরুষ স্নেহ, প্রীতি, অনুরাগ ও করুণা বিমিশ্রিত বচনে বলিলেন,—“ভাই । আমাকে সঙ্কম-সূচক সম্ভাষণ করিবার কোন প্রয়োজন নাই । আমি তোমার প্রভু নহি—চির-সুহৃৎ মাত্র । তুমি মদ ধরিয়া বান্ধবগণের সহিত মিলিত হইবার জন্য দৃঢ়সঙ্কল্প হইয়াছ, আমি তাহাদেরই একজন । তোমার অবিধ্বাসী সঙ্গীর উত্তেজনায়, তাহার জুগু পুনর্বার মদ অনুসন্ধান করিতে গিয়া, তোমার শব-জীবনের অমূল্য ও ছলভ শুভ-সময় নিরর্থক অপব্যয় করিতেছ

দেখিয়া, তোমার বালাবন্ধু-বর্গের প্রতিনিধি-স্বরূপ আমাকে এখানে আসিতে হইয়াছে । আমি কে, তাহা তুমি এখন বলিলেও চিনিতে পারিবে না, তবে এইমাত্র জানিয়া রাখ যে, আমরা তোমার নিবস্তুর-মঙ্গলাকাঙ্ক্ষী ; এমন কি, তোমার মঙ্গলেই আমাদের মঙ্গল ও আনন্দ । তোমার মঙ্গল-সাধনার্থ যে কেবল আমিই এখানে আসিয়াছি এমন নহে ; তুমি মদ খাইয়া আমাদের সহিত মিলিত হও এই অভিপ্রায়ে, ইতিপূর্বে কেহ গুপ্ত-ভাবে তোমার সঙ্গে থাকিয়া তোমাকে বখার্ত-পথে আনয়ন, কেহ প্রহরি-রূপে থাকিয়া তোমাকে আহ্বান, আবার কেহ বা দোকানদার-রূপে তোমাকে মদ্য প্রদান, করিয়াছেন । গম্ভব্য-স্থানে উপস্থিত হইলে তুমি অন্য-রাসে আমাদের সকলকেই চিনিতে পারিয়া সন্তুষ্ট হইবে । সে যাহা হউক এখন তুমি আইস পথে আর বৃথা সময় নষ্ট করিও না ।”

এই বলিয়া, আবিভূত পুরুষ সেই আলোকিত শূন্য-প্রদেশ-মধ্যে বিলীন হইয়া গেলেন, কিন্তু সেই আলোকেব অস্তিত্ব তখনও বিলুপ্ত হইল না । প্রাণান্তে নিশ্চেষ্ট শবীর-দর্শন স্বজনের যেমন কেবল শোকেরই কারণ হয়, বালা-সখার অস্তিত্বানে ঐ আলোকও আমার সেইরূপ শোকের কারণ হইল । আমি আবার চিন্তা থাকিতে না পারিয়া অশ্রুপূর্ণনয়নে ও কারতকর্থে গাহিলাম,—

গীত ।

“একা সখা, যেও না হে

(আমাষ ফেলে যেও না হে)

আমিও তোমার সঙ্গে যা'ব ।

(প্রাণের) আনন্দে সকলে মিলে

(আনন্দে মাতাল হয়ে)

সদাই প্রেমের গান গা'ব ॥

ভুলেছ কি ছেলে-খেলা, (সখা হে)

(একবার) মনে কব এই বেলা,

ফেলে গেলে ভাসবে মেলা,

তেমন খেলা (তোমাদের ছেড়ে

তেমন খেলা) আর কোথায় পা'ব ॥

সকলি ত জান ভাই,

আমাব যে আর কেহই নাই,

তাই ত তোমার সঙ্গ চাই,

আর কা'র মুখ-পানে চা'ব

(আমরা নিষে চল চল ব'লে

আর কা'র মুখ-পানে চা'ব) ॥

(হ'লাম) আমি তোমার চরণের দাস,

পূবাও আমার এই অভিলাষ,

ফেলে গেলে (ওহে সখা) আর অবকাশ

(এ ছার বিষয় হ'তে আর অবকাশ)

বুঝি আমি নাহি পা'ব ॥”

† এই কাতরতা-পূর্ণ সঙ্গীত সমাপ্ত হইলে পর, আবার সেই

আলোক-মধ্য-প্রদেশ হইতে আকাশবাণী হইল,—“ভাই । আমি গিয়াছি, তুমি একরূপ মনে করিও না ; কারণ, আমি না থাকিলে এই আলোকও এখানে দেখিতে পাইতে না। তবে তুমি ইতিপূর্বে আমার যে মূর্তি দর্শন করিয়াছিলে, উহা কেবল তোমাব সাকার-মূর্তি-দর্শনের ঐকান্তিক-কামনা পরিপূর্ণার্থ, এবং তোমাকে তোমার সেই অবিখ্যাসী সহচর হইতে বিচ্ছিন্ন করিবার নিমিত্তই, অবলম্বিত হইয়াছিল । এখন আর উহার কোন আবশ্যক নাই, যদি প্রস্তুত থাক, যদি বাল্যবন্ধুগণেব সহিত মিলন ব্যতীত এখন তোমাব আর অণু কোন কামনাই না থাকে, তবে আমার এই ক্ষেত্রিঃ বা আলোকের অনুসরণ কর, যদি পথিমধ্যে কোন কামনা বাধা না দেয় তবে স্বচ্ছন্দে অভীষ্ট-প্রদেশে আসিয়া আমাদের সকল-কেই একত্র দেখিয়া কৃতার্থ হইবে । এত ব্যাকুলতা কেন ভাই ?”

এই অদ্ভুত আকাশবাণী শুনিয়া আমার আকুল প্রাণে আবার আনন্দের আবির্ভাব হওয়ায়, অবসাদ সম্পূর্ণরূপে অন্তর্হিত হইল । এইবাব আমি অনন্তকর্ম্মা ও অনন্ত চিন্তা হইয়া বান্ধব-বর্গের সহিত সম্মিলন-সঙ্কল্পে সেই আলোকের অনুবর্তী হইলাম ।

আলোকরূপী অজ্ঞাতনামা বান্ধবের পথ-প্রদর্শন-সহায়তায়, এবং মদ্য-পান-জন্তু আনন্দের পুনরাবির্ভাব-শক্তিতে, অত্যল্পকাল-মধ্যেই আমি সেই নিরন্তর-প্রার্থিত প্রিয়সুহৃদবর্গের সহিত অবাধে মিলিত হইলাম । সাক্ষাৎ হইবার পর ক্রমশঃ সকলকেই পূর্বপা দর্শনে মনে মনে নিরন্তর আশ্চর্যান্বিত হইলাম ; কিন্তু অ দিন পৃথক্ থাকায় সহসা সকলের সহিত অসঙ্কুচিত-ভাবে আ কবিত্তে সাহস হইল না । অনন্তর দেখিলাম, বন্ধুগণও সক আমার হার মদ খাইয়া মাতাল হইয়াছেন । মাতালের সঙ্গে মা

লের যে কেমন প্রণয়, তাহা বোধ হয় মাতাল পাঠকবর্গের অবিদিত নাই। সুতরাং বান্ধবগণ মাতাল দেখিয়া নেশার ঝাঁকে বা প্রেমানন্দে প্রমত্ত-ভাবে প্রত্যেকেই আমাকে এমন মধুব আলিঙ্গন করিলেন যে, তদ্বারা আমি লজ্জা-সঙ্কোচাদি ভুলিয়া যেন তাঁহাদের সহিত একীভূত হইয়া গেলাম। এই অবস্থায় আমার আপনাকে এমন শক্তিসম্পন্ন বোধ হইল যে, অনেককণ প্রণিধানপূর্বক ভাবিয়াও, আমি সেই আমি, অথবা অন্য কোন অসাধাবণ-শক্তি-সম্পন্ন ব্যক্তি, তাহা স্থিবিই করিতে পারিলাম না।

সে যাহা হউক, পাঠকবর্গ অবগত আছেন, মদ খাইবার পর, আমার যেমন 'একটীমাত্র বস্তু' প্রাপ্তির আকাঙ্ক্ষা বলবতী হইয়াছিল, এখানে আসিয়া দেখিলাম, আমার এই বান্ধবগণেরও সেই 'এক বস্তু' প্রাপ্তির আকাঙ্ক্ষা আমার ত্যায় তেমনিই বলবতী। আমরা সকলেই যে বস্তু প্রাপ্তিব আকাঙ্ক্ষায় ব্যাকুল হইয়াছি, বান্ধবগণের কৃপায় বুঝিলাম, সে বস্তুতে সকলেরই সমান অধিকার। অতএব 'একটী বস্তু' বলিয়া আমাদের মধ্যে ঈর্ষাদি-জনিত কোন-প্রকার অশান্তি নাই। কেন না, আমরা ঐকান্তিক একাগ্রতাসহকারে চেষ্টা করিলে সকলেই সেই বস্তুকে আশানুরূপ প্রাপ্ত হইব, এবং তৎপ্রাপ্তি-দ্বারা সকলেরই আকাঙ্ক্ষাব পরিপূর্ণ নিবৃত্তি হইবে।

আহা ! মদ না খাইয়া একদিন যে আকাঙ্ক্ষাকে হৃৎথের কাবণ বলিয়া বোধ হইত, নেশার ঘোরে এবং বন্ধুগণের কৃপায় এখন তাহাকে উহার সম্পূর্ণ বিপরীত বলিয়া মনে হইল। এমন , এখন এমন বোধ হইতে লাগিল যে, ঐ বস্তু এই পবন-গুণ-যুক্ত পূর্ণ-শক্তি প্রদায়িনী আকাঙ্ক্ষা যতই বলবতী হয়,— এই অক্ষয় 'অদ্বিতীয় বস্তু' প্রাপ্তির আকাঙ্ক্ষা হৃদয়ে যতই অধিক

পরিমাণে বর্দ্ধিত হয়,—বিষ-নিরাসী মানব-শরীর-ধারী জীবের পক্ষে ততই মঙ্গল-জনক—ততই আনন্দ-প্রদ ।

সে বাহা হউক, যে সময় আমার ও বন্ধুগণেব এইরূপ মিলিত বা প্রায় একীভূত অবস্থা, যে সময় আমাদের আকাঙ্ক্ষা, সেই এক-কাম্য বস্তুরই প্রতি ধাবিত, সেই শুভ সময়েও মধ্যে মধ্যে (প্রসঙ্গ বা চিন্তাস্তব উপস্থিতি-জগ্ন-বিঘ্ন-বশতঃ) বান্ধবগণ হইতে আমার অবস্থার পার্থক্য বোধ হইতেছিল । আমাব তৎকালীন অবস্থা বুঝিয়া ইতিপূর্বে যে সুন্দরী আমাকে মদ খাওয়াইবাব জগ্ন দোকা-নের দ্বারে দাঁড়াইয়া আহ্বান কবিয়াছিলেন, তাঁহাব অনুমতিক্রমে অন্ত্য জগ্ন বান্ধবগণ সকলেই বিনীতভাবে আমাকে কহিলেন,— “ভাই । আর আমরা নিমেষমাত্রের জন্যও তোমা হইতে পৃথক্-ভাবে থাকিব না, এখন হইতে আমরা তোমার সম্পূর্ণ আশ্রয় হইলাম, এবং তুমিই আমাদের একমাত্র প্রভু হইলে । যদি কখন তোমার কোন আদেশ প্রাপ্ত হই, তবে তাহা প্রতিপালন করাই এখন হইতে আমাদের কার্য্য হইল, নতুবা আমরা নিষ্ক্রিয়-ভাবেই তোমার অমুগত বহিলাম ।”

বান্ধবগণেব এই কথা শেষ হইতে না হইতেই আমার এমন, একপ্রকার অননুভূতপূর্বে আনন্দময় প্রশান্ত অবস্থা উপস্থিত হইল যদ্বারা আমি কিয়ৎকাল জড়বৎ অচলতা প্রাপ্ত হইলাম, কোন কথা পর্য্যন্ত বলিতে পারিলাম না । এই অবস্থায় বোধ হইল, যেন সহসা সমগ্র ব্রহ্মাণ্ড বমণীর স্নিগ্ধ জ্যোতিতে পরিপূর্ণ হইয়া উঠিল । অনন্তর সেই জ্যোতির্মধ্যভাগে অনির্কচনীয় সুন্দর এক পুরুষমূর্তি দেখিতে পাইলাম, কিন্তু অবিলম্বেই উহা তিরোহিত ও সেই স্থানে এক অতুলনীয়-মনোবম স্ত্রীমূর্তির আবির্ভাব দৃষ্টিগোচর হইল ।

আমি আত্মবিশ্বত হইয়া ঐ বিশ্ববিমোহিনীর রূপ-দর্শন-জনিত ভাব-সাগরে নিমগ্ন রহিয়াছি,—প্রাণ যেন সেই মহা-ভাব-সাগর হইতে আর উখিত না হয় এইরূপ আকাঙ্ক্ষা করিতেছে,—এমন সময় ধীরে ধীরে ঐ প্রকৃতি-দেহের দক্ষিণাঙ্গ সেই পূর্বদৃষ্ট মহা-পুরুষের অর্ধাঙ্গে পরিণত হইল দেখিতে পাইলাম ।

আহা ! সেই অর্ধাঙ্গ-সম্মিলিত প্রকৃতি-পুরুষের বিশ্ব-ব্যাপ্ত-কপ-প্রভা-সন্দর্শনে আমার শরীর পুলকিত ও মুহমূহ বিকম্পিত হইতে লাগিল, এবং প্রাণ আনন্দ-বিহ্বল-ভাবে ঐ যুগল-শ্রীচরণাববিন্দু প্রণত হইল । জীবনের এই শুভক্ষণে প্রিয়মুহূৎ বসনাও আর নিশ্চেষ্ট থাকিতে না পারিয়া করযুগলকে সংযুক্ত হইবার জন্য ইঙ্গিত করিল ; এবং স্বয়ং প্রাণারাম স্বরে গাহিল ;—

গীত ।

নমামি পরম-দেব পতিত-জন-তাবণ ।
 ভজামি জগত-ঈশ সৃজন-লঘ-কারণ ॥
 ত্বং হি আদি-শক্তি-ধর,
 ত্বং হি জীব, শিব, সুর, নব,
 ত্বং হি প্রকৃতি, পুরুষবর,
 ত্বং ভব-ভয-বারণ ॥
 তত্ত্ব তোমার বুঝিতে কে পারে,
 বিনা কৃপা তব জ্ঞান-বুদ্ধি হারে,
 পারে সে সকলি কর কৃপা যা'রে,
 (তোমায়) করে সে হৃদয়ে ধারণ ॥

জানি না প্রভু, মহিমা তোমার,
কর যদি কৃপা, পাই হে 'নিস্তার',
দেখো হে 'দয়াল' নামটী তোমার,
(আমা হ'তে) না যেন হয় অকারণ ॥

সঙ্গীত সমাপ্তিব সঙ্গে সঙ্গেই যেন ঐ প্রকৃতি-পুরুষ-মিলিত-মূর্ত্তিব যুগল-বাহু প্রসারিত, এবং সেই চির-প্রসন্ন বদন হইতে নিম্ন-লিখিত করুণাপূর্ণ বাণী বিনির্গত হইল ;—

“বৎস । আর তোমার কোন চিন্তা নাই ; তুমি আমার ক্রোড়ে আসিয়া নিত্য-শান্তি লাভ কর । আমার যে প্রিয়সন্তান তোমার ন্যায় ঐকান্তিক যত্ন-সহকারে এই সু-দুর্লভ মদ্য-পান-দ্বারা মহা-ভাব-বিহ্বল-লাবস্থায়, নিজের প্রকৃত বাস্কবগণের সহিত অভিন্ন-ভাবে সন্মিলিত হইয়া, আমার নাম গান করে, আমার ইচ্ছায় জগতে থাকিয়াও সে সদানন্দ-লাভের অধিকাৰী হয় ; এবং জগদ্বাসীর নিকট আমারই অনুরূপ পূজ্য হইয়া থাকে । আর যদি সে প্রার্থনা বা কামনা কবে, তবে তৎক্ষণাৎ আমার এই মিলিত বাহুযুগল তাহাকে অনন্ত-কালের জন্য আমার এই অঙ্ক-শয়্যায গ্রহণপূর্বক নিস্তার, বিরাম বা শান্তি প্রদান করিয়া থাকে । বৎস ! তুমি যখন মদল

থাইয়া আনন্দোৎফুল্ল সরল প্রাণে আমার নাম গান কবিত্তে সমর্থ হইয়াছ, তখন স-শরীবে থাকিলেও তোমার আর কোন ক্ষতি ছিল না ; বরং তোমাদ্বারা মর্ত্যধামেব মহোপকারই সংসাধিত হইত ; কিন্তু হে প্রিয় পুত্র । তুমি যখন আমার নিকট ‘নিস্তার’ বা বিদেহত্ব-প্রাপ্তির নিমিত্ত প্রার্থনা করিয়াছ, তখন আইস, তোমাব প্রার্থনা পূর্ণ করি ।”

প্রকৃতি-পুরুষ-মিলিত-মূর্ত্তিব প্রসন্ন বদন হইতে এই নিত্য-শান্তি-লাভ-সূচক আশ্বাস-বচন শ্রবণ করিয়া, এবং তদীয় প্রসারিত সুন্দর বাহুগল প্রত্যক্ষ করিয়া, আমি তাঁহাব অঙ্গগত হইবার নিমিত্ত অগ্রবর্তী হইতেছি, এমন সময় কে যেন বারংবার আমাব অঙ্গ-সঞ্চালনপূর্ব্বক আহ্বান কবিত্তে লাগিল । চাহিয়া দেখি, নিকটে কেহই নাই . আমি বাসস্থানের সেই নিত্য-ভোগ্য শয়নেই শয়ান বহিয়াছি, —শান্তিব স্বপ্ন ভাঙ্গিয়া গেল ।

স্বপ্ন সমাপ্ত ।



পরিণাম ।

স্বপ্নভঙ্গে আবার সেই মালিন্য-বিমণ্ডিত সংসার-দৃশ্য দর্শন করিয়া আমার প্রাণে অনির্বচনীয় ব্যাকুলতা উপস্থিত হইল । আবার তক্রাবিষ্ট হইয়া ঐ শান্তি-প্রদ স্বপ্নের অবশিষ্টাংশ দেখিতে পাইবার আশায় নিমীলিত-নয়নে, স্থিরভাবে শয্যায় পড়িয়া রহিলাম ; কিন্তু আন্তরিক অশান্তি অথবা ছরদৃষ্ট বশতঃ আর তক্রাবেশ হইল না । নয়ন উন্মীলন ও শয়ন পরিত্যাগ মাত্র পরিজনবর্গের প্রতি দৃষ্টি পতিত হইল ; কিন্তু কাহারও সহিত কোনপ্রকার বাক্যলাপ করিবার তখন প্রবৃত্তি ও প্রয়োজন বোধ হইল না । মুখের বিষণ্ণভাব দেখিয়া কেহ কেহ আমাকে উহার কারণ জিজ্ঞাসা কবিলেন । কি উত্তর দিব স্থির করিতে না পারিয়া আমি নীরবই রহিলাম , কিন্তু অনায়ত্ত নয়নযুগল অবিরল অশ্রু-ধারা-বর্ষণ-দ্বারা সেই নীরবতাকে অগ্রাহ করিয়া, আমার আন্তরিক বিষণ্ণতা সর্বসমক্ষে সু-স্পষ্টরূপে প্রকাশ করিয়া দিল । তথাপি ভাষা-দ্বারা তাঁহাদের নিকট মনোগত ভাব প্রকাশের ইচ্ছা না হওয়ায়, আমি আবাস হইতে বহির্গত হইয়া অদূরবর্তী-ভাগীরথী-তীরভিমুখে যাত্রা করিলাম ।

প্রাতঃকাল । এ সময় কলিকাতার পার্শ্ববর্তী গঙ্গাতীরের শোভা (মুক্তি-বিধায়িনী বারাগনী-তুল্যা না হইলেও) ভাবুক-জনেব মনো-হারিণী । আমি বিবিধ চিন্তা-সমাকুলিত-চিত্তে ধীরে ধীরে কলিকাতা বাগ্‌যাত্রার অন্নপূর্ণাব ঘাটে আসিয়া উপস্থিত হইলাম ।

পুত্র কন্যা সকলের প্রতিই যে মা অন্নপূর্ণার সমান মেহ, তাহা মর্ত্য-বাসী-সন্তান-সমূহকে সু-স্পষ্টরূপে জানাইবার জন্যই বেন,

তঁাহার ঘাটে স্ত্রী-পুরুষ সকলে একত্রই স্নান করিতেছেন দেখিতে পাইলাম । ঐরূপ অভিন্ন আচরণে করুণাময়ী মা জাহ্নবীরও কোন কালে ও প্রায় কোন স্থানেই আপত্তির কোন কথা শুনা যায় নাই—তাহাতে আবার মা অন্নপূর্ণার অভেদ করুণার অধিকার পাইয়া, গঙ্গাব এই ঘাটে, গণিকা কুলবালা, লম্পট ভদ্র, নাস্তিক আন্তিক, শূদ্র ব্রাহ্মণাদি সকলেই ঘেসাঘেসি মিশামিশি করিয়া সহর্ষচিত্তে স্নানাদি করিতেছেন । তঁাহাদের স্নানের প্রথা বা স্থল-ক্রিয়া দেখিয়া বোধ হইল, তঁাহারা কোথায় স্নান করিতেছেন, কি অভিপ্রায়ে স্নান করিতেছেন, তদ্বিষয়ের নিগূঢ় চিন্তা তঁাহাদের মধ্যে বুদ্ধি কাহাবও অন্তবে নাই । তঁাহারা যে চিন্তা লইয়া গঙ্গাতীরে আসিয়াছেন,—যে চিন্তা-প্রভাবে মৃত্তিকা ব্রহ্মণ, অবগাহন, স্তোত্র-পঠন, ইষ্টমন্ত্রোচ্চারণ অথবা সন্ধ্যাবন্দনাদি-কালে ইত্যন্ততঃ দৃষ্টিপাত করিতেছেন,—তাহা সরলপ্রাণ সাধুজনের, অথবা মহাজন-প্রকাশিত শাস্ত্র-বচনেব, অনুমোদিত কি না, তাহা না জানিলেও, একপ গঙ্গা-স্নানকে আমাবু পাপ-জনক বলিয়া বোধ হইল ।

সদাচারপবায়ণ স্ব-ধর্ম-নিষ্ঠ ব্যক্তিগণ এ রহস্য বুঝিতে পারিবেন না, কিন্তু আমার কলুষিত চিত্ত এ জাতীয় চিন্তার পোষক বলিয়া আমি উহা বুঝিলাম, এবং নিত্যগঙ্গাস্নায়ী যে সকল ব্যক্তি এইরূপ দূষিত চিন্তা-সম্বন্ধে আমার সহযোগী আছেন, তঁাহা ও অনায়াসে ইহার সত্যাসত্য উপলব্ধি করিতে সমর্থ ।

সে যাহা হউক, অন্য কোন দিন হইলে গঙ্গা-তীরের একপ দৃশ্য-দর্শন আমাব পক্ষে হয় ত অনুখ-জনক হইত না, কিন্তু বিগতি যামিনীর স্বপ্ন-দর্শন-ফলে আজ উহা আমার পক্ষে অত্যন্ত অশান্তি-দায়ক ও পাপ-জনক দৃশ্য বলিয়া বিশ্বাস জন্মিল । আমি

ঐ কোলাহল-পূর্ণ অশান্তি-জনক স্থান পরিত্যক্তপূর্বক গঙ্গাতীরের কোন নিভৃত প্রদেশোদ্দেশে যাইবার সঙ্কল্প করিতেছি, এমন সময় সহসা—“মা, পতিতপাবনি ভাগীবথি ।”—এই কাতর-প্রাণ-শাস্তিকর সুরধুর ধ্বনি শ্রবণ এবং অদূরে এক প্রশান্ত মানব-মূর্তি দর্শন করিয়া আমার গমনের শক্তি প্রতিহত হইল । ভক্তি-ভাব-সমুচ্ছ্বসিত-স্বরে অন্তরের মর্ম স্থান হইতে উচ্চারিত কলুষনাশিনী সুরধুরী পবিত্র-নাম-শ্রবণ-ফলেই হউক, কিংবা সেই গঙ্গাস্নানার্থ সমাগত ‘শাস্ত’-মূর্তি-দর্শন-ফলেই হউক, অথবা কি নিমিত্ত জানি না, আমি ক্রমকাল নিস্পন্দ-ভাবে দণ্ডায়মান রহিলাম ।

ঐরূপ অবস্থা অপগত হইলে পব, পার্শ্ববর্তী কোন কোন ব্যক্তিকে আগন্তকের পবিচয় জিজ্ঞাসা করায়, তাঁহারা প্রত্যেকেই বলিলেন,—“ও একটা পাগল, ঐ রকম ক’রে গঙ্গার ধারে, পথে, ঘাটে, বেড়ায়। কখনও বা আপনার মনে কত কি বকে, হাসে, কাঁদে, গান গায়,—মাথার ঠিক নাই। বড় মিষ্ট গান করতে পারে, কিন্তু কেহ গাইতে বলে ইচ্ছা না হয় ত গায় না। আপনার মনের খেলালে গান আরম্ভ করে, খানিক গাইতে গাইতে গলা ছেড়ে হয় ত এমনই হানি কি কান্না আবহ করে যে, আর সেখানে দাঁড়িয়ে থাকতেও বিরক্তি বোধ হয়। শুনেছি ছোঁড়াটা নাকি পরসাগুরালা লোকের ছেলে,—দেখ না, ঠিক যেন হাড়ী মেথরের হাল হয়েছে। ভাল রকম লেখাপড়াও মাকি শিখেছিল, কিন্তু ভগবানের কি বিডম্বনা! মাথাটা খারাপ হয়ে যাওয়ায় সমস্ত ঘি ভস্মেই পড়েছে।”

গঙ্গাতীরস্থ ব্যক্তিবর্গের ঐরূপ উত্তর শুনিয়া আমার ঐ অসাধারণ পুরুষের পরিচয় প্রাপ্তির আকাঙ্ক্ষা মিটিল না, বরং কৌতু-

হল অধিকতর বদ্ধিত হইল। অথচ সহসা সেই লক্ষ্য ব্যক্তিকেও কোন কথা জিজ্ঞাসা কবিতো সাহস না হওয়ায়, প্রচ্ছন্নভাবে ধীরে ধীরে তাঁহার অনুবর্তী হইলাম।

পাঠক-পাঠিকাগণমধ্যে কাহারও যদি এই ‘পাগলেব’ মূর্তি ও ইহার কার্য সম্বন্ধে কিছু জানিবার কোতূহল জন্মিয়া থাকে, তবে তন্নিবৃত্তির জন্ত ইহাকে দর্শন হইতে এই অল্প সময়ের মধ্যে ইহার সম্বন্ধে যাহা কিছু দেখা গিয়াছে, তাহাই প্রকাশিত হইতেছে।

এই ব্যক্তির বয়ঃক্রম অনুমান ত্রিশ বৎসর। বর্ণ উজ্জ্বল-শ্যাম ; পরিচ্ছদ একখানি ছিন্ন মলিন কার্পাস বসন ; উহারই অর্দ্ধাংশ পরিহিত এবং অপরাধাংশ উত্তরীয়-রূপে যজ্ঞোপবীত-যুক্ত স্বক্ৰদেশে বিশৃঙ্খল-ভাবে লম্বিত। পাদযুগল পাছুকা-বিহীন, কিন্তু সুন্দর। ঈষদবনত মস্তক এবং হাস্যপূর্ণ মুখমণ্ডল, দীর্ঘ, ক্রম্ব ও অসংস্কৃত, অথচ সু-শ্রী কেশ-শ্মশ্রু-সম্বিত। শ্রুতি-যুগল-স্পর্শী লোচনদ্বয়ের দৃষ্টি প্রশান্ত ও ভূ-তল-সংলগ্ন। করি-কর-সদৃশ সুদৃশ্য ভূজ-যুগল স্বক্ৰ-স্থিত উত্তরীয়-বাস-সহ অঞ্জলিবদ্ধ। ধীর-বিনিক্ষিপ্ত চরণযুগল ভাগী-বথী-তীরের নির্জন-প্রদেশোদ্দেশে গমনশীল, এবং রসনা—“মা, পতিতপাবনি ভাগীরথি।”—এইমাত্র বাক্যোচ্চারণে নিরত।

প্রথমতঃ এই অদ্ভুত ‘পাগলের’ মুখে ভক্তি-পরিপূরিত স্ববে মা ভাগীবথীব নামোচ্চারণ শুনিয়াই আমার চিত্ত তাঁহার প্রতি আকৃষ্ট হইয়াছিল, এক্ষণে তাঁহার প্রশান্ত-মূর্তি, এবং বিষয়-বিরাগ-বিমিশ্রিত-ভক্তি-ভাব দর্শনে আমার পাপ-সস্তাপ-সঙ্কচিত প্রাণ তাঁহার পুণ্যানন্দ-বিকশিত প্রাণের নিকট প্রণতি স্বীকার কবিল। কিন্তু কি আশ্চর্যের বিষয়। আমি তাঁহার সম্মুখে গিয়া যুক্তকরে ও অবনতমস্তকে স্কুল-প্রণতি (কায়িক প্রণাম) প্রদর্শন না কবিলেও,

(ভগবৎপ্রদত্ত অস্বর্য়ামিত্ব-শক্তি-প্রভাবেই যেন) তিনি আমাকে মনে মনে প্রগত বৃত্তিতে পারিয়া, তৎক্ষণাৎ আমাব দিকে (নিজ-পশ্চাদিকে) প্রসন্ন-দৃষ্টিপাতপূর্বক অবনতশীর্ষ হইয়া প্রগতি-প্রদর্শন করিলেন । কিন্তু কোন কথাবার্তা না কহিয়াই আবার পূর্ববৎ আপনার অশীর্ষ-পথে-মহুর-গমনেই চলিতে লাগিলেন ।

এইরূপে গঙ্গাতীর দিয়া কিয়দূর গমন করিবার পর, পাগল বাগ্বাজাবের অন্নপূর্ণার ঘাট এবং চিৎপুর কাটাখালের (সাকুলার-ক্যান্যালের) পোলের মধ্যবর্তী একটি নির্জন প্রদেশে * উপস্থিত হইয়া জলেব তিন চারি হস্ত দূরবর্তী স্থানে জানু পাতিয়া কৃতান্তলি-পুটে প্রশান্তভাবে উপবিষ্ট হইলেন । মনে মনে স্থির করিয়াছিলাম, সাধারণ-প্রথানুসাবে তিনিও প্রথমে গঙ্গাজলস্পর্শনানন্তর স্নানাহিক কবিয়া যখন প্রস্থানের উপক্রম করিবেন, সেই সময় আমিও তাঁহাব অনুগামী হইব । কিন্তু তাঁহাকে অনেকক্ষণ একস্থানে কৃতান্তলি পুটে ও নিশ্চেষ্টভাবে উপবিষ্ট থাকিতে দেখিয়া কোতূহলের উত্তে-জন্য সতর-ধীর-পাদ-বিক্ষেপে তদীর পার্শ্বদেশে উপস্থিত হইয়া দেখি-লাম, তাঁহার লোচনযুগল মা জাহুবীব প্রতি স্থিরসম্বন্ধ থাকিয়া অবি-বল অশ্রু-ধারা বর্ষণ করিতেছে । বাহুজ্ঞান না থাকায়, আমি যে তাঁহার নিকটে গিয়া দাঁড়াইয়াছি, তিনি তাহাব কিছুই জানিতে পারিলেন না । আমি তাঁহার নিকটে থাকিয়া সমস্ত ব্যাপার প্রত্যক্ষ করিতেছি, অথচ তিনি আমাকে দেখিতেছেন না, এই ঘটনার আমার বড়ই আহ্লাদ জন্মিল । আহ্লাদ-ভরে আমি তাঁহার অনতি-

* এই স্থানে সাধারণের স্নানাস্থির জন্য বাঁধান ঘাট না থাকায় কলিকাতার গঙ্গাতীর হইলেও জনতা অন্নই দেখিতে পাওয়া যায় ।

দুববর্তী প্রদেশে উপবিষ্ট হইয়া কেবল তাঁহার মুখের দিকে সতৃষ্ণ-দৃষ্টিপাতপূর্বক সেই ভাব-সুখা পান করিতে লাগিলাম ।

আমার উপবেশনের অঙ্গক্ষণ পবেই দেখিলাম, সেই অদ্ভুত পাগলের লোচনদ্বয় ধীরে ধীরে নিম্নীলিত হইয়া আসিল, এবং শবীর পুলাকে পরিপূর্ণ হইয়া উঠিল । এই অবস্থার পরই তিনি অশ্রু-বিগলিত-লোচনে ও বাষ্প-গদগদ-বচনে বলিলেন,—“মা পতিত-জন-নিস্তারিণি ভাগীরথি । আমি যে পতিত, তা তুমি জানই । গঙ্গে । তোমার নির্মল স্নানীতল অঙ্গ স্পর্শ কব্লে পাপীর প্রতপ্ত প্রাণ শীতল হয় শুনেছি, কিন্তু তোমাব এই পবিত্র অঙ্গ স্পর্শ কব্লেও বে আমার আতঙ্ক হয়,—অধিকার নাই মনে হয়,—তা’ও ত মা তুমি জান । আমি নিত্যই আসি, আসিবার সময় মনে কবি, ‘আজ আবে কোন দিকে না তাকিয়ে,—কোন বিষয় না ভেবে,—গিরে একেবারেই মাব শান্তিময় অঙ্গ স্পর্শ ক’র্ব, এবং মা যদি বাস্তবিক আমার মত মহাপাতকী অধমের নিস্তারিণী হন, তবে তাঁ’ব স্পর্শে নিশ্চয়ই আমার তাপেব লাঘব হ’বে, তখন স্নান বা অবগাহনের আবে প্রয়োজন হ’বে কি না, সে সব তা’র পবের ভাবনা ।’ কিন্তু মা । তোমার কাছে এলেই কত কি মনে হ’য়ে আতঙ্কে আমাব সর্ব্বাঙ্গ জড়সড় হয়ে আ’সে । তোমার এই যে ধীর-গম্ভীর ভাব, চওড়া আঁকা বাঁকা চেউগুলি দেখে কত লোকে তুষ্ট হ’য়ে কত কথাই ব’লে স্তব করেন, আমাব কিন্তু মা, তোমাকে দেখলেই ভয়ে যেন প্রাণপর্য্যন্ত বিহ্বল হয়ে পড়ে, পূর্বেব সে সাধ আর মিটে না ।

“তা’ই বলি মা অভয়ে । আর কত দিনে তুমি আমাকে’ অতন্ন দান করবে ?’ আর কত দিনে এ দীন তোমাব বিগলিত করুণার ধারা, এই পবিত্র সলিল, স্পর্শনেব অধিকারী হ’বে ?—একবার বল

মা, বাবি-রূপিণি । আব কত দিনে তুমি আমার পাপের ময়লা ধুয়ে আমার কোলে তুলে নেবে ? আমি,—মহাপাতকী আমি,—‘গঙ্গায় স্নান ক’চ্ছি বলে, লোকের যা’ ইচ্ছা হয় বলুক, কিন্তু তুমি বল মা, আমি কবে তোমার কোলে গুয়ে, শিশুর মত মনের উল্লাসে হেসে হেসে হাত পা নেড়ে খেলা ক’বে, সকল জালা জুড়া’ব ?’

এইরূপ বলিতে বলিতে ‘পাগলের’ বাষ্প-গদগদ-কণ্ঠের স্বব রুদ্ধ হইয়া আসিল, তিনি অঞ্জলি-বন্ধ-কর-যুগল বিশ্লেষণপূর্বক সুরধুনী-গর্ভের সেই সু-নির্মল-সলিল-সিক্ত সৈকতাসনোপরি রাখিয়া তন্মধ্যস্থলে মস্তক সংলগ্ন করিয়া প্রণত হইলেন ।

অনেক প্রকারেব প্রণাম দেখিয়াছি,—সাপ্তাঙ্গ, পঞ্চাঙ্গ প্রভৃতি অনেক প্রকারেরই প্রণাম দেখিয়াছি, কিন্তু এরূপ প্রণতি,—এমন প্রশান্ত ভাব-প্রণোদিত আন্তরিক ভক্তির অভিব্যক্তি, আর কোন-কালেই নয়ন-গোচর হয় নাই । বলিতে কি, তাঁহার সেই দীর্ঘ-বঙ্গ-ব্যাপি-প্রণাম-কালীন আন্তরিক অবস্থা ভাবিতে ভাবিতে আমি এরূপ তন্মনস্ক হইয়াছিলাম যে, ঐ সময়টুকুর মধ্যে আমার নিরন্তর অন্তির চিত্তও আর বাহিরের বিষয় ভাবিবার জন্য ইতস্ততঃ বিক্রিপ্ত হইবার নিমেষমাত্র অবকাশ পায় নাই ।

ক্রিয়ংকাল এই অবস্থায় অতিবাহিত হইবার পর, সহসা অনভিদ্রববর্তী কি একটা কোলাহল আমার চিত্তের সেই ক্ষণিক একাগ্রতা ভঙ্গ করায় দেখিলাম, জোয়ারে গঙ্গার জল বাড়িয়া প্রণত ভক্তের কেশাগ্রভাগ আর্দ্র করিয়াছে । আমি তাঁহা হইতে অল্প-দূরে ছিলাম বলিয়া ভীষ্ম-জননী সুরধুনী কেবল তাঁহার ভক্তিমান্তনয়কেই যেন কোলে লইতে আসিতেছেন বলিয়া, তাঁহার পবিত্র সলিল—করুণা-ধারা—আমার কলুষিত শরীরকে স্পর্শ করে নাই ।

কল্পনাব কুপায় এইরূপ ভাব এখন মনে উদয় হইতেছে ; কিন্তু তখন সলিলে নিজ-বসন সিক্ত হইবার আশঙ্কায়, এবং আবণ্ড কিঞ্চিৎ জল বাড়িলে বাহুজ্ঞানশূন্য ভক্তের নাসা-কর্ণ-বিববে সলিল-প্রবেশ-দ্বারা তদীয় অনিষ্ট ঘটবার আশঙ্কায়, ব্যগ্রভাবে তাঁহার অঙ্গ সঞ্চালনপূর্বক বলিলাম,—“ঠাকুর ! করেন কি, উঠুন, ব্রহ্মহত্যা ভয় বে, চেয়ে দেখুন গঙ্গায় জোয়ার এসেছে, আপনার মাথাব চুল পর্যন্ত ভিজি গিয়েছে, আর অন্নক্ষণ এভাবে থাকলে নিশ্চয়ই আপনার প্রাণান্ত হবে, উঠুন উঠুন, শীঘ্র উঠুন ।”

আমার পুনঃ পুনঃ এইরূপ চীৎকারে ও অঙ্গ-সঞ্চালন-হেতু উত্তেজনার ব্রাহ্মণের সেই প্রগাঢ় নিশ্চেষ্টতা (সমাহিত ভাব) অপনোদিত এবং অল্পে অল্পে বাহুজ্ঞান আবির্ভূত হওয়ায়, তিনি সেই কর্দম-সলিল-পরিপ্লুত মস্তকে, অথচ অবিকৃত-ভাবে, ধীবে ধীবে পূর্ববৎ উপবেশন করিলেন । এখন তাঁহার সেই মূর্ত্তি এবং সেই দিব্য-প্রফুল্ল ভাব ভাবিলে বোধ হয়, যেন শঙ্কর-মৌলি-নিবাসিনী করুণাময়ী মা জাহ্নবী তদীয় ভক্ত তনয়কে পূর্ণমনোরথ করিবার নিমিত্ত, অথবা তদীয় মস্তকে উপযুক্ত আসন বিবেচনায় তথায় অবস্থিতির সঙ্কল্পে, জোয়ারের ছল কথিয়া, তাঁহার সমীপবর্ত্তিনী হইতেছিলেন, এ মহাপাতকীই যেন তাহাব অন্তরায় হইল ।

সে যাহা হউক, উপবেশনানন্তর ব্রাহ্মণ নিজ শীর্ষদেশ-বিগলিত জাহ্নবী-সলিল-সহ ভক্তি-সমুচ্ছৃসিত নয়ন-সলিল মিশাইয়া, প্রশান্ত-ভাবে কৃতাজ্জলিপুটে ও কাষ্ঠরকণ্ঠে আবার বলিলেন,—“এ আবার তোমার কিরূপ ছলনা মা ! যদি কোলে নেবে ব’লে এলে, তবে নিলে না কেন মা ! এই তুমি আমাকে তোমার প্রসন্নময়ী মকর-বাহিনী মূর্ত্তি দেখিয়ে,—সম্মুখের হাত ছ’খানি বাড়িয়ে,—‘আমর

বাছা, আমার কোলে আর । অনেক দিন তোকে কোলে নিই নাই, আমার কোলে আর । আব ভয় নাই, আমি এসেছি, আমার কোলে আর ।—ব'লে, চেউয়ের দোলায় ঢুলতে ঢুলতে, হাসতে হাসতে, আমার কাছে এলে, আমিও তোমার পরম সুন্দর পা হ'খানি ধ'রে ধীরে ধীরে উঠে দাঁড়িয়ে, তোমার কোলে যা'ব ব'লে যাচ্ছিলাম, এমন সময় জোরারের ভয় দেখিয়ে, এ আবার কি রঙ্গ করলে মা । কোলে নেবে ব'লে এলে ত না নিয়ে, এখানে ফোল, আবার কোথায় গেলে, মা নিস্তারিণি । আমি যে পথ চিনি না, কোন্ পথে গিয়ে, কি ব'লে ডাকলে যে আশাব তোমার দেখতে পা'ব আমি যে তাহার কিছুই জানি না, সকল প্রকারে অশক্ত জেনেও কেন আমার ফেলে গেলে মা অন্তর্যামিনি ।”—বলিতে, বলিতে কঁাদিতে কঁাদিতে, ভাবাবেশে সাধু আবার নিশ্চেষ্ট হইলেন ।

ব্রাহ্মণকে আবার সংজ্ঞা-শূণ্য হইতে দেখিয়া আমার বডই আতঙ্ক উপস্থিত হইল । এতক্ষণ স্বচ্ছন্দে তাঁহার অঙ্গস্পর্শ কবিবার সু-যোগ ও সাহস হয় নাই । এইবার শুশুমার উপলক্ষ করিয়া, এবং মনে মনে আপনাকে মহা-মৌভাগ্যবান্ বোধ কবিয়া, তাঁহার সেই পবিত্র শরীর আলিঙ্গনপূর্বক জলের নিকট হইতে উঠাইলাম : এবং কিঞ্চিদুপরিভাগে (গঙ্গাব গর্ভেই) বসাইয়া যত্নপূর্বক ধরিয়া বহিলাম । এই অদৃষ্টপূর্বক ব্যাপার দর্শন-ফলেই হউক, অথবা ভক্তের সেই ভক্তি-ভাব-পুলকিত পবিত্র কলেবর স্পর্শন-সুকৃতি বলেই হউক, এই সময় আমার মলিন চিত্তের কেমন একপ্রকার অব্যক্ত অবস্থান্তর সজ্জাটিত হইল, সর্বশরীরে পুলক-হিলোল প্রবাহিত হইতে লাগিল, আমি কঁাদিয়া ফেলিলাম ।

ব্রাহ্মণ এতক্ষণ নিস্তরু ও অবসন্নপ্রায় উপবিষ্ট ছিলেন, কিন্তু

স্থানান্তরিত হইবার পরক্ষণেই উদ্ভবের স্মরণ বিকলভাবে ইতস্ততঃ লক্ষ্য-বিহীন দৃষ্টি নিক্ষেপ করিতে লাগিলেন । অনন্তর উচ্চৈঃস্ববে খল খল হাস্য করিয়া বলিতে লাগিলেন,—“গেলি !—ফেলে গেলি !—সত্যি ফেলে গেলি !—তা যা বেটি ! আমি যখন তোকে একবার ছুঁতে পেয়েছি,—যখন তুই আমার আদর ক’রে কোলে নিতে এসেছিলি আমি তোকে দেখতে পেয়েছি,—তখন আমার আর কিছুমাত্র দুঃখ নাই । এখন আমি যাই মা,—চাকরী কর্তে যাই,—অবকাশ পেলেই আবার আসবো । এসে, তোকে ডেকে, কেমন থাকি ব’লে, আবার যা’ব, তাব পব যখন ছুটি হ’বে, তখন এসে, তোব শীতল কোলে শুয়ে, একেবারে চিবদিনেব মত ঘুমিয়ে প’ড়ব,—এখন চল্লুম ।”

এই বলিয়াই ব্রাহ্মণ প্রমত্ত মাতঙ্গের স্মরণ বলপূর্বক উঠিয়া দাঁড়াইলেন । আমি তাঁহার চরণযুগল দৃঢ়রূপে ধারণ করিলাম কিন্তু সে দিকে তাঁহার দৃকপাতই নাই—চরণে সামান্য তৃণস্পর্শ হইলে তৎপ্রতি আমাদের যেরূপ দৃষ্টি পড়ে, সেরূপ দৃকপাতও নাই । আপনার ভাবে বিহ্বল হইয়া, আপন মনেই বলিতে লাগিলেন,—“ভোলানাথ । দীনবন্ধো । এইবার তুমি সদয় হ’য়ে আমার মাতাল ক’রে সকল ভুলিয়ে দাও ঠাকুর । আব যেন আমি এই কাব্‌খানার (সংসারের) কা’রও জন্তু ব্যস্ত হ’তে না পারি,—কোন কাজেও আস্তে না পারি,—আমায় এমনি নেশা করিয়ে দাও দয়াময় ।”—এইরূপ আরও কত কি বলিতে বলিতে প্রবল-বেগে গঙ্গা-তীরের উপরিস্থ প্রদেশে উঠিলেন । শক্তি-হীনতা-হেতু আমি তাঁহার চরণ ছাড়িলাম, কিন্তু সঙ্গ ছাড়িতে পারিলাম না ।

পাঠক পাঠিকে ! বিগত যামিনীর মদ্য-পান-বিষয়ক স্বপ্ন ভঙ্গ

হইবার পর, আমি বিষণ্ণ-চিত্তে গৃহ হইতে বহির্গত হইয়া গঙ্গাতীরে আসিয়াছি, তাহা হয় ত আপনাদের স্বরণ আছে । এখানে আসিয়া এই অদৃষ্টপূর্ব মানব-মূর্তির দর্শনলাভাবধি এতক্ষণ আমার সেই বিবাদ-জনক চিন্তা প্রশমিত হওয়ার, চিন্তা ইহার শক্তিতেই সংবদ্ধ ছিল, কিন্তু এখন ইহার মুখে, মাতাল হইয়া সকল ভুলিয়া অক-
 ঞ্চন্যা (ক্রিয়া-বিরহিত) হইবার জন্য দীনবন্ধু ভোলানাথের নিকট প্রার্থনা শুনিয়া, আমার সেই পূর্ব-চিন্তা আবার প্রবণ হইয়া উঠিল, এবং ঐ সময় ইহার নিকট মদ্য-পান-স্বক্ষীয় কোন বহস্য জানিতে পারিব, এরূপ আশা হওয়ার স্বার্থ-প্রিয় চিন্তা ইহার প্রতি অধিকতর অনুরক্ত হইয়া পড়িল ।

যাহা হউক, গঙ্গা-গর্ভ হইতে তীরে উঠিয়া বাগুবাজারের দিকে অগ্রবর্তী হইসেই জনতাব মধ্যে প্রবেশ করিতে হইবে বুঝিয়া আমি দ্রুতগমনে সাধুর পার্শ্ববর্তী হইলাম এবং কৃতান্তলিপুটে ও বিনীতবচনে বলিলাম,— ‘দেব । আমি আপনার শরণাপন্ন সেবক, দয়া করিয়া আপনাকে আমার একটা প্রার্থনা পূর্ণ করিতে হইবে । প্রার্থনা অল্প কিছুই নহে, কেবল আপনার সহকে কিছু জানিবার জন্য আমার চিন্তা কোতূহলাক্রান্ত হইয়াছে । যদি কোন বিশেষ সঙ্কল্প বা নিয়মে আবদ্ধ না থাকেন, তবে অনুমতি পাইলে এ দাস নিজ অভিপ্রায় প্রকাশ করিতে সাহসী হয় ।

অন্তর্যামিত্ত-শক্তি-প্রভাবে আমার তৎকালীন প্রাণের অকপট-
 ভাব-প্রসূত ভাষা বুঝিতে পারিয়াই হউক, অথবা শাস্তি-পিপাসু
 প্রাণীর প্রার্থনা-পূরণ অবশ্য-কর্তব্য জানেই হউক, সাধু গমনে
 নিরন্তর হইলেন ; এবং স্মিতবদনে ও মৃদল নয়নে আমার দিকে
 প্রায় চক্ষুপাত করিলেন ।

বাক্যব্যয় না করিলেও সাধুর নয়নের সরলতা ও বদনের প্রসন্নতা ব্যঙ্গক ভাব দর্শনে তাঁহাকে আমার প্রশ্ন-শ্রবণে সম্মত বুঝিয়া পূর্ববৎ বিনীতবচনে বলিলাম,—“মহাশয়! আপনাকে দর্শন-মাত্রই আমার ‘মহাপুরুষ’ বলিয়া প্রতীতি জন্মিয়াছে। বলুন, আপনি কি নখর বুঝিতে পারিয়া সংসার পরিহারপূর্বক সন্ন্যাস গ্রহণ করিয়াছেন? না আপনার এখানে অবস্থিত কোন নির্দিষ্ট স্থান আছে? ইহা জানিবার উদ্দেশ্য এই, যদি এখানে (কলিকাতার) আপনার অবস্থিত নির্দিষ্ট কোন স্থান থাকে, তবে এ দাস আপনাব অবকাশ-কালে তথায় উপস্থিত হইয়া শ্রীচরণ দর্শন কবিত্তে পারে; এবং আপনি কিছুক্ষণপূর্বে, মাতাল করিয়া সংসাবেব সকল ভুলাইয়া দিবার জন্ত ‘দীনবন্ধু ভোলানাথকে’ উদ্দেশে সস্তাষণ-পূর্বক তাঁহার নিকট ব্যাকুলভাবে যে কি প্রার্থনা করিতেছিলেম, তদ্বিষয়েও কিছু জানিবার প্রার্থনা করে।”

সাধু এতক্ষণ মৌনাবলম্বনপূর্বক আমার সমস্ত কথাই শ্রবণ করিতেছিলেন। এক্ষণে আমার বাক্য সমাপ্ত হইলে আমাকে উত্তর-প্রাপ্তি-জন্ত সমুৎসুক দেখিয়া (নিভৃত-স্থানোদ্দেশেই বোধ হয়) বাজপথ হইতে গঙ্গার দিকে কিয়দূর প্রতিনিবৃত্ত হইলেন, এবং অশ্রুতপূর্বক মধুরবচনে কহিলেন,—“ভাই! মনে করিয়াছিলাম, তোমার সঙ্গে কথাবার্তা কহিবার বিশেষ কোন প্রয়োজন হইবে না। তথাপি তোমার ভগবতুষ্কারসন্ধিৎসু প্রাণের আগ্রহ দেখিয়া আমি তোমাকে মনে মনে প্রণাম কবিয়াছি, কিন্তু ভাই! মাদৃশ অহংভাব-সম্পন্ন জীবের প্রতি জগদীশ্বর-প্রযোজ্য বিনতি প্রদর্শন এবং তদুপ-যুক্ত সস্তাষণাদি দ্বারা কালক্রমে তোমার জগদীশ্বরের প্রতিও সংশয়,*

* মর্ত্যবাসী অসাধারণ (গৈরিক) পরিচ্ছদাদি সম্পন্ন কোন ব্যক্তিকে

অনাহা, এবং তজ্জন্তু আত্মার অশান্তি জন্মিতে পারে এই ভাবিয়া, আমি তোমার সহিত ছই একটা কথা কহিতে বাধ্য হইয়াছি। ইহা দ্বারা হয় ত তোমার প্রশ্নের উত্তরও হইয়া যাইতে পারে।

অল্পকণ পূর্বে তুমি মনের আবেগে বা বিনতি-প্রকাশের সঙ্করে এই ব্যক্তিকে যে 'দেব', 'মহাপুরুষ' প্রভৃতি শব্দ প্রয়োগপূর্বক সম্ভাষণ করিয়াছ, তাহাতে তোমার ও এই ব্যক্তির উভয়েরই অকল্যাণ সাধিত হইয়াছে। শুনিয়াছি, মর্ত্যবাসী হইলেও, যিনি অনুরাগ-বিরাগ, স্তব-তিরস্কার, এবং সুখ-দুঃখকে সমান ভাবিয়া সদানন্দে কালের সহিত লীলা করিতে সমর্থ, তিনিই 'দেব'-পদ-বাচ্য। কোন মন্দিরের দেব-বিগ্রহ ভাবিয়া দেখিলে এই বিষয় আরও অজ্ঞান্যাসে বুঝা যায়। মনে কর খড়দহের শ্রীমন্দিরে সেই যে ত্রিভঙ্গ-পুঠাম, করুণা-প্রসন্ন বদন, সদানন্দ-পূর্ণ-নয়ন যুরলীধর শ্রাম সুন্দরঙ্গী বিরাজিত আছেন, দেব-ভাবে অবিশ্বাসী কোন মোহাক্ক ব্যক্তি তাঁহাকে শক্তিহীন সামান্য প্রস্তরখণ্ড ভাবিয়া উপেক্ষা করিলে, অথবা কোন কারণে কুপিত হইয়া তাঁহাকে সিংহাসন হইতে দুবে নিক্ষেপ, এমন কি তদীয় শ্রীঅঙ্গে কশাঘাত পর্য্যন্ত করিলেও, যেমন তাঁহার নয়নের সেই প্রফুল্লতা কিংবা বদনের সেই সদয়-ভাব বিকৃত হয়

মূলচক্ৰ-দ্বারা দর্শন করিয়াই যদি তাঁহাকে 'শাধু', 'মহাপুরুষ', 'ঈশ্বরচূলা ব্যক্তি' ইত্যাদি বাক্যে সম্ভাষণ করা যায়, এবং ব্যবহার-দ্বারা তাঁহার নিকট হইতে ঐ ভাবের ক্রিয়া দেখিতে না পাওয়া যায়, তবে ক্রমশঃ, শাধু, সন্ন্যাসী, পরমহংস, এমন কি পরমেশ্বরে পর্য্যন্ত (কেবল মূল চক্ৰ অগোচর বলিয়া) সংশয়, অনাহা এবং তজ্জন্তু আত্মার অশান্তি হইবার সম্ভাবনা। এই নিমিত্ত যে কোন ব্যাপার ইন্দ্রিয়ের গোচর হউক না কেন, মনের শক্তি অহুসারে সংযতভাবে, অগ্রে বিশেষ বিবেচনাপূর্বক পরে তদ্বিশয়ে দর্শন-নির্ধারণ করাই মনোবিগণের উপদেশ, সুতরাং কর্তব্য।

না , এবং কোন দেবানুরক্ত ব্যক্তি অর্চনার জন্তু বিবিধ উপচার-সহ গলবস্থভাবে মন্দিরে আসিয়া ভক্তিপূর্বক সাষ্টাঙ্গ প্রণিপাত করিলেও যেমন কোনপ্রকারে তাঁহার তুষ্টি-প্রদর্শনের নূতন ভাব প্রকাশিত হয় না, নিন্দা-স্তুতি উভয়ই তাঁহার পক্ষে সমান লক্ষিত হয় ; সেই-রূপ যে ব্যক্তি জীবিত শরীরেই উল্লিখিত প্রকার জীবমৃত বা জীব-মুক্তাবস্থা লাভ করিতে সমর্থ হইয়াছেন, তিনিই 'দেব'-পদ-বাচ্য ।

মাদৃশ হীন ব্যক্তির প্রতি উক্তপ্রকার শব্দের অযথা-প্রয়োগ করিলে আমাদেব মনেব কেবল অহং-ভাব বর্ধন, স্মরণাং আত্মারও আরামানুসন্ধানেব বিঘ্নরূপ অকল্যাণ সাধন, করা হয় , আর তুমি যাহাকে 'দেব'-শব্দে সম্বোধন করিলে, কিয়ৎক্ষণের আলাপ-দ্বারা তাহাতে তোমার মনঃকল্পিত দেব-ভাবেব বিকাশ বা ক্রিয়া দেখিতে না পাইলে তোমার সেই উৎসাহোৎকুল প্রাণেও যে মালিন্য বা সঙ্কোচ-ভাব উপস্থিত হয়, তাহা তোমাবও সামান্য অকল্যাণ-জনক নহে ।

আর দেখ ডাই । প্রশাস্তচিত্তে ভাবিয়া দেখিলে, জীবকে শিব-প্রযোজ্য 'মহাপুরুষ' সম্বোধন ত দূরর কথা, 'পুরুষ' বলিয়াও সম্বোধন করা যাইতে পারে না । অপত্যের উৎপাদনকর্তা, বনিতার ভরণ-পোষণকর্তা ইত্যাদি অনিত্য অহঙ্কারের অংশ পরিহার করিলে, জীবের 'পুরুষ' বলিয়া অভিমান করিবার আর কিছুই থাকে না । পরম-পুরুষ-পদারবিন্দ-ধ্যান-নিরত মহাজন গণ-প্রকাশিত শাস্ত্রা-ভিত্ত ব্যক্তিবর্গের নিকট শুনা যায়,—

“যৎ যৎ কারণমব্যক্তং নিত্যং সদসদাত্মকম্ ।

তদ্বিসৃষ্টঃ স 'পুরুষো' লোকে ব্রহ্মোতি কীর্ত্যতে ॥”

শ্লোকের তাৎপর্য এই যে, যিনি অব্যক্ত কারণ অর্থাৎ যাহাব

কারণ বা উদ্ভবেব হেতু আর কেহই নাই, যিনি নিত্য বা অবিনাশী, যিনি সৎ ও অসৎ উভয় স্বরূপ, তিনিই একমাত্র পুরুষ', এবং সেই পুরুষই 'পরব্রহ্ম' বলিয়া কীর্তিত ।

এই সকল বিবেচনা করিয়া দেখ দেখি ভাই । তুমি যে মনুষ্যত্ব-বিহীন-ব্যক্তিকে একেবারেই 'মহাপুরুষ' বলিয়া সম্ভাষণ কবিলে, তাহার প্রতি ঐরূপ সম্ভাষণ সঙ্গত হইয়াছে কি না ? শাস্ত্রেরই আর এক স্থানে মহাজনগণ উচ্ছৃঙ্খিত-ভক্তি-ভরে 'মহাপুরুষ' বলিয়া ঐহার শ্রীচরণ বন্দনা করিয়াছেন, সেই ভূমা ভগবানের সহিত ক্ষুদ্রাদপি ক্ষুদ্র জীবকে তুল্যভাবে সম্ভাষণ করা সদসংজ্ঞানাধিকারী শ্রেষ্ঠ প্রাণী মানবের কতদূর অজ্ঞতা বিচার করিয়া দেখ দেখি ।

“ধ্যেয়ং সদা পরিভবন্নমভীষ্টদোহং
তার্থাস্পদং শিববিরিক্ণিনুতং শরণ্যম্ ।
ভৃত্যর্তিহং প্রণতপাল ভবাক্রিপোতং
বন্দে 'মহাপুরুষ' তে চরণাবিন্দম্ ॥”

শ্লোকের তাৎপর্য্য এই যে, যিনি বিশ্ববাসী নিখিল্ প্রাণিসমাজের নিরন্তর ধ্যানাস্পদ, ঐহার নামমাত্র স্বরণে নিখিল পরিভব বা পরাজয় বিদূরিত হয়, যিনি সমগ্র অভীষ্টের পরিপূরণ-কর্তা, যিনি বেদ-সমূহের আধারভূত, ঐহার শ্রীচরণ শঙ্কর-ব্রহ্মাদি দেবগণ-কর্তৃক চিরকাল সমভাবে অর্চিত, যিনি জীব-সমাজের একমাত্র শরণ্য, যিনি নিজ শরণাপন্ন-সেবকের সকল ক্লেশ নিবারণে সমর্থ এবং প্রণত-জনের প্রতিপালন-কর্তা, ঐহার শ্রীচরণ ভব-পারাবারের একমাত্র অক্ষয় তরণী, তিনিই 'মহাপুরুষ' । সেই মহাপুরুষের শ্রীপাদপদ্মই, তোমার, আমার,—কেবল তোমার আমার কেন,—বিশ্ব-বাসী সকল প্রাণীরই একমাত্র বন্দনীয় ।

এই ত গেল তোমার সম্ভাষণ-সম্বন্ধীয় কথা । তা'র পর, তোমার প্রশ্নের মধ্যে তুমি এক স্থলে এই ব্যক্তির পরিচয় শ্রবণ-ক্রম ইহার 'শরণাপন্ন সেবক' বলিয়া 'দয়া' প্রার্থনা করিয়াছিলে, বোধ হয় স্মরণ আছে । সত্যের অবমাননার ভয়ে, এবং সংযতবাকু হইয়া বিবেচনাপূর্ব্বক কথাবার্তা না কহিলে পরিণামে অশান্তি ঘটবার সম্ভাবনার, বলিতেছি, ঐ কথাগুলিও তোমার শিষ্টপ্রয়োগ হয় নাই । দেখ ভাই । মর্ত্যধামে সমাবস্থ-চিত্ত বা অভিন্নপ্রাণ বন্ধু বড়ই ছলভ । আমি দৈহিক ব্যাধিগ্রস্ত হইলে তুমি ঔষধ-দান ও দৈহিক শ্রমাদি-দ্বারা শুশ্রূষা কবিতো পার, অন্নবস্ত্রাদির ক্রম ক্লিষ্ট দেখিলে, অর্থ-সঙ্গতিব অভাবে (যথার্থ দয়ার উদ্দীপনা হয় ত) ভিক্ষা করিয়াও সে ক্লেশ দূর কবিতো পার । এ সকল তোমার অন্তঃকরণের তৎকালীন সদ্বৃত্তি-প্রণোদিত কার্য্য বলিয়া আমার অন্তঃকরণও (যদি তোমার মনের মত সাময়িক সদ্বৃত্তি-প্রণোদিত হয়, তবে) তোমার সেই সদ্বৃত্তিব নিকট কৃতজ্ঞ থাকিতে এবং প্রয়োজন ও সামর্থ্যানুসারে তোমার প্রত্যুপকার করিতে ত বাধ্যই । কিন্তু আমার প্রাণ বা আত্মা তজ্জন্ম তোমাকে তাহার অবিচ্ছিন্ন সহচর, বন্ধু বা 'আত্মীয়' রূপে গ্রহণ কবিতো কি না, তদ্বিময়ে সম্পূর্ণ সন্দেহ । কাবণ প্রাণ স্বাধীন, স্বতঃসিদ্ধ বা স্বয়ম্ভু, দেহ তাহার অধীন, অথবা লৌকিক ভাষায় 'জড' বলিলেও ক্ষতি নাই । অতএব যিনি প্রাণ-সমর্পণ বা আত্ম-সমর্পণ দ্বারা কেবল প্রিয়জনেরই সর্ব্বাঙ্গীন প্রীতিপ্রার্থী, তিনিই প্রকৃত-বন্ধু বা 'আত্মীয়', অধীন বা জড দেহেব ক্রটি ঘটিলে প্রাণ-প্রিয়ের প্রীতি-বন্ধন বিচ্ছিন্ন হইবার কোন প্রকার কারুণ্যই দেখা যায় না ।

উল্লিখিত প্রকারের কোন প্রেমিক ব্যক্তি দূরদেশে অবস্থিতি-

কালে তাঁহার অতিমত প্রণয়-পত্রের নিকট হইতে তদীয় সুলদেহের বিরহ-বেদনা-ব্যঞ্জক পত্র পাইয়া সেই পত্রের কেমন চমৎকার উত্তর দিয়াছিলেন, শুনিবে ? অন্তমনস্ক হইতেছ না ত ?”

আমি আগ্রহ-সহকারে বলিলাম,—“না মহাশয়, আমি পূর্ণ মনোযোগের সহিত আপনার সকল কথাই শুনিতেছি, আপনি বলুন, এমন ভাল কথা না শুনিয়া অন্তমনস্ক হইব ।”

ব্রাহ্মণ বলিলেন,—“তবে একটা ক্ষুদ্র বাঙ্গালা কবিতা শুন,—

প্রাণের মন্দিরে যা'র প্রেমের প্রতিমা,
নিরাকার উপাসনা মাহাত্ম্য কি তা'র ?

ধন্য ধন্য ধন্য প্রেম ! তোমার মহিমা,
স্বলে অধঃপাত, সূক্ষ্ম শুধু অশ্রদ্ধার ।

জানে না পাষণ প্রাণ 'প্রণয়' কেমন,
পারে না 'সংশয়'-পণে কিনিতে তাহায,

হাসি', কাছে আসি', যদি পে'ত প্রেম-ধন,
তবে কি প্রণয়ী এত কাঁদিত ধরায় ?

জেনো হে প্রণয়ী, প্রেম অমূল্য রতন,
পূর্ণ-প্রাণ-সমর্পণে হয় উপার্জন ।

আহা ! এই দশ পংক্তি কবিতার মধ্যে প্রীতি, বন্ধুতা বা প্রেমের যে কি গভীর রহস্যই নিহিত রহিয়াছে, আমরা প্রীতিশূন্য, তাহার রহস্য কি বুঝিব তাই । যদি তুমি এই কবিতার চতুর্থ পংক্তি—
'স্বলে অধঃপাত, সূক্ষ্ম শুধু অশ্রদ্ধার'—এই বাক্যটির অর্থ প্রকৃত-রূপে হৃদয়ঙ্গম করিতে পরিয়া থাক, তবে বল ত, যে ব্যক্তি স্বলরূপে

(বর্তমান অথবা ভবিষ্যৎ কোনপ্রকার উদ্দেশ্য-সিদ্ধি বা উপকার-প্রাপ্তির আশায়, অথবা ঐরূপ কোন স্বার্থ না থাকিলেও, কোন শুভাশুভ বৃত্তির সাময়িক উদ্দীপনার,) কাহাকেও 'বন্ধু' বা 'প্রণয়ী' বলিয়া তাঁহার সহিত মিলিত হইতে গিয়াছেন, অতীষ্ট-সিদ্ধির অণু-মাত্র ক্রটির সম্ভাবনা বুঝিলেই তাঁহার সহিত বিরহ ঘটয়াছে কি না ? এবং ঐ সময় প্রীতিপ্রার্থী ব্যক্তির প্রাণ (কালক্রমে পুনর্বার ফুর্তিমান হইতে পারিলেও) বিবাদ, আতঙ্ক ও লজ্জাদি দ্বারা সঙ্কুচিত হইয়াছে কি না ? কিন্তু যদি স্মরণ বা সদানন্দময় প্রাণকেই 'প্রিয়তম'-জ্ঞানে তাহারই সর্বাদীন পুষ্টি-সাধন বা সৌন্দর্য্য-বর্ধন সম্বন্ধে কোন সজীব* ব্যক্তি প্রীতি-যোগে তাহার সংযোগ-প্রার্থী হইয়া থাকেন, তবে তিনিই জানেন যে, এই নিরন্তর বিরহ (বিয়োগ) পূর্ণ মর্ত্য্য-নিবাসে কেবল অশ্রুধারাই তাঁহার প্রেমের পূর্বস্বার কি না ?

এই অশ্রু ধাবাকে পার্থিব-বিবাদ-প্রসূত ব্যাপাব মনে করিয়া তুমি ভয় পাইও না। এইরূপ স্মরণ প্রাণের প্রেম-প্রার্থী প্রাণী তদীয় প্রিয়তম প্রাণকে প্রাণ-দ্বারাই পূর্ণ-রূপে দর্শন করিয়া,—পার্থিব সকল অভাবই সমাক্রমে ভুলিয়া,—যে কি ভাবে বিহ্বল হন,—কি আনন্দে মানাল হন,—অথবা কি অভাবে বিষন্ন হন,—হৃদয়দর্শী আমরা দেহমাত্র দেখিয়া তাহার রহস্য কি বলিব তাই ! আর অহংকারের প্রভাবে, যদি বা কখনও কিছু বুঝিয়াছি এরূপ বোধ করি, তবে তাহা কোন উপায়েই দ্বিতীয় ব্যক্তিকে বুঝাইবার শক্তি হয় না। কেবল দেখিতে পাওয়া যায়, সদানন্দময় স্মরণের শিখর ন্যায় সেই প্রেমিকের কখনও উচ্চ হাস্য, কখনও সঙ্করণ রোদন,

* এই 'জীবন' কি তাহা 'জীবন-পরীক্ষা' এবে বিবৃত হইয়াছে ।

কখনও 'পূর্ণ-নিবিষ্ট-ভাবে কোন মহা-চিন্তা-সাগরে নিমজ্জন এবং অক্ষিযুগলের নিরন্তর সহচর—অশ্রু-ধারা ।

তা'ই করি তাঁহার কবিতার পঞ্চম ও ষষ্ঠ পংক্তিতে বলিয়া-ছেন,—'পাষণ' (নীরস বা কুটিল) প্রাণ, সে প্রেমের তত্ত্ব ধারণার অশক্তি, 'সংশয়'-রূপ মূল্য-দ্বাৰা সে প্রেমামৃত-লাভ, এবং তাহার স্বাদ-গ্রহণ, কোন কালে কাহাবও ভাগ্যে ঘটে নাই, এবং অবশেষে কবি এক কথায় বলিয়াছেন,—

“জেনো হে প্রণয়ী, প্রেম অমূল্য রতন
পূর্ণ-প্রাণ-সমর্পণে হয় উপার্জন ।”—

আহা ভাই হে । কবে আমরা কুটিলতা পরিহার করিয়া, পূর্ণ-সরল-প্রাণ হইয়া, সেই প্রেমময়ের নিত্য প্রেমামৃতের স্বাদ-গ্রহণে সমর্থ হইব । কবে আমাদের সর্বনাশকর 'সংশয়' তাঁহাকে প্রাপ্তি-পথের বিরোধী হইতে বিরত হইবে । কবে সেই অলৌকিক প্রেমাশ্রুধারা চকুর মোহাবরণকে ভাসাইয়া দিয়া আমাদের প্রাণকে সেই সদানন্দ-নিগর ভগবান্ পর্য্যন্ত লইয়া যাইবে । কবে আমরা তাঁহাতেই 'পূর্ণ প্রাণ সমর্পণ' করিয়া কৃতার্থ হইব ।”

এইরূপ বলিতে বলিতে ভক্ত ব্রাহ্মণ বালকের স্তায় ব্যাকুলভাবে কাঁদিতে লাগিলেন । এ সময় যদি তিনি কাঁদিতে কাঁদিতে আবার পূর্ববৎ নিশ্চেষ্টতা প্রাপ্ত (সমাহিত) হন. তবে কুৎসিপাসার উত্তেজনায় চিত্ত চঞ্চল হইলে অধিকরণ তাঁহার সেই সার-গর্ভ উপদেশ-সমূহ স্মৃতিতে পাইব না ভাবিয়া, আমি কিঞ্চিৎ কৃত্রিম-কুপিত-ভাবে বলিলাম,—“মহাশয় । এখন আপনার ব্যাকুল হইবার সময় নহে । আপনি আমার অনেক প্রকৃত ক্রটি প্রদর্শন করিলেও, ছুই একটা অযথা দোষারোপও করিয়াছেন, আমি পরে তাহার প্রতিবাদ

করিব । এখন আপনি আমার পূর্বকথিত 'শরণাগর সেবক'-সব্দীয় কথা-প্রসঙ্গে যে 'প্রকৃত-বন্ধুর' বিষয়ে কি কথা বলিতেছিলেন তাহা, এবং তৎপরে আর বাহা বক্তব্য থাকে তাহাও শীঘ্র বলিয়া শেষ করুন, বিশেষে আমার সঙ্কলিত প্রতিবাদ ভুলিয়া যাইতে পারি ।"

এই কথা শুনিয়া সাধু একটা সু-দীর্ঘ নিশ্বাস-ত্যাগ করিয়া উপস্থিত ব্যাকুলতা কথঞ্চিৎ সংযমপূর্বক স্বিতবদনে বলিলেন,—“ভাই ! 'বন্ধুর' কথা আর বলিব কি বল পূর্ক বলিয়াছি, মর্ত্যধামে 'প্রকৃত-বন্ধু' সুলভ নহে । যদি বিপদে পড়িতে হইলে তোমার চিত্ত ব্যথিত হয়,—যদি সম্পদ ত্যাগ করিতে বাধ্য হইলে তোমার চিত্ত ব্যথিত হয়,—যদি নিষ্ঠুররূপে উৎপীড়িত হইলে তোমার চিত্ত ব্যথিত হয়,—যদি সঙ্কলিত মনোহতীর্ষ (সিদ্ধির পূর্বে) প্রকাশিত হইলে তোমার চিত্ত ব্যথিত হয়,—তবে প্রাণের পরিচর-গ্রহণের পূর্বে কাহাকে ও কখনই 'প্রিয়তম' ভাবিয়া আত্মসমর্পণ করিতে যাইও না ।

“যদি এরূপ নিষেধের কারণ জানিবাব ক্ষণ তোমার চিত্তে কোতূহল জন্মে, তবে অগ্রে আমি তোমাকে জিজ্ঞাসা করি,—‘প্রিয়বন্ধু’ বলিয়া তুমি কাহাকে মনঃপ্রাণ সমর্পণ করিতে প্রস্তুত, সেই ব্যক্তি তদুপযুক্ত পাত্র কিনা, তাহার কিছু পরীক্ষা করিয়াছ কি ?—যে বন্ধুর প্রীতি-রসাত্তিষিক্ত সু-মধুব বচন-বিন্যাস শ্রবণে তুমি আত্মহারা-প্রায় হইয়াছ, তাঁহার অকপটতার কিছু বিশেষ প্রমাণ পাইয়াছ কি ?—‘বড় ভালবাসি’ বলিয়া যিনি বিশ্বাস জন্মাইয়া এখন তোমাব দৈহের প্রায় নিরন্তর সহচর-রূপে বর্তমান, একদিন যে তিনিই তোমার সর্বস্ব অপহরণ করিবেন না, তোমার প্রাণের নিকট তিনি এমন কোন নিশ্চয় প্রমাণ দিয়াছেন কি ?—তোমার এই অপূর্ণ অবিকশিত, ছোট খাট মনটীতে কাহাকে সরলতার অবতার নিশ্চয়

করিয়া রাখিয়াছ, তাঁহার হৃদয়ে যে পরল নাই, তাহা কোন উপায়ে, কোনও দিন পরীক্ষা করিয়া দেখিয়াছিলে কি ?—যদি তুমি আমার এই প্রেমের—‘না’—এই উত্তর দাও, এবং প্রকৃতপক্ষে সজীব থাকিতে চাও, তবে (ফুলরূপে প্রণয়-ভাব রক্ষা-দ্বারা সকলেরই তুষ্টি-বিধান, এবং তদনুযায়িনী বৃত্তির অনুমোদিত কার্য্য-সমূহকে অবশ্য-কর্তব্য-বোধে প্রতিপালন করিলেও) সাবধান । বিশেষরূপে পরীক্ষা না করিয়া এই মোহাকারপূর্ণ মর-জগতে ‘প্রকৃত-বন্ধু’-ভ্রমে একেবারে কাহাকেও আত্মসমর্পণ করিও না ।

“যদি কোন ব্যক্তিকে সম্পদ, বিপদ সর্ব-কালে ও সম-ভাবে তোমার সহচর দেখিতে পাও,—যদি কোন ব্যক্তিকে অধঃপাতকর চাটু-বচনে তোমার শ্রবণ-তুষ্টি-সাধনে বীতচেষ্ট দেখিতে পাও,—যদি কোন ব্যক্তিকে নির্জনে (কেবল তোমার সমক্ষেই) তোমাব দোষ-প্রদর্শনে ও তাহার শোধনোপায়-বিধানে সচেষ্ট এবং জন-সমাজে (তোমার পরোক্ষে) তোমার গুণসমূহ কীৰ্ত্তন করিয়া সন্তুষ্ট বুদ্ধিতে পার,—যদি কোন ব্যক্তিকে তোমার প্রেম-লাভ এবং পবিত্র ভাবে তোমার তুষ্টি ও কল্যাণ সাধন-চেষ্টা ব্যতীত অন্তবিধ স্বার্থ বা কর্তব্য জ্ঞান পরিশূন্য বুদ্ধিতে পার,—তবে জানিও তিনিই তোমার ‘প্রকৃত-বন্ধু’ । যদি সমর্থ হও, তাঁহাকেই অসঙ্কচিত্ত চিত্তে আত্ম-সমর্পণ কর,—শান্তি পাইবে ।

“সংসারে সমাবস্থ অভিন্নপ্রাণ বন্ধু-লাভই যখন এত দুর্ঘট হইল, তখন ভাবিয়া দেখ দেখি তাই । অহকার-শ্রীত আমরা,—প্রকৃত-শ্রীতি, বিনতি ও দীনতা প্রভৃতি ভাব-পরিশূন্য আমরা,—আমাদের অপেক্ষা সর্বদীন অধিকতর-স্থানি-শক্তি-সম্পন্ন ব্যক্তি না বুদ্ধিলে, প্রকৃত-ভাবে (মৌখিক ভাষায় নহে) কি কাহারও ‘শরণাপন্ন সেবক’

হইতে পারি? এবং সেই অধিকতর-শক্তিসম্পন্ন প্রভু, সেবা বা গুরু পদবাচ্য ব্যক্তি, প্রকৃত অনিত্য-কামনা-পরিশূন্য নিত্য-ধন-গত-প্রাণ মহাজন না হইয়া, তুমি বাহাকে তৎপদাভিষিক্ত করিয়াছ, সেই মুঢ় কি তাহার যোগ্য হইতে পারে?

“কলতঃ যিনি ভগবানের সচ্চিদানন্দ-স্বরূপে পূর্ণ বিশ্বাসী যিনি বিশ্ব-নিয়ন্তার অপারিসীম করুণা নিজ আত্মায় নিরন্তর প্রত্যক্ষের দ্বারা উপলব্ধি করিতে পারিয়া মর্ত্যধামে করুণার অবতাব-রূপে সৌভাগ্যক্রমে আমাদের দৃষ্টি-গোচর হন, তিনিই মর্ত্য-বাসী মাদৃশ আত্ম-বিশ্বৃত ব্যক্তির যথার্থ ভক্তিভাজন, সেবা বা গুরু* ; এবং তাঁহার নিকটই ‘শরণাপন্ন সেবক’ বা ‘শিষ্য’ ভাবে ‘দয়া প্রার্থনা করাই আমাদের পক্ষে সু-সঙ্গত। কারণ, তাঁহার দয়া (দীক্ষা) লাভ ব্যতীত আর কোন উপায়েই আমরা দয়াময়ের দয়া ধারণার উপযুক্ত আধার প্রস্তুত করিতে সমর্থ নহি।”

“যাহা হউক, তোমার কথার মধ্যে এক স্থলে এই ব্যক্তি গৃহীত কি সন্ন্যাসী, তাহা তুমি জানিতে চাহিয়াছিলে, তাহার উত্তরে বলিতেছি,—আমি গৃহী। গ্রহণ করিবার কামনা (অনিত্য-বিষয়-স্পৃহা) যখন আমাতে বর্তমান রহিয়াছে,—প্রকৃত ত্যাগ, বিবক্তি

* শাস্ত্রজ্ঞানের নিকট গুণা যায় যে, এই সেবা-সেবক বা গুরু-শিষ্য সম্বন্ধ হৃদয় বা অঙ্গুলি রাধিতে হইলে গুরু-শিষ্যের কিছুকাল একত্র (গুরুর আবাসে) অবস্থিতি ধারা, গুরু নিজের গুরুত্ব-রক্ষণের, এবং শিষ্যের হৃদয় গুরুপদেশ-ধারণার, যোগ্য কি না, তাহা বিষয় পর্যালোচনা অবশ্য কর্তব্য। যদি উত্তরের মধ্যে কাহারও অযোগ্যতা অকৃত্যুত হয়, তবে তাঁহার সেই দুর্বলতা বা অপর্যাপ্ততা দূরীকরণোপযোগী সাধনও আবশ্যিক। স্থানান্তরে ও অত্র সঙ্গিক বোধে এ স্থলে তাঁহার সবিস্তর বর্ণনার কাল হওয়া যেন।

৬৬ মদ খাও—নেশা ছুটিবে না ।

বা বৈরাগ্য যখন আমাতে নাই,—তখন আমি গৃহী ভিন্ন আর কি বলিতে পাবি ভাই ? তুমি যে কি দেখিয়া আমাকে 'সন্ন্যাসী' অনুমান করিলে, তাহার ত কিছুই বুঝা গেল না । শাস্ত্র-বাক্যে শুনিয়াছি,—

“সদনে বা কদনে বা লোষ্ট্রে বা কাঞ্চনে তথা ।

সমবুদ্ধির্যস্য শশ্বৎ স সন্ন্যাসীতি কীর্তিতঃ ॥”

যাঁহার সত্যঃপ্রস্তুত সড়্‌বস-সমন্বিত, উপদেশে অশন এবং পর্য্য-
ষিত, তর্গক-বুদ্ধি অপকৃষ্ট ভোজ্যে সর্বদাই সমজ্ঞান,—যাঁহার
ছলভ, প্রিয়দর্শন, বহুমূল্য সুবর্ণপিণ্ড এবং সুলভ, কদাকার, মূল্যহীন
(অল্পমূল্য) মৃৎপিণ্ডে সর্বদা সমজ্ঞান,—তিনিই প্রকৃত সন্ন্যাসি-
পদ-বাচ্য এবং পূজনীয় ।

ফলতঃ । য ব্যক্তি করুণানিধান ভগবান্কেই একমাত্র নিত্য ও
সচ্চিদানন্দ-স্বরূপ বিশ্বাস ইন্দ্রিয়-গ্রাহ্য সমস্ত অনিত্য বিষয়কে সম্যগ্-
রূপে তাঁহারই হস্ত করিতে সমর্থ হইয়াছেন, তিনিই প্রকৃত
'সন্ন্যাসী' নামের উপযুক্ত পাত্র । মাদৃশ ইন্দ্রিয়-ভোগ-লোলুপ
ভগবানে অবিশ্বাসী ভ্রান্ত ব্যক্তির সহিত উল্লিখিতপ্রকার 'সন্ন্যাসী
সীব' গুলন, করুণাও অকল্যাণ জনক ।”

এ কাণ্ডে এই প্রকার আত্ম-হীনতা-প্রকাশক বাক্যে আমার সম্পূর্ণ
বিশ্বাস না হইলে, তাহারই উপদেশানুযায়ী (কোন শব্দ পরোক্ষে
আপনার ক্রোধ হইবে ভাবিয়া) সতর্কভাবে বলিলাম—‘মহাশয় ।
অনান্যকারী বা অপাত্র বুঝিয়া আমার নিকট আপনি আত্ম-গোপন
করিয়াছেন বা কিংবা আমার অনুমান হইতেছে । কিয়ৎক্ষণ পূর্বে
আপনি য বাগ্যাব দেখাইয়াছেন, 'ভগবানে অবিশ্বাসী' 'ভ্রান্ত'
ব্যক্তির একরূপ ভক্তি, একরূপ একাগ্রতা, এবং একরূপ প্রেম-পূর্ণ ভাব
কৈ আর ত এখনও দেখি নাই । আর আপনি যদি আমাদের মত

ইন্দ্রিয়-ভোগ-লোলুপ হইবেন তবে আপনার দেহে তদনুযায়ী কোন লক্ষণই দেখিতেছি না। কেন ? ভোগ-লালসার প্রধান লক্ষণ বিলাসিতার চিহ্নও তা এই দীপ্তিময় দেহে দৃষ্ট হইতেছে না। আপনি বলিলেন,—“ভোগ বা বৈবাগ্য আমাতে নাই” ; কিন্তু বিষয়-বিরাগ যেন পূর্ণ-প্রভাবে আপনার শরীর ও মনে আধিপত্য স্থাপন করায় আপনাকে সকল অনিত্য বিষয়েই উদাসীন এবং বিলাস-সূচক আসক্তি হইতে পবিত্রকৃত বলিয়া তবে আমাব প্রত্যয় জন্মিল কেন ?

“মহাশয় ! আপনি গোপন কবিতোছেন কেন ? আমি কিছুকণ পূর্বে, অন্য ব্যক্তির নিকট আপনার পরিচয়-প্রার্থী হইয়া জানিয়াছি, আপনি দরিদ্রের সম্মান নহেন। একপ অবস্থায় যদি আপনার অন্তঃকরণে বিলাস সৌন্দর্য্য-প্রদর্শন স্পৃহা, ভোগাসক্তি অথবা ধন-গর্ভ থাকিত, তবে আপনার এমন সুন্দর কেশকলাপ সংস্কারভাবে জটাভূটে পবিগত হইতে পাইত না,—এমন সুন্দর যৌবন-প্রফুল্ল শরীর অঙ্গবাগ পরিবৃত্ত ল-ধূসবিত হইতে পাইত না,—বিন্দু-সঙ্গতি-সবে এমন ছিন্ন মূর্ধন তখন পবিধান কবিয়াও বদনে একপ প্রসন্নতা থাকিতে পাইত না,—এবং সত্য কথা বলিতে কি, আপনার এই ভাব প্রকৃত সৰলতা ও উদাসীনতা ব্যঞ্জক না হইলে আমাব মত কুটিল সন্ধিচ্ছাত্তা পাষাণ্ডব প্রাণকও আকৃষ্ট কবিতে সমর্থ হইত না। এ অবস্থায় আপনি আপনাকে ‘গৃহী’, ‘ভোগী’ ইত্যাদি বাহাই বলুন না কেন, আমি যখন আপনাকে পার্থিব সকল বিষয়েই উদাসীনের মত দেখিতেছি, তখন আপনি ‘প্রকৃত সন্ন্যাসী’ হউন আর না-হ হউন, আমি কিন্তু আপনাকে ‘উদাসীন’ বলিয়াই প্রণাম এবং আপনার প্রসাদ (প্রসন্নতা) প্রার্থনা করিব। যাহার হৃদয় একপ সরলতাব আধাব,—যাহার হৃদয় একপ বৈবাগ্যের আশ্রয়,—

৬৮ মদ খাও—নেশা ছুটিবে না ।

যাঁহার হৃদয় এরূপ অসাধারণ তক্তির ভাণ্ডার,—এবং যাঁহার হৃদয় এরূপ পাষণ্ডেরও কুটিল হৃদয়কে বিগলিত করিবার মহা-ভাবক-স্বরূপ,—তিনি ‘ভোগ-লোলুপ’, ‘ব্রাস্ত’, ‘হীন’ ইত্যাদি যাহাই হউন না কেন, তাঁহার স্থলশরীরও আমার নিরন্তর পূজনীয় ।” এই বলিয়া আমি সেই সদানন্দ, সাধু, ব্রাহ্মণের চরণযুগলে প্রণত হইলাম ।

সাধু এতক্ষণ (আমার সহিত কথোপকথন-কালে) গঙ্গা-গর্ভের অনতিদূরে (সাধারণ-গমন-পথের নিম্ন-দেশে) দণ্ডায়মান ছিলেন তাহা পাঠকবর্গের স্মরণ থাকিবার সম্ভাবনা । কিন্তু আমি যখন অবনত-মস্তকে তাঁহার চরণযুগল ধারণপূর্বক প্রণত ছিলাম, ঐ অবস্থায় তাঁহার শবীর মুহূর্হঃ বিকম্পিত হইতেছে বুঝিয়া উহা দর্শনের নিমিত্ত অবিলম্বেই তদীয় পদরজঃ-গ্রহণপূর্বক যেমন দণ্ডায়মান হইয়াছি, অমনি (মহা-ভাবাবেশ-বশতই বোধ হয়) তিনি প্রবল-বায়ু-বিতাড়িত পাদপের স্তায় ধরণীতলে নিপতিত হইলেন । আমিও ব্রহ্ম-ভাবে তৎক্ষণাৎ তাঁহাকে উঠাইয়া বসাইলাম , এবং নিবিষ্টচিত্তে ও নির্নিমেষ-নয়নে তদীয় আপাদমস্তক পর্য্যবেক্ষণ করিতে লাগিলাম ।

এই সময় সহসা তিন জন লোক হ্রিতপদে আসিয়া ঐ স্থানে উপস্থিত হইলেন , এবং কম্পিতস্বরে কহিলেন,—“এই যে গুণধর এখানে । আমরা এতক্ষণ চারিদিকে ঘূবে কেবল পশুশ্রম করলাম । আঃ । সর্বাজ্ঞে কাদামাথা, কাপডখানা ভিজা, এই রকমে কোন্ দিন কোথায় প’ড়ে কি সর্বনাশ ক’র্বে দেখছি ।—উঠাও চৌবেঙ্গী । দেখ্তা কেয়া খাড়া হো’কে ? ধীরে উঠানা ।—গোপাল । তুই বা বাপ্, শীগ্গির একখানা গাড়ী নিয়ে আর ; আমরা ততক্ষণ ধীরে ধীরে ক্রমে ক্রমে ইহাকে রাস্তার উপর উঠাই ।”

এই তিনটি লোক কে, এবং ইহাদের আকার প্রকার ভাব

ভঙ্গীই বা কিরূপ, তাহা জানিবার জন্য পাঠক-পাঠিকা-বর্গের কোতূ-
হল জানিবার সম্ভাবনা। আমরাও ইহাদের পরিচয় জানিবার ইচ্ছা
হইয়াছিল, কিন্তু সু-যোগ হয় নাই। তথাপি ইহাদের বথাদৃষ্ট আকৃতি
ও ক্রিয়াকলাপাদি বর্ণন করা যাইতেছে।

প্রথম বা বক্সা বিপ্লের বর্ণ উজ্জল-শ্রাম, শরীর বলিষ্ঠ ও সুগঠিত,
কুত্র-কেশ-বিশিষ্ট শীর্ষদেশে অগ্রবদ্ধ শিখা বিলম্বিত, মুখমণ্ডল গুহ-
শুশ্র-বিরহিত, কণ্ঠদেশে ত্রিকণ্ঠী তুলসী-মালা শোভিত, বক্ষঃ বাহ ও
ললাট-দেশে গোপীচন্দন-দ্বারা শ্রীহরির নাম ও চরণযুগল মুদ্রিত,
বয়ঃক্রম অনুমান ৪০।৪২ বৎসর। মূর্তি-দর্শনে ইহাকে গোস্বামি-
বংশের সম্ভান বলিয়াই অনুমান হইল।

দ্বিতীয় ব্যক্তি—গোপাল, প্রথম ব্যক্তির পরিবার-ভুক্ত স্বজন
বলিয়াই প্রতীতি জন্মিল। ইনি যুবা পুরুষ, বর্ণ শ্রাম, মস্তকের
পশ্চাত্তাগে অদৃশ্যপ্রায় সুন্দর শিখা থাকিলেও সম্মুখভাগে সীমন্ত-রেখা
বর্তমান, শরীর বলিষ্ঠ, গঠন তেমন প্রশংসার যোগ্য নহে। বদনে
গুহ-শুশ্র সযত্ন-রক্ষিত হইলেও তদর্শনে, বিশেষতঃ নয়ন-ভঙ্গিতে,
সরলতার তাদৃশ পরিচয় পাওয়া যায় না, কণ্ঠদেশে গুরু-পরিজন-
বর্গের একান্তবর্জিতার অনুরোধে ত্রিকণ্ঠী তুলসী-মালা বেষ্টিত
থাকিলেও, উহা অপাত্রস্থ হইয়াছে বলিয়াই অনুমান হয়। গোপাল
চন্দ্রের বয়ঃক্রম অনুমান ২৩।২৪ বৎসর।

তৃতীয় সু-দৃঢ়-কার ব্যক্তি চৌবেঙ্গী। বয়ঃক্রম অনুমান ৩৫।৩৬
বৎসর। তালে রক্ত-চন্দনের ত্রিগুণ্ডক ও গণ্ডে চৌপাটী। এই
ব্যক্তিকে গোসাইজীর দ্বারবান্ বলিয়াই অনুমান হইল।

সে কাহা হউক, গোসাইজীর আদেশ-প্রাপ্তি-মাত্র গোপাল
কাহল,—গাড়ী আন্ব, উনি গাড়ীতে উঠবেন ত ? উত্তর হইল,—

সে খবরে তোর দরকার কি, ছুই ঝ না। গোপাল নিরুত্তর হইয়া গাড়ী আনিতে গেলে পর, তিনি এবং তাঁহার চৌবেজী উত্তরে ভাব-বিহ্বল সাধুর উত্তর বাহু ধারণপূর্বক ধীরে ধীরে সাধারণ-পথে লইয়া আসিলেন। আমিও সকলের অঙ্গুগামী থাকিয়া সাধুর পশ্চাত্তাগে আসিয়া ঝাঁড়াইলাম। দেখিতে দেখিতে আরও কতিপয় পথিক আসিয়া তথায় দণ্ডায়মান হইলেন। সন্ন্যাসী একদিকে, একভাবে, একদৃষ্টিতে, স্পন্দ-বিরহিতের স্তায় দণ্ডায়মান।

প্রথম দর্শন হইতে এতাবৎকাল-মধ্যে গোসাঁইজী কয়েক বার আমার প্রতি বক্র-দৃষ্টি-পাত করিয়াছিলেন মাত্র, কোন কথাবার্তা কহেন নাই। কিন্তু আমি সঙ্গ-ত্যাগ করিতেছি না দেখিয়া আমাব প্রতি তীব্র কটাক্ষপাতপূর্বক গম্ভীরভাবে বলিলেন,—“তুমি কে হে বাপু ? এঁর সঙ্গে তোমার কিসের পরিচয় ? চালা টালা হয়েছ না কি ? তোমরা পাঁচ জনে মিলে আমারই সর্কনাশ করবার মতলব করেছ বটে ? যাও, এখন আর দাঁড়িয়ে রঙ্গ দেখবার সময় নয় আপনার কোন কাজ কর্তব্য থাকে ত দেখ গে—যাও।”

গোসাঁইজীর বচন-বিগ্ৰাস সমাপ্ত হইতে না হইতেই চৌবেজী রক্তিম-ঘূর্ণিত-লোচনে আমার দিকে কঠোর দৃষ্টিপাতপূর্বক তাঁহার মাতৃভাষায় বলিলেন,—“হঁয়া খাড়া হো'কে সব্ বাওরাহা দেখতা না কেয়া ? চালা যাও হঁয়াসে, গোলমাল মৎ কারো।”

চৌবেজীর ত্রকুটিসংযুক্ত স-রস বচনরাজী শ্রবণে দর্শক ব্যক্তি-বর্গের মধ্য হইতে দুই চারি জন, মানহানির ভয়েই যেন, তথা হইতে প্রস্থান করিলেন ; কিন্তু আমি দাঁড়াইয়াই রহিলাম।

আমাকে অটল ও নির্ভীক-ভাবে দণ্ডায়মান থাকিতে দেখিয়া, এবং গোস্বামী-প্রভুর দৃষ্টি পুনর্বার আমার প্রতি নিপতিত হইতে

দেখিয়া, চৌবেজী রোষ-কষায়িত-লোচনে আমার সমীপবর্তী হইয়া বলিলেন,—“বাৎ মান্তেহো ঞ্ছি বড়বক্, দিল্লগি পায়া—না ৭ যাউচ্যালা জলুদি হিঁয়াসে, ঞ্ছি ত আপমান হো যাওগে ।” ইহা বলিয়াই চৌবেজী কম্পিত-কলেবরে আমার হস্তধারণপূর্বক বল-প্রয়োগ-দ্বারা গমনের পস্থা প্রদর্শন করিলেন ।

করণ-প্রাণ সাধু আমাব আকুল লোচন-যুগলকে তৎপ্রতি নিবিষ্ট লক্ষ্য করিয়া, এবং অন্তঃকরণকে তাঁহার সেবাহরক্ত বুঝিয়া, কিন্তু শরীরকে তাঁহার সঙ্গ-ত্যাগে বাধ্য দেখিয়া, স্মিতবদনে অতি মধুর ভাষায় বলিলেন,—“যাও ভাই কোন চিন্তা নাই, প্রকৃত প্রয়োজন উপস্থিত হইলেই আবার সাক্ষাৎ হইবে ।”

আমাব প্রাণ বড়ই উৎকণ্ঠিত হইয়াছিল,—পুনঃ-সাক্ষাৎ ঘটবে কি না, জানিবাব জন্ম আমার প্রাণ বড়ই উৎকণ্ঠিত হইয়াছিল, আশা পাইয়া শান্ত হইল,—সাধুর প্রসন্ন বদন হইতে আমার এই মনোগত প্রশ্নের সূত্র নিঃসৃত হওয়ায়—পুনর্দর্শনপ্রাপ্তির আশা পাইয়া উৎকণ্ঠিত প্রাণ শান্ত হইল । কিন্তু কখন, কোথায় এবং কি উপায়ে যে তাঁহার দর্শন পাইব, একান্ত ইচ্ছাসঙ্কেও গোসাঁইজীর গঞ্জনার ভরে এবং চৌবেজীর চটুল-মাতৃভাষা-প্রকাশিত চমৎকার বচনসুধাপানে পরিতৃপ্ত হওয়ায় তাঁহাকে আর কোন কথাই জিজ্ঞাসা করিতে পারিলাম না । মনে মনে প্রণাম করিয়া বিদায় হইলাম । কিয়দূর আসিয়া চরণ কিন্তু আব চলিল না । সুতরাং অবশিষ্ট ব্যাপার দর্শনের আশায়, উহাদের অলঙ্কিত একস্থানে দাঁড়াইলাম ।

অলক্ষণ-মধ্যেই গোপাল একখানি শকট-সহ তথায় উপস্থিত হইলেন । গোসাঁইজী প্রভৃতির অনুরোধসঙ্কেও সাধু শকটারোহণে প্রথমতঃ যেন অসম্মতিরই ভাব প্রকাশ করিতেছেন এইরূপ বোধ

হইল ; কিন্তু অবশেষে তাঁহাদের শারীরিক চেষ্টার সন্ন্যাসী শকটা-
রোহণে বাধ্য হইলেন । গাড়ী চিৎপুরের বড় রাস্তা দিয়া সভাবাজার-
রের দিকে ছুটিল । বতফণ দৃষ্টি চলিল, আমি গাড়ীর দিকে সঙ্ক-
নমনে চাহিয়া রহিলাম ; তদনন্তর শূন্যমনে বাসাভিমুখে ফিরিলাম ।

এই সময় সহসা সূর্য্যের দিকে দৃষ্টিপাত হওয়ার বোধ করিলাম,
দিবা দ্বিপ্রহর অতীত হইয়াছে । পথিপার্শ্বস্থিত একটা অট্টালিকা
মধ্য হইতে 'ঠ্যাং' করিয়া ঘড়ীতে একটা বাজার শব্দও শুনা গেল ।
চিত্ত পার্থিব-চিন্তা-চাঞ্চিত হওয়ার ক্ষুৎপিপাসা উদ্দীপ্ত হইয়া উঠিল ।
করিত-পদে আবাসে প্রতিনিবৃত্ত হইলাম । নানাহার প্রভৃতি
কার্য্যে এবং বিষয় সেবার দিনমান অবসান হইল ।



না । সেই মদের কথা,—সে মদ কোথায় পাওয়া যায় তাহার ঠিকানার কথা,—সেই চিরমঙ্গলাকাজী বান্ধবগণ, যাহারা এ অভাগাকে মদ খাইতে আদেশ করিয়াছিলেন, অলক্ষিতরূপে পথ দেখাইয়া লইয়া গিয়াছিলেন, মদ খাইবার জন্ত উচ্চৈঃস্বরে আহ্বান করিয়াছিলেন, তাঁহাদের পরিচয়-কথা,—এবং সর্কাপেক্ষা বিশেষ প্রয়োজনীয় সেই জ্যোতির্ময়-প্রকৃতি-পুরুষ-মিলিত অনন্তশক্তি—যিনি মদ্য পানে মাতাল দেখিয়া সদয়ভাবে এ অধমকে নিত্য-শান্তি প্রদানার্থ বাহ্যুগল প্রসারণ-পূর্বক আপনার শান্তিময় অঙ্কে গ্রহণ কবিতছিলেন, সেই দেব-তত্ত্ব-কথা,—জিজ্ঞাসা না করিয়া কেন অকারণ কালহরণ করিলাম । হায় হায় । কেন আপনার ব্যথিত হৃদয়ে আপনিই আবার নিদারুণ আঘাত কবিলাম ।।

আব তাঁহার দর্শন পাইব কি ?—আব তাঁহাকে পাইয়া, জন্ম গুলিয়া, সকল কথা জানাইয়া, তাহার সদ্ভক্তবে সেই মদের সন্ধান পাইব কি ?—যে মদ খাইলে আমাব সেই বান্ধবগণের সহিত মনন হইবে,—যে মদ খাইলে আমাব সেই আনন্দময়-আনন্দময়ী স্নাতপিতাব মিলিত-অঙ্কে নিভা-নিলাষ লাভ হইবে,—তাঁহার সন্ধান গুলিয়া দিবার জন্ত সেই সদানন্দ সর্বত্যাগী সাধু এ পতিত দীনকে হার দর্শন দিয়া কৃতার্থ করিবেন কি ?

দেখিব,—অনুসন্ধান কবিয়া দেখিব । যতক্ষণ দেহে শোণিত থাকিবে,—চবণে বল থাকিবে,—চক্ষুতে পলক থাকিবে,—নাসিকায় শ্বাস থাকিবে,—এবং অন্তরে সাধুর সেই শ্রীমূর্তি অঙ্কিত থাকিবে; ততক্ষণ সেই হারানিধিব অনুসন্ধান করিয়া দেখিব । যদি যত্ন কবিয়াও সফলকাম হইতে না পারি.—যদি সেই সদানন্দ সদগুরুব রূপায় পবমতত্ত্বের সন্ধান পাইতে না পারি,—যদি সেই মদ খাইয়া

আনন্দ-বিহ্বল-ভাবে নাচিতে নাচিতে সেই প্রকৃতি-পুরুষের শান্তি-ময় অঙ্কে নিত্যশ্রয়লাভ করিতে না পারি,—তবে এই কলুষভারাক্রান্ত শরীর পাত করিব । পতিতপাবনী সুরধুনীর নির্জন্ম পুলিনে বসিয়া, সেই বিষয় বিরাগী সদানন্দ তপস্বীকে আদর্শ করিয়া, এবং সেই অদ্বিতীয় প্রকৃতি-পুরুষের নিত্যশান্তিময় চরণযুগলে নিষ্ঠা বাখিয়া, প্রায়োপবেশনে এই পাপ-শরীর পাত করিব । দেখিব, অভীষ্টসিদ্ধি হয় কি না—দয়াময়েব দয়া হয় কি না ।

চিন্তাবিচলিত চিত্ত কিঞ্চিং স্থির হইল ।—উল্লিখিত সঙ্কল্প দৃষ্টিভূত, এবং হয় সাধুর দর্শন, অথবা সেই সচ্চিদানন্দময় প্রকৃতি-পুরুষের শ্রীচরণোদ্দেশে শরীর-সমর্পণ, উভয়ই আরামজনক প্রতীত হওয়ার, চিন্তাবিচলিত চিত্ত কিঞ্চিং স্থির হইল । অনতিবিলম্বেই অবসাদে সর্ব্বাঙ্গ শিথিল ভাব ধারণ কবায়, তজ্জাও আসিয়া ময়নপল্লবকে নিম্নলিত করিয়া দিলেন ।

বলিতে শরীর এখনও পুলকিত হয়, তজ্জাভিভূত হইবার অল্পক্ষণ পরেই স্বপ্নের কুপায় দেখিলাম,—আমি যেন সাধু-দর্শনে ব্যর্থকাম ও প্রায়োপবেশনে দৃঢ়সঙ্কল্প হইয়া প্রয়াগ-তীর্থ-বাহিনী গঙ্গা-যমুনার সঙ্গমস্থলের অপরতীরে একটি নির্জন প্রদেশে উপবিষ্ট আছি । সময়—যেন শারদীয়া শুক্লা ষামিনী । একদিকে ভাগীরথীর প্রাবৃত-গৈরিক বসন তখনও বিমুক্ত হয় নাই, অপবদিকে যমুনা নবঘন-শ্রাম ভগবান্ শ্রীকৃষ্ণের সূচাক-চরণস্পর্শনাবধি সেই যে তন্নয়ত্ন লাভ করিয়াছে,—সেই শ্রামলতায় সর্ব্বাঙ্গ আবৃত করিয়াছে,—তাহারও বড কপাস্তব বোধ হইল না ।

স্বপ্নের শ্রুতাদে সহসা শারদ-কৌমুদী-রত্নালঙ্কার-বিভূষিতা হাম্যময়ী অদৃষ্টপূর্বা গঙ্গা-যমুনার সু-মিলন সন্দর্শনে মনে কত প্রকারেরই

৭৬ মদ খাও—নেশা ছুটিবে মা'।

ভাবোদয় হইতে লাগিল। একবার মনে হইল, যেন ধরাভলে শ্যাম-গৈরিক বর্ণের দুইখানি কোমুদী-রত্ন-মণ্ডিত তরঙ্গায়িত সুন্দর মেঘ অবতীর্ণ হইয়া বায়ু-বেগে ছুটিয়া যাইতেছে—আর আমি তাহার মধ্যে পড়িয়া সুখে ভাসিয়া যাইতেছি। আবার মনে হইল, যেন ভগবান্ শ্রীকৃষ্ণ মানিনী শ্রীমতী'র বিরহে ব্যথিত হইয়া, বংশী-দণ্ড-সম্বল ব্যতীত সমস্ত বিষয় বিভব শ্রীবাধার নাম-বহা করে বিসর্জনপূর্বক দণ্ডী-সন্ন্যাসী সাজিয়া, স্বীয় শ্যামরূপ যমুনা কলেববে মিশাইয়া গোপনে—নিশীথ-সময়ে প্রয়াগতীর্থে আগমন করিয়াছেন, এবং কেবল কটিদেশে গঙ্গা-গৈরিক-বসন পরিধানপূর্বক কুলকুল ধ্বনিতে, অথবা ব্রজরঙ্গিনী-চিত্ত-চঞ্চল-কারিণী বংশীর ধ্বনিতে, “রাধে কুল দাও। তোমার কালাচাঁদ অকূলে ভাসিয়া চলিল, কুল দাও।।” বলিতে বলিতে অবাধে অগাধ প্রেমজলধিতে ভাসিয়া যাইতেছেন।

বডই আহ্লাদ জন্মিল,—বিষয়ী মলিন মনের এই সচ্চিন্তা-প্রসূত ফল ভোগ কবিয়া বডই আহ্লাদ জন্মিল। এইবার গঙ্গা-যমুনার মিলিত-প্রবাহের দিকে দৃষ্টিপাত হওয়ায়, মন যেন বৃন্দাবনে গিয়া দেখাইল, রাধা-প্রেম-সন্ন্যাসী রাধারমণেব অভিমানিনী শ্রীমতী রাধিকা,—‘রূপ, গুণ, সৌন্দর্য ও ঐশ্বর্য সকল পাইলাম, কিন্তু দেখিয়া সুখী হইবে বলিয়া, যে আমাকে এমন সুন্দর কবিয়া সাজাইল, তাহাকে সকল সময়ে'র জন্ত পাইলাম না কেন।’ ভাবিয়া, অভিমানিনী রাধিকা,—‘তাহারই জন্ত প্রাণকৃষ্ণের উল্লিখিত কঠোর তপস্যার সঙ্কল্প গুনিয়া, অবিলম্বেই উন্মাদিনী'র ন্যায় গঙ্গারূপে ছুটিয়া তাঁহার বামপার্শ্বে আসিলেন, এবং যমুনারূপী শ্যামসুন্দরের সেই কুল-প্রার্থি-গীত-গায়ক বাঁশীটি ধরিয়া,—“চল চল নাথ, ফিরে

চল ।” কল কল মৃদু-তরঙ্গে এই স্বভাব-মূলত প্রেম-গীত গাহিয়া শ্যামেরই সহগামিনী হইতেছেন ।

মরি মরি কি অপূর্ব রমণীর দৃশ্যই দেখিলাম । গঙ্গা-যমুনা-রাধা-শ্যামের কি মনোবন্দ সঙ্গীতই শুনিলাম । এ কোথায় আসিলাম রে । আহা । এ সময় যদি আমার সেই সদানন্দ সাধু থাকিতেন, তবে এই অপূর্ব-দৃশ্য—গঙ্গা-যমুনার অপার্থিব সন্মিলন* দেখিয়া, সেই ভক্তিমান্ ভাবকের না জানি কি মহাভাবেরই আবেশ হইত । আর যদি তিনি এ সময় এখানে ধ্যানস্থও থাকিতেন, তবে ধ্যান ভঙ্গ-হইলে, আমি উল্লিখিত-রূপ দেখিয়া কাহা ভাবিলাম, তাহা বলিলেও উহা শুনিয়া, ভক্তিভাবাবেশে কত ভাল কথাই বলিতেন ।—আব তেমন সদানন্দ বৈরাগীর রূপ দেখিতে পাইব কি ? আব কি তাঁহার উপদেশমত পথে গিয়া সেই মদের—

আমাকে চকিত ও স্তম্ভিত করিয়া সহসা আকাশপথ আলোকিত হইয়া উঠিল । ঘোব-ঘন-ঘটাচ্ছন্ন নিশায় বাটিকা-প্রদীপিত পথি-ভ্রান্ত পথিক সৌদামিনীর হাসিমুখ দেখিয়া পথ পাইবার আশায় যেমন উল্লসিত হয়,—আকাশ-পথ আলোকিত দেখিয়া, এবং সেই আলোকে অদূবে একটা মানব-মূর্ত্তি-দর্শনে আমার অন্তরও সেইরূপ উল্লসিত হইয়া উঠিল । দর্শনমাত্র আমি আব স্থিরভাবে উপবিষ্ট

* শাস্ত্রদর্শী ব্যক্তিগণের নিকট শুনা যায়, প্রয়াগতীর্থে গঙ্গা যমুনা ও সরস্বতীর মিলনস্থল—ত্রিবেণী ‘মুক্তবেণী’, এবং কলিকাতা ও শান্তিপুরের মধ্যগত উক্ত নদীত্রয়ের পার্বকান্ধল—ত্রিবেণী ‘মুক্তবেণী’, তীর্থ ভ্রমণে প্রসিদ্ধ । কিন্তু আমাদের আর তেমন ভক্তি নাই বলিয়াই হউক, অথবা কাল-মাহাত্ম্যেই হউক, কোনক্রমেই সরস্বতীর অস্তিত্ব বোধ হয় না বলিয়াই আমরা (জন স্রোতোমাত্র বিশ্বাসে) গঙ্গা ও যমুনার মিলন দেখিয়া থাকি ।

থাকিতে পারিলাম না । যেন কোন আত্মীয়ের প্রাণগত আকর্ষণে আকৃষ্ট হইয়া উঠিয়া দাঁড়াইলাম , এবং সমীপবর্তী হইয়াই আনন্দ-বিশ্বয়-বিহ্বল-ভাবে সেই মূর্তির পদতলে পতিত হইলাম ।

পাঠক পাঠিকে । এই আগন্তুক ব্যক্তি কে, বুঝিয়াছেন কি ? ইনি সে-ই সাধু । কলিকাতা বাগ্‌বাজারে গঙ্গাতীরে সেই যে প্রেমোন্মত্ত সাধুকে আপনারা একবার দেখিয়াছিলেন,—যাঁহাব পুনর্দর্শন-লাভানন্তর মদ্য-প্রাপ্তির আশায় এই ব্যক্তি এত ব্যাকুল, এমন কি প্রাণত্যাগে পর্য্যন্ত দৃঢ়প্রতিজ্ঞ হইয়াছিল,—ইনি সে-ই সংসার-বিবাগী পবমার্থ-প্রিয় সদানন্দ সাধু ।

সাধু, পদতলে পতিত দেখিয়া আমার হস্ত ধারণপূর্বক ব্যগ্রতা-বাঞ্জক অথচ ধীরস্ববে কহিলেন,—“ভাই । তোমার একাগ্রতাপূর্ণ আহ্বান-বলে আমি আব দূরে থাকিতে পারিলাম না । উঠ, ব্যাকুলতা ত্যাগ কর , আমার নিকট বিনতি-প্রদর্শনের প্রয়োজন নাই । বল, কি জন্তু আমায় স্বরণ করিয়াছ ।”

আমি কাঁদিয়া ফেলিলাম ।—‘কাতরেব প্রাতী কৃপাময়ের কৃপা এত’ ভাবিয়া,—পূর্বক সেই মিলন-মুখ হইতে বিরহ-যাতনা পর্য্যন্ত ভাবিয়া,—সেই মদের আনন্দ এবং প্রকৃতি-পুরুষের নিত্যশান্তিময় অঙ্কেব আশ্রয় লাভ পর্য্যন্ত ভাবিয়া, আমি কাঁদিয়া ফেলিলাম । কোন কথাই বলিতে পারিলাম না ।

আমার এইরূপ অবস্থা দেখিয়া সেই দয়ালু সাধু সদয়-ভাবে বলিলেন,—“ভাই । আব ভাবিও না , এখন তোমার অভিপ্রায় প্রকাশ কর । হৃদয় এমন ব্যাকুল না হইলে—প্রাণকে পূর্ণানন্দ-প্রদ-মদিরায় মাতোয়াবা কবিবার জন্য এমন পিপাসা না হইলে,—সেই মদ পাইবার জন্য সর্বস্ব, এমন কি জীবন পর্য্যন্ত ত্যাগে দৃঢ়

প্রতিষ্ঠা না হইলে,—কি দয়াময়েব দয়া লাভ করিয়া এমন অপাখিব-
আনন্দের অধিকাৰী হওয়া যায় ?”

আমি আব থাকিতে পাবিলাম না । হৃদয়েব জ্বালা না জানা-
ইয়া, প্রাণেব কামনা না প্রকাশ করিয়া, রসনাও আব স্থির
থাকিতে পাবিল না । কম্পিতকাণ্ঠে কহিলাম,—“ঠাকুর । আব এ
অধমকে পবীক্ষা কেন ? এ সময় আমার আব কি ছাব্ কামনা
আছে প্রভু । আমার অন্তবেব বাহা একমাত্র কাম্য,—যাহা হইতে
আনন্দ-লাভ করিয়া আপনি এমন উল্লসিত হইতে পাবিয়াছেন—
যাহাব নেশাব শক্তিতে সদানন্দ-সদানন্দময়ীব মিলিত কোলে আশ্রয়
পাওয়া যায়,—এবং সে দিন স্বপ্নযোগে বান্ধববর্গেব রূপায় আমি
যে আনন্দ-দায়িনী সুখাব আশ্বাদ পাইয়াছি,—সেই মদিরাব সন্ধান
বাতীত আমার যে আব এখন কোন কামনাই নাই, তাহা ত
আপনি বুঝিতেই পাবিয়াছেন । নতুবা আপনার সত্যনিষ্ঠ রসনা
এসময় ঐ প্রসঙ্গ উত্থাপন করিবে কেন ?”

মাধু হাসিয়া বলিলেন,—“ভাই । গুরুব জগদ্গুরুতেই সমর্পণ
কব । শক্তি, ঐশ্বর্য্য, অধিকাৰ, সৰ্ব্বস্ব তাঁহাবই । তাঁহার করুণা-
সৃষ্ট-ক্রীডনক এই মানব শবীব-যন্ত্র হইতে তুমি যদি কিছু শূনিবাব
বাসনা কব, তাঁহাবই শক্তিতে তোমাব অভিপ্রায় সিদ্ধ হইবে ।
সৌভাগ্য-দৃষ্ট-স্বপ্ন-যোগে ও বান্ধববর্গের প্রসাদে সেই মদেব স্বাদ
পাইয়া তল্লাভার্থ চঞ্চল হইয়াছ দেখা যাইতেছে,—মদ খাইয়া
সকল ভুলিয়া প্রেমানন্দে নাচিতে নাচিতে জগদ্গুরুব শাস্তিময় অঙ্কে
চিব-বিরাম লাভ করিতে চাও বোধ হইতেছে,—আমিও তাহাই
চাই । এখন, তদ্বিধয়ে তোমার জিজ্ঞাস্য কি আছে বল ।”

আহা, ভাই স্বপ্ন । তোমাকে এমন মনোমোহন কুহক-মন্ত্র কে

শিখাইল বল ত ? তুমি সংসার-বানী জীবকে আপনার মোহ-গ্রহি-
সম্বন্ধ সু-বিশাল বাণুবায় ঘেরিয়া, আবার তাহারই অভ্যন্তরে নূতন
নূতন স্বপ্ন দেখাইয়া একবার হাসাইতে, আবার তৎক্ষণাৎ কাঁদাইতে
পার,—কোন্ কুহকী তোমাকে এ কুহক শিখাইল বল ত ? তিনি
যিনিই হউন, তাঁহার রূপায় তুমিও ধন্ত হইয়াছ । তোমার এক
কুহক-দৃশ্যে, কি এক অনাস্বাদিতপূর্ব মদ খাইবার বাসনা হওয়ায়,
পবদিন প্রাতে কলিকাতার গঙ্গাতীরে গিয়া শেষ কি মর্ষ-বেদনা
পাইয়াই কাঁদিয়াছিলাম ।—আবার সেই তোমারই আর এক
দৃশ্যে, প্রয়াগতীরের গঙ্গাযমুনা-মিলন-স্থলের কি মনোহর দৃশ্য
দর্শন করিয়া, কাহার সঙ্গে, কি ভাবে দাঁড়াইয়া, কিসের কথা
শুনিয়াই, আনন্দে অভিভূত হইতে পারিয়াছিলাম ।—আবার
এখন এই বর্তমান জাগ্রৎ-স্বপ্নাবস্থাতেই বা তুমি আমাকে কি
ভাবে বাখিয়াছ । কেমনে বুঝিব চক্রধরের এ কি চক্র ।।



পরিচয়-কাণ্ড ।

দূর হউক স্বপ্নেব মাহাত্ম্যবর্ণন । স্বপ্ন-যোগে সদানন্দ সাধুর
অভয় সূচক আদেশ পাইবাব পব উভয়েই সেই সংসার-কোলাহল-
শূন্য মিলিত-গঙ্গা-যমুনা-তীবে বসিলাম । অনন্তর স্থিরভাবে সেই
স্বপ্ন-দৃষ্ট পরমানন্দ-প্রদ মদ্য-লাভোদ্দেশে-যাত্রার সহায় বাকুবগণেব,
মদ্যেব, এবং মদ্য-পানানন্তর-কালীন ঘটনার, তত্ত্ব জানিবার জন্ত
সেই স্বপ্নেব প্রথম উল্লাস হইতে সঞ্চিত সন্দেহ ভঞ্জনার্থ জিজ্ঞাসা
করিলাম,—“ঠাকুব । সেই তপোবনে উপস্থিত হইয়া (৭৮শ
পৃষ্ঠাক) শূন্যে, শৈশব-সুহৃদ্রপী যে নগ্ন-শরীর শিশুগণের সহিত
সাক্ষাৎ হইয়াছিল, ঋহারা শূন্যদেশে একবার মাত্র দৃষ্টিগোচর
হইয়াই, আমাকে তাঁহাদের দীর্ঘ বিরহ ও মদ্যপান দ্বারা তাঁহাদের
সহিত পুনর্মিলনের কথা, একখানি পত্র-দ্বারা অবগত হইবার ইচ্ছিত
কবিয়াই, চপলার ন্যায় অন্তর্হিত হইয়াছিলেন, তাঁহারা কে ?
এবং কেনই বা ঐ-ভাবে দর্শন দিয়া অত শীঘ্র অন্তর্হিত হইলেন ?
বলিয়া আমার সন্দেহভঞ্জন ও কোতূহল চরিতার্থ করুন ।”

আমার আগ্রহ দর্শনে সাধু সহাস্যবদনে বলিলেন,—“ভাই ।
বাহ্য ও আভ্যন্তরীণ ইন্দ্রিয়গণকেই আমবা আগাদেব শরীর ও
মনোরাজ্য-পালনেব নিরন্তর-সহচর কৰ্মচারিরূপে দয়াময় বিশ্ব-
বিধাতার নিকট হইতে প্রাপ্ত হইয়াছি । তন্মধ্যে স্মৃতি, দয়া,
সত্য, বিবেক, উপচিকীর্ষা, ভক্তি প্রভৃতি গুণবৃত্তিগুলিই আমাদের
নিরন্তর-সহচর বান্ধব । কাম-ক্রোধাদি কৰ্মচারিগণ এই বান্ধব-

গণের অমুগত থাকিয়া শরীর ও মনোরাজ্যের কার্য সাধনকালে যদিও অসহ্যবহার কবিত্তে পারেন না বটে, কিন্তু ইহারা যদি কোন সুযোগে উক্ত বান্ধব-বর্গের উপর আধিপত্য কবিত্তে পান, তবে বিষম শত্রুরূপে বাজা বিশৃঙ্খল, এমন কি বান্ধবগণকে রাজ্যচ্যুত ও বিদূরিত করিত্তেও যে সমর্থ, তাহা ত আর আমাদের অজ্ঞাত নাই । ভাই । শত্রুদলেব প্রবলতায়, বান্ধবগণেব অধিকাব-হীনতায়, আমরা যেকপ মলিন, শক্তিহীন ও নিবানন্দ হইয়াছি, তাহা ত বুঝিত্তেই পারিত্তেছ ! প্রাণ যে আর নিবানন্দ-জালা সহ করিত্তে না পাবিয়া মদ খাইয়া আনন্দ-লাভের জন্তু কেমন ব্যাকুল হইয়াছে তাহা ত বুঝিত্তেই পারিত্তেছ । দুর্গতি দূরীভূত করিয়া সদানন্দে কালযাপন করিত্তে সকলেবই বাসনা । দুর্গতি বা দুঃখজালা এবং আনন্দ* এই উভয়কে প্রকৃত ও পূর্ণরূপে যাহার উপলব্ধি হয়, অর্থাৎ বেদনার বেদনা এবং আনন্দের আনন্দ, উপলব্ধি বা আনন্দ করিবার মত যাহার শক্তি আছে, তিনিই জালা জুড়াইবার জন্তু সরল-পথে আনন্দের দিকে অগ্রবর্তী হন, এবং ক্রমে সেই মদ খাইয়া সদানন্দ লাভ করিয়া জুড়াইতে পান । আব যাহারা শত্রুর অধীনতা-হেতু শক্তিহীন, চৈতন্যশূন্য অথবা আত্মবিষ্মত হইয়া পড়েন, তাঁহাদের মে মদ খাইয়া আনন্দ-লাভের আশার সফলতা বহুকাল বা বহুজন্ম পর্যন্ত সাধিত্তে পারেন না ।

ভগবানেব ইচ্ছা । চিত্তি মগীর একান্ত চেষ্টায় এবং কোন সুকৃতিফলে, আনন্দ " " " " বাকী-সেবার তোমার প্রকৃত অমুরাগ হওয়ায়, নিশীথক " " " " সাহায্যে সত্য, বিবেক, দয়া,

* প্রকৃত আনন্দ কি, এবং কিকপে উহা লাভ হয়, ওহিবরণ 'আনন্দ-ভুজান' নামক পুস্তকে প্রকাশিত হইয়াছে ।

উপচিকীর্ষা প্রভৃতি তোমার অন্যান্য হৃদয়বাক্যগণ, একবার তোমাকে দর্শন দিয়া ও মদ খাইবার আদেশ-পত্র প্রদান করিয়া, তোমার সহিত মিলনের কামনা ও উপায় জানাইয়াই অস্তহিত হইয়াছিলেন । এখন বাক্যবগণের পরিচয় গাইলে ত ?”

আমি আহ্লাদিত হইয়া বলিলাম,—“ভাল, মহাশয় । বকুগণ শূন্যে শিঙুরূপে ও নগ্নশরীরে দর্শন দিলেন কেন ?”

সাধু উত্তর কবিলেন,—“তোমার সৌভাগ্যক্রমে স্মৃতি-সখী যখন তোমার মদ খাইয়া নিত্যানন্দে হৃদয়-ভাণ্ডার পূর্ণ করিবার কামনা বলবতী করেন, তখন তোমার হৃদয়াদিকাবী বিপক্ষ সহচর বা শত্রুগণ সঙ্কুচিত হইয়াছিল । প্রবলাবস্থায় তাহারা হৃদয়ের যত স্থান অধিকার করিয়াছিল, সঙ্কুচিত হওয়ার সেই স্থানের উপরিভাগ ‘শূন্য’ না হইয়া আব কি হইবে ভাই ? এবং ঐ শূন্য স্থান দেখিয়াই তোমার বাক্যবগণ আপনাদের অতুলনীর তেজঃপ্রভায় সেই শূন্যদেশ আলাকপূর্ণ করিয়া তোমাকে দর্শন দিরাছিলেন । যেখানে বিপুগণ সঙ্কুচিত, সেইখানেই তাঁহাদের সমুজ্জ্বল প্রকাশ । আর যখন তোমার প্রাণ স্মৃতি-সখীকে চেষ্টায় মদ খাইবার জন্য ব্যাকুল হইয়াছিল, তখন উহা শিঙুর প্রাণেব ন্যায় সরল, নিষ্কলঙ্ক ও নির্বিকার ছিল বলিয়াই, তাঁহারা সদানন্দ-প্রফুল্ল নগ্ন-শিঙুরূপে তোমাকে দর্শন দিয়াছিলেন । এখন বুঝিয়াছ ?”

আমার বডই আহ্লাদ হইল । মনে মনে ঐ মাতাল ব্রাহ্মণকে ভক্তিভাবে প্রণাম করিয়া আবার জিজ্ঞাসা করিলাম,—“ভাল ঠাকুর । ইহাও ত আপনাব রূপায় একপ্রকার বুঝিলাম । আচ্ছা, বাক্যবগণ সেই মদ খাইবার আদেশ পত্রের এক স্থানে (৮ম পৃষ্ঠাঙ্ক) বলিয়াছেন,—‘এখন আমরা তোমা হইতে অনেক দূরদেশে আসি-

যাছি—অনুসন্ধানপূর্বক মদ খাইতে না পারিলে আমাদের সহিত পুনর্নির্লন অসম্ভব।’ এক্ষণে জিজ্ঞাসা করি, সেই দেশ কোথায় ? এবং সেই মদই বা কোথায় পাওয়া যায় ? অনুগ্রহপূর্বক বলিয়া এই অধমকে চবিতার্থ করুন।”

সাধু বলিলেন,—“ভাই । সে দেশ আর কোথাও নহে— তোমাব হৃদয়রাজধানীর অন্তর্গত আনন্দ-ধাম সেই দেশ , এবং সেই আনন্দ-ধামই তোমাব প্রার্থিত মদ্য-প্রাপ্তির অদ্বিতীয় স্থান । তবে যে বান্ধবগণ ‘দূবদেশে আসিয়াছি’ বলিয়াছেন, তাহার কারণ হৃদয়রাজধানী বিপুলগণেব অধীনতায় প্রাণিগণ ক্রমশ এমন অধোগত হয় যে, হৃদয়রাজধানীস্থ আনন্দ-ধামকে তাহাবা বহু দূববর্তী বোধ কব , কিন্তু স্মৃতিব সাহায্যে সদবৃত্তিকপ উন্নতবান্ধবগণকে পাইবাব জন্য অধ্যবসায় সহকারে ধীবে ধীরে অধীনতা শৃঙ্খল উন্মোচনপূর্বক (উন্নত হইয়া) একবাব সেই আনন্দধাম-গমনে সমর্থ হইলে, সে দূব বোধ থাকে না ,—মদেব দোকানেবও সন্ধান পাওয়া যায় । এখন তুমি বান্ধবগণের পক্ষেব মর্শ্ব বুঝিলে কি ?”

আমি বলিলাম,—“আজ্ঞা হাঁ, এখন বেশ বুঝিয়াছি । পূর্বে এ ব্যাপার যত বিস্ময়জনক ও দুঃসাধ্য ভাবিয়াছিলাম, এখন তদপেক্ষা অনেক সহজও মনে হইতেছে । ভাল মহাশয়, আর একটা কথা জিজ্ঞাসা করি,—মদ অনুসন্ধান করিতে কবিতে যখন (১৯শ পৃষ্ঠাক) আমি একটা পবন-বমণীর প্রদেশে বা আপনার কথিত আনন্দ-ধামে উপস্থিত হইয়াছিলাম, সেই সময় সেই স্থান হইতে প্রথমে একটা স্মধুর শব্দ শুনিয়া উহা স্ত্রীপুরুষেব মিলিত কণ্ঠস্বর বোধে তন্নিকটবর্তী হইয়াছিলাম, এবং শেষে তাহা মদ্য-পানার্থিগণের আহ্বান সূচক ধ্বনি (২০।২১ পৃষ্ঠাক) জানিয়া,

হৃষ্টচিত্তে অভীষ্ট লাভোদ্দেশে মণিপুর নামক স্থানে উপস্থিত হইয়া যে অদৃষ্টপূর্ব স্ত্রী-পুরুষ-মূর্তি দর্শন করিয়াছিলাম, তাঁহারা কে ? বলিয়া আমাকে চরিতার্থ করুন ।”

সাধু বলিলেন,—“ভাই । যে স্মৃতিব কৃপায় তুমি প্রথমে শূন্য বা উচ্চপ্রদেশে সত্য বিবেকাদি বাক্যবগণের দর্শন ও মদ্য-পানের আদেশ-পত্র পাইয়াছিলে, স্ত্রীমূর্তি তোমার সেই পবনোপকারিণী সখী ‘স্মৃতি’ ; এবং ঐ মহাশক্তিধর পুরুষ স্মৃতির স্বামী ‘সত্য’ । স্মৃতি ও সত্য মদ্যপানার্থিবর্গকে মদ খাওয়াইয়া, সকল জ্বালা ভুলাইয়া, সদানন্দ প্রদানের জন্য নিরন্তরই আহ্বান করিয়া থাকেন । কিন্তু যাহার মদ খাইবার একান্ত কামনা হয়, এবং যে ব্যক্তি শত্রু-সমাজের অধীনতা-শৃঙ্খল উন্মোচন করিয়া সেই ‘স্বপ্ন’ বা সাধন পন্থা অবলম্বনে সমর্থ হয়, সেই তাঁহাদের আহ্বান শুনিতে পার,—বুঝিয়াছ ত ?”

“নিত্যানন্দপ্রদারিণী মদিরাপানে আনন্দিত করিবার জন্য স্মৃতি ও সত্য জীবগণকে সর্বদাই আহ্বান করিতেছেন”—এই ব্যাপারের রহস্য সাধু-মুখে সুস্পষ্টরূপে অবগত হইয়াই হর্ষে আমার সর্কশরীর পুলকিত হইয়া উঠিল । ভাবিলাম সাধু নিশ্চয়ই সেই মদ্যপানে আনন্দিত হইয়াছেন, নতুবা এ পাষাণকে এ তরু এমন করিয়া আর কে বুঝাইতে পারিত ? মনে মনে আবার তাঁহাকে প্রণাম করিয়া বিনীতভাবে বলিলাম,—“ঠাকুব । আপনাব অল্পগ্রহে স্মৃতি ও সত্যের ত পরিচয় পাইলাম । এখন জিজ্ঞাসা করি, সত্যের ইঙ্গিতে স্মৃতি (২৩ পৃষ্ঠাক) আমাকে সঙ্গে লইয়া সেই ‘মণিপুর’ নামক আবাস-মধ্যে প্রবেশ করিলে আমি তথায় সেই নিরন্তর প্রার্থনীর মদ্যপূর্ণ সুসজ্জিত দোকান দেখিতে পাইয়া-

ছিলাম । সেই দোকানের অধিকারী সানন্দ-প্রশান্ত-বদন যে এক জ্যোতির্ষয় পুরুষমূর্ত্তি স্নেহবচনে আমাকে ‘শারীরিক ও মানসিক শ্রান্তি অপনোদিত হইলেই মদ খাওয়াইয়া দিব’ এই আশ্বাস দিয়া আমার হস্তধারণপূর্ব্বক সেই রমণীয় স্থানস্থিত দিব্যাসনের একদেশে উপবেশনের আদেশ করিয়াছিলেন, যাহার সেই পবিত্র করম্পর্শে আমার শরীর ও মনের মধ্যে একপ্রকার—অননুভূতপূর্ব্ব ভাবের আবির্ভাব হওয়ায় আমি নিশ্চেষ্টতা প্রাপ্ত হইয়াছিলাম, সেই দয়ালু ব্যক্তিতী কে ? বলিয়া আমার কোতূহলাক্রান্ত চিত্তকে সুস্থ করুন ।”

সাধু হাসিয়া বলিলেন,—“ভাই । একটু চিন্তা করিলে তুমি আপনিই ঐ মদ্য-প্রদাতা ব্যক্তিকে চিনিতে পারিতে । যে ব্যক্তি স্মৃতি ও সত্যের শক্তি ও গুণের পরিচয় পাইয়া তাঁহাদিগকে আদব করিতে পারেন, মদ্যপ্রদাতাকে চিনিবার জন্য তাঁহার আব অত্মের সাহায্য-গ্রহণ আবশ্যক হয় না । তবে তুমি যখন ঐ মদ্য-প্রদাতার পরিচয় পাইবার জন্য ভাবিবার শ্রমটুকু স্বীকার না করিয়াই, আমাকে জিজ্ঞাসা করিয়াছ, তখন শুন,—ঐ মদ্যপ্রদাতা ব্যক্তির নাম ‘বিবেক’ । স্মৃতি ও সত্যের আস্থানে জীবাত্মা বা প্রাণ যখন মিত্যানন্দ-লাভ-লালসায় মদ খাইতে আসিয়া ঐ ‘বিবেক’-বাক্তবের শবণাপন্ন হন, তখন বিবেক প্রীতিপূর্ণভাবেই তাঁহাকে গ্রহণ করেন, অথবা আপনিই তৎকর্তৃক সাদরে গৃহীত হইয়া থাকেন, এবং যদি আগন্তুক মদ্যপানার্থীর চিত্ত বিষয়-চিন্তায় অথবা দুষ্কৃতিজালায় তখনও চঞ্চল দেখেন, তবে ‘মদের প্রকৃত রসাস্বাদ করিতে সমর্থ হইবে বলিয়া’ তাঁহাকে সেই আনন্দ-ধামেই কিয়ৎকাল স্থির, শান্ত, সমাহিত বা এক-চিন্তা ভাবে বিশ্রামার্থ উপবেশনের আদেশ করিয়া থাকেন । বিশ্রাম-লাভের পর মদ খাইলে আনন্দলাভ পক্ষে আব

কোনপ্রকার বিঘ্নেরই সম্ভাবনা থাকে না। মদ্য-প্রদাতা বিবেক বাহুবের এই অভিপ্রায়, বুঝিয়াছ ভাই ?”

আমি বলিলাম,—“আজ্ঞা হাঁ, এখন বুঝিলাম। বিবেক মহা-শয়ের কৃপা ব্যতীত কেহই যে মদ খাইতে পাষ না, তাহা এখন বুঝিলাম। কিন্তু জিজ্ঞাসা করি, যাহাদের প্রাণ স্মৃতি ও সত্যের আস্থানে বিবেক-বাহুব সমীপস্থ ও শরণাগত হয়, তাহাদের মধ্যে যদি কোন ব্যক্তির নিজের পৃথক পান-পাত্র না থাকে তবে কি সে মদ খাইয়া নিত্যানন্দ লাভ করিতে পাইবে না ?”

সাধু গম্ভীরভাবে বলিলেন,—“না। সে মদ মাতাপিতাদি সকলে একসঙ্গে বসিয়া নিঃসঙ্কোচে সেবন করা যায় বটে, কিন্তু পরস্পর কাহারও উচ্ছিষ্ট পান-পাত্র গ্রহণ করিবার নিয়ম নাই। এই পান-পাত্রের নাম কি জান ?—‘সরলতা’। জীব এই সরলতা-রূপ পান-পাত্রের সাহায্যে মদ্যপান করিয়া নিত্যানন্দ লাভ করিবে, এই অভিপ্রায়ে দয়াময় বিশ্ব-বিধাতা সকলকেই উহা দান করিয়া-ছেন। ব্যবহাব-দোষে নিশ্চিন্ত বা অকর্মণ্য হইলে বিবেক-বাহুব উহা নির্মল ও লঘু* করিয়া দিতে পারেন, কিন্তু শত্রুকর্তৃক সরলতা-

* মাদৃশ দুষ্কৃতি-নিরত ব্যক্তিগণ সরলতার সদ্যবহার করিতে অশক্ত। কারণ আমাদের হৃদয় রাজ্যের বর্তমান অধীশ্বর রিপুগণ সরলতার সদ্যব-হারের সম্পূর্ণ বিরোধী। সুতরাং রিপুর অনুমোদিত কোন কার্য করিয়া, তাহা আমরা সরলভাবে প্রকাশ করিতে শক্তি পাই না; সরলতাও এইজন্য মলিন, নিশ্চিন্ত ও গুরুভার বোধ হয়। কিন্তু বিবেক-বাহুবের কৃপা হইলে আমরা অনায়াসেই সরলভাবে আমাদের দুষ্কৃতি, সাধারণের নিকট স্বীকার ও তজ্জন্য ক্ষমা প্রার্থনা করিতে পারি। এই উপায়ে সরলতা-পান-পাত্র নির্মল ও লঘু হইয়া আসিলে আনন্দ-ধামে বসিয়া সকল শ্রান্তি অপনোদনা-নস্তর সেই মদ্য-পানে নিত্যানন্দের অধিকারী হইতে পারি।

পান-পাত্র অপহৃত (বিকার-হেতু কুটিলতায় পবিণত) হইলে, উহাব পুনর্লাভকালের পূর্কপর্যাস্ত আর মদ্যপানের কোন উপায়ই থাকে না । সুতরাং ‘অপহৃত হইবার ভয়ে’ মদ্য পানাভিলাষী যে ব্যক্তি বিবেক-বাক্তবের শরণাগত থাকিয়া, সরলতা-রূপ সু-নির্মল পান-পাত্রটি সযত্নে রক্ষা করিতে সমর্থ হন, এবং উহা নতভাবে পাতিয়া, একচিন্ত-চিত্তে আনন্দ-ধাম-সীমান্ত মণিপূবের মদের দোকানে বসিতে পারেন, তিনিই মদ খাইয়া নিত্যানন্দলাভের অধিকারী হন । বুঝিয়াছ ভাই ? ইহা অপেক্ষা আর অধিক সরল করিয়া বলিবার ক্ষমতা আমার নাই ।”

আমি কহিলাম,—“ঠাকুর । আপনি এখন আমার সম্মুখে বিরাজিত থাকিয়া শরীর ও মনস্তত্ত্ব সম্বন্ধীয় অশ্রুতপূর্ক কথা সকল বলিতেছেন বলিয়াই আপনার সু-গভীৰ-ভাব-প্রসূত ভাষা এক-প্রকার বুঝিতেছি বটে, কিন্তু আপনাকে হারাইলে আমার ধারণা-শক্তি আর এরূপ প্রথবা থাকিবে কি ? যাহা হউক, মদ্য-প্রদাতা দয়ালু বিবেক-বাক্তব ত আগাকে সমাদবে আপনার পার্শ্বে কিছুক্ষণ বসাইয়া বিশ্রামের পর সেই অমৃত-মদ খাওয়াইয়া দিলেন (২৮শ পৃষ্ঠাঙ্ক), আমারও সকল জালা জুড়াইয়া ‘নবীভূত’ প্রাণে আনন্দের উদয় হইল,—অনেকদিনের আশার নেশা জমিয়া আসাতে আকা-জ্ঞাও তাহাব একমাত্র কাম্য বাল্যবন্ধুগণের সহিত মিলন-প্রার্থনায় নৃত্য করিতে লাগিল, কিন্তু অমন সু-সময় সেই বন্ধুগণের সঙ্গে আনন্দ-ধামে ‘পূরা-মাতালের’ গায় প্রশাস্তভাবে সচ্চিদানন্দ-সাগরে ডুবিয়া যাইতে পারিলাম না কেন ? ভাজনাখোলার প্রতপ্ত বালুকায় নিপতিত ধান্যের শস্ত যেমন থৈ-কপে ফাটিয়া বাহির হইলে, আর কোনক্রমেই তাহাকে পূর্কের আধার—তুমের মধ্যে প্রবেশ কবান

যায় না, মদ খাইয়া আমি আনন্দ-ধাম হইতে কোন্ তাপে সেইকপ ছুটিয়া বাহির হইয়া বহু যত্নেও আর তথাষ প্রবেশ করিতে পারিলাম না ? সেই মণিপুরের অমূল্য মদের দোকান ও বিবেক-সখার সঙ্গ ছাড়িয়া যখন অনেকদূরে—অনেক নীচে—আসিয়া পড়িলাম, তখন সেই যে আমার কৃষ্ণবর্ণ বাল্য-সহচরী, যাহার সঙ্গ ত্যাগ করিয়া আনন্দ-ধামে গিয়া বিবেকের কৃপা-প্রদত্ত মদ খাইয়াছিলাম, সেই দুষ্ট-সঙ্গীই বা আবার কোন্ সাহসে আমাকে আক্রমণপূর্বক, তত সাধের তেমন আনন্দে বাধা দিতে পাবিল ? আমি ত মদ খাইয়া বন্ধুগণের সঙ্গে মিলিয়া সেই সচ্চিদানন্দ-স্বরূপ প্রকৃতি-পুরুষের নিত্য-শান্তিময় অঙ্কশয়ই প্রার্থনা করিতেছিলাম, তবে দয়ালু বিবেক-বান্ধব কেন আমাকে সেই আনন্দ-ধামে আবদ্ধ করিয়া রাখিলেন না ? আমি যে দুর্বল ও অসহায় অন্তর্যামী ত তাহা অজ্ঞাত নাই, তবে এ অধমের প্রতি অমন সময়েও আবার দয়াময়ের কিরূপ পরীক্ষা হইল মহাশয় ? বাঞ্ছাকল্পতরু ভগবান্ শরণাগত কাঙালের বাঞ্ছা পূর্ণ কবিত্তে আসিয়াও, অভাগার কোন্ কর্মদোষে আবার পাষণ হইলেন ?—ঠাকুর । আমাব এই শেষ সংশয় কয়টা ভঞ্জন করিয়া দিন, আর কোন প্রার্থনা নাই ।”

ব্রাহ্মের এইরূপ অসম্মত বাক্য শুনিয়াই হউক, অথবা কোন্ কারণে জানি না, সাধু ক্ষণকাল স্থির ও গম্ভীর ভাব ধারণ করিলেন । আমি ভয় পাইলাম,—সদানন্দ-প্রফুল্ল সাধুর বদন চিন্তায় গম্ভীর দেখিয়া,—আমি ভীত হইলাম । কিন্তু ক্ষণবিলম্বেই তিনি আমার সেই ভয়-ভঞ্জন-সকল্লৈই যেন, ধীর-মধুর-স্ববে বলিলেন,—
“ভাই । চঞ্চল হইও না । ধীরভাবে তোমার প্রশ্ন-সমূহের উত্তর শ্রবণ কর । পূর্বে বলিয়াছি, এবং আবার এখনও বলিতেছি,

আমাব এই শরীর বিধাতার কৃপা-সৃষ্ট ক্রীডনক জড়-যন্ত্র মাত্র—
ইহাব যন্ত্রী তিনিই। এই যন্ত্র হইতে যদি কিছু মধুর স্বর শুনিতে
পাও, বুঝিও ইহা তিনিই বাজাইতেছেন। অতএব সর্ব শক্তিমান
সর্বাধিকারী বা সর্বেশ্বরেই বিশ্বাস করিয়া, আমাকে ভুলিয়া যাও,—
অক্ষুণ্ণ ধারণাশক্তি লাভ করিয়া নিশ্চিন্ত হইতে পারিবে।

“সুমতি ও সত্যের আশ্রানে তুমি মণিপুরস্থিত মদের দোকানে
গিয়া বিবেকের প্রসাদে মদ খাইয়া ‘আনন্দ’ লাভ করিতে পারিয়া-
ছিলে বটে,—‘বান্ধবগণের সহিত মিলিয়া’, আনন্দে বিহ্বল হইয়া,
তোমার চিত্ত সে সময় অদ্বিতীয় সচ্চিদানন্দ-লাভের কামনা করিয়া-
ছিল তাহাও স্বীকার করি—কিন্তু ভাই। তন্দ্রাবস্থায় নিমীলিত-
নয়নে স্বপ্ন সাধন হই ঐ ঘটনা হইয়াছিল—জাগ্রদবস্থায় নহে।
জাগ্রৎ, জীবিত না জ্ঞান-নেত্র-বিকসিত অবস্থায় যদি তোমার ঐ
মহা-সোণ গব্য উদয় হইত—ঐ পূর্ণানন্দ-প্রদায়িনী মদিরা
পান করিত পারিত, তবে দেখিত, নেশায় বিভোম হইয়া,—
পূর্বা মাতাল হইয়া,—অনন্তভূতপূর্কক আনন্দভবে অবনত, প্রফুল্ল
ও প্রশান্ত ভাবে অভিভূত হইয়া সেইখানেই চিবদিনের মত ঢলিয়া
পড়িত, কোন তাগই আব তোমাকে তাড়না দ্বাৰা,—দুবী-
ভূত করা দূর থাকুক,—আসন-ভ্রষ্ট করিতেও সমর্থ হইত না।

“আচ্ছা ভাই। তোমাকে একটা কথা জিজ্ঞাসা করি, স্বপ্ন
যোগে মদের স্বাদ গ্রহণ করিয়া, যখন তুমি প্রমত্তভাবে সেই মণি-
পবেব দোকান হইতে বহির্গত হইয়াছিলে,—যখন তোমার সেই
কৃষ্ণবর্ণ কুটিল বাল্য-সহচর তোমার মদ্য-পানানন্দের সংবাদে
অবিশ্বাস করায় (৩১।৩২শ পৃষ্ঠাঙ্ক) তুমি সেই সঙ্গীর বিশ্বাসোৎ-
পাদন-জন্তু আবার মদ্য-সংগ্রহের সঙ্কল্পে দোকানের উদ্দেশে ভ্রমণ

কবিষাছিলে এবং ঠিকানা হাবাইয়া ব্যাকুলভাবে ও উচ্চৈঃস্ববে সকলেব কৃপা ভিক্ষা কবিয়াও মদ্য-লাভে দিক্‌মনোরণ হইতে গাব নাই, তখন তোমাব সেই সহচরকে কি উপায়ে তুষ্ট কবিষা-ছিল তাহার কিছু স্ববণ আছে কি ?”

আমি আগ্রহসহকারে কহিলাম,—“আজ্ঞা হাঁ, বিশেষ স্ববণ আছে (৩১।৩২শ পৃষ্ঠাঙ্ক)। আমি মদ খাইবাব গব, নাচিতে নাচিতে আনন্দ-ধাম সীমা হইতে বাহিব চইবামাত্রই কোন্ পাপে জানিনা, পথে আমার সেই কুমণ্ডল সহচরের সঙ্গে সাক্ষাৎ হয় । তাহার অনুবোধে তাতাক, এবং তজ্জাতীয় স্বজনবর্গকে সেই মদ খাওয়াইয়া আমাবই মত আনন্দিত করাইবাব ছবাণায়, আবাব দোকানেব উদ্দেশে ধাবিত হইয়া, ‘প্রকৃত পথ’ হাবাইয়া, সেই নগব-বাসী আবাল-বৃদ্ধ-বনিতা সকলকেই, ব্যাকুলভাবে বারংবাব ‘সেই মদের’ সন্ধান জিজ্ঞাসা কবিতেকরিতে, শ্রান্তিবশতই হটক, অথবা কোন্ কাবণে জানি না, সহসা আমার শরীর অবসন্ন ও কণ্টকিত হইয়া আসিল, আমি মূর্ছিত হইয়া পড়িলাম ।

“মোহিত অবস্থায় বোধ হইল, সেই তপোবনে বাল্যবন্ধুগণের দর্শনপ্রাপ্তির পূর্বে, আকাশে যেকপ আলোক দেখিষাছিলাম, শূন্য-দেশ আবাব সেইরূপ আলোকিত হইয়াছে । কিন্তু সেই আলোক মধ্যে কোন বন্ধু বান্ধব, দেব-দেবী বা অন্য কোন মূর্ত্তিই দেখিতে পাইলাম না । অথচ অবিলম্বেই কে যেন শূন্য অলক্ষিত-ভাবে থাকিয়া দৈববাণীব স্তায় অনেক উপদেশ দিয়া আমাকে সেই সঙ্গি-গণের জন্ত মদ্য-সংগ্রহের উদ্যমে নিবৃত্ত হইতে আদেশ করিলেন, শেষে বলিলেন—‘বাল্যবন্ধুবর্গেব সহিত’ মিলিত হইবার জন্ত মদ খাইয়াছ, এখন অন্য সকল চিন্তা ত্যাগ করিয়া স্থবভাবে তাঁহাদেবই

তত্ত্বানুসন্ধানে প্রবৃত্ত হও, তাঁহারাও তোমার সহিত মিলন-জগু চঞ্চল হইয়াছেন' (৩৩৩৪ পৃষ্ঠাঙ্ক) ।

“দৈববাণী হইতে এই মর্ম্মস্পর্শী উপদেশ,—বিশেষতঃ ‘বাল্য-বন্ধুগণ আমাব সহিত মিলন-জগু চঞ্চল হইয়াছেন’—শ্রবণে, আমি তখনকার মদ্য-সংগ্রহের চিন্তা ভুলিয়া,—কোন্ দেবতার কৃপায় এই দৈববাণী শুনিলাম ? এবং আমার সেই বাল্যবন্ধুগণই বা কোথায় ?—জানিবাব আশায়, বিনীত ভাবে সেই অদৃষ্ট দেবতার নিকট প্রার্থনা করিলাম ; অবশেষে তাঁহারই অনুগত ভাবে বান্ধব-মিলনার্থ যাত্রার সঙ্কল্পে তদীয় দর্শন ভিক্ষা কবিলাম ।

“আমাব প্রার্থনা শেষ হইতে না হইতে সৌভাগ্য-ক্রমে গলিত-কাঞ্চন-কান্তি স্বেতাশ্রব-পরিহিত প্রীতি-প্রফুল্ল-সুন্দর-বদন একটা সুকুমার কিশোর পুরুষ-মূর্ত্তি—না জানি কোন্ দেবতা,—সেই শূন্য আলোক-মধ্যে দর্শন দিলেন । অমনি আমার চৈতন্য হইল (৩৪শ পৃষ্ঠাঙ্ক) ।—ঠাকুব । তিন্দি কোন্ দেবতা, কাঙালের প্রতি এত কৃপা করিলেন, বলিয়া দিবেন কি ? আচ্ছা পবে বলিবেন, অগ্রে আমার বক্তব্য শেষ করি ।

“মূচ্ছান্তে চৈতন্যলাভ করিয়া চাহিয়া দেখিলাম,—কি আশ্চর্য্য । —আমার সেই কৃষ্ণবর্ণ কুটিল সহচর আমাব বিনা চেষ্টাতেই, কোথায় অদৃশ্য হইয়া গিয়াছে । ইহাব কোন কাবণ বুঝিতে না পারিলেও, সেই ক্রুর আমাব সঙ্গ ত্যাগ করায় আমি তখন যেন মৃত-দেহে নূতন জীবন পাইলাম ।”

আমার কথাগুলি মনোযোগপূর্ব্বক শুনিয়া, সাধু বলিলেন, —“এখন তোমার প্রশ্নের উত্তর শুন । তোমার সেই কুটিল সহচর ও তাহার পরিজন-বর্গকে মদ খাওয়াইবার জগু, ‘প্রাণপণ চেষ্টা

করিলেও মদের দোকানেব তত্ত্বানুসন্ধানে ব্যর্থকাম হইবে' বলিয়া যে দেবতা অলক্ষিতভাবে তোমাকে উপদেশ এবং শেষে দর্শন দিয়া চৈতন্য প্রদান করিয়াছিলেন, তাঁহার নাম 'বিশ্বাস', এবং তোমার সেই কুটিল সঙ্গীর নাম 'সংশয়' । বিশ্বাস তোমার প্রাণের প্রিয়-বান্ধব । তুমি তাঁহাকে 'প্রভু' ইত্যাদি সম্ভাষ্য-সম্ভাষণাদি করিয়া-ছিলে বলিয়া, তিনি তোমায় 'সুহৃৎ' বলিয়া আত্ম পরিচয় প্রদান করিলেও, সংশয়ের সহবাসহেতু তখন তাঁহাকে চিনিতে পার নাই । পবে যখন 'বিশ্বাস' তোমাব প্রার্থনার তুষ্ট হইয়া, কৃপাপূর্বক তোমাকে দর্শন দিলেন, তখন তাঁহারই ভয়ে 'সংশয়' তোমার সঙ্গ ত্যাগ করিয়াছিল ।

“এখন তুমি জানিতে চাও, মদ খাইবার পর কোন্ কারণে তুমি আনন্দ-ধাম হইতে বহির্গত হইয়াছিলে, এবং বহু চেষ্টাতেও কেন আবার আনন্দ-ধামে প্রবেশ করিতে পার নাই, আর কেনই বা 'বিবেক' তোমাকে তথায় অবিয়া রাখেন নাই ? এ প্রশ্নেব উত্তর বড় কঠিন নহে । স্বপ্নযোগে তুমি বিবেক-প্রদত্ত মদ খাইয়া-ছিলে, জাগ্রদবস্থায় নহে—স্বপ্ন বাধিও । জাগ্রদবস্থায় বা এই বর্তমান সময়ে তোমার প্রাণেব যেকপ অবস্থা,—যেকপ বিষয়া-সক্ত বা রিপু-বলীভূত, স্মৃতবাং শোক, তাপ, বেদনা, আলা, মালিন্যাদি মিশ্রিত অবস্থা,—স্বপ্নাবস্থায় প্রাণে সঙ্কুচিতভাবে ঐ সকলেব মূল বা বীজ বর্তমান থাকায়, সত্য বিবেকাদি প্রসন্ন হইয়া মদ্য প্রদান করিলেও, মদ খাইবাব পব তাহার নেশা বা আনন্দ প্রগাঢ় হইবাব পূর্বেই, প্রাণের মধ্য হইতে প্রচ্ছন্নভাবে ধীরে ধীরে 'সংশয়' স্ফূর্তিমান হওয়ায়,—‘এ নেশা স্থায়ী হইবে কি না ?’ ‘বাল্য-বন্ধুগণের দর্শন পাইব কি না ?’ এইরূপ আলোচনার

প্রাণকে কলুষিত বা আন্দোলিত করায়*, আনন্দ-ধামে শান্তভাবে অবস্থিতির বা আনন্দ-সন্তোগের অমুপযুক্ত বোধে,—অথবা নিম্ন-কর্মচারী সংশয়ের সহিত বিবেক মহাশয়ের ঘনিষ্ঠতা না থাকায় সেই সংশয়েরই সহচর জানিয়া, অনধিকারি-বোধে, বিবেক তোমাকে আনন্দ-ধামে ধরিয়া রাখেন নাই, এবং তুমিও তথা হইতে তজ্জন্মই বাহির হইয়াছিলে । তার পব যতক্ষণ না বিশ্বাস-সখার দর্শন পাইয়া সংশয়-মুক্ত হইতে পারিয়াছিলে, ততক্ষণ পর্যন্ত বহু চেষ্টা, চীৎকাবেও যখন আর আনন্দ-ধামে প্রবেশ কবিতে পার নাই, তখন বিশ্বাসের সহবাস অভাবই যে আনন্দ-ধাম প্রবেশে অসমর্থ হইবার কারণ, তাহাও কি আবার বলিয়া বুঝাইতে হইবে ভাই ? জীব স্বীয় কর্ম্মানুসারেই সদসদ্ গতি লাভ করিয়া থাকে জানিও ; আমাদের পরম গুহুদ বিবেকের শক্তি নাই, অথবা দয়াময়ের দয়ার অভাব, ইহা ভাবিও না । তদনন্তর সদয় ‘বিশ্বাস’-বন্ধুর আশুগত্যে ‘প্রকৃত পথ’ পাইয়া আনন্দ-ধামে পুনর্গমন, বাকুবগণেব সহিত মিলন ইত্যাদি যে সকল ঘটনা (৩৭ হইতে ৪২ পৃষ্ঠাঙ্ক) ঘটিয়াছিল, তন্মধ্যে আর তোমার ত কোন সন্দেহ নাই ? সমস্ত ত বুঝিয়াছ ভাই ? বল, আর কোন সন্দেহ থাকে ত বল—নতুবা আমার এখন অবকাশ দাও, অভীষ্ট কার্যাদেশে প্রস্থান করি ।”

আমি সাধুর বিদায় প্রার্থনা তখন কর্ণে স্থান না দিয়াই কৃত-জলিপুটে বলিলাম,—“তপোধন । এখন আপনার কৃপায় আমার অন্যান্য প্রায় সকল সন্দেহই দূরীভূত হইয়াছে । স্বপ্ন-যোগে শক্র-সঙ্গ-পরিহার ও বাকুব-সম্মিলন অভিপ্রায়ে কে আমাকে মদ খাইতে উপদেশ দিলেন, কে দোকানের পথ প্রদর্শন করিলেন,

* এইপ্রকার আন্দোলনই তাপ ও পাপ-জনক ।

কে খাইতে আহ্বান কবিলেন, আর কে ই বা খাওয়াইয়া দিলেন, তাহা ত আমি আপনার প্রসাদে সমস্তই বুঝিতে পারিলাম, কিন্তু সেই অমূল্য মদ যে কি পদার্থ, আপনার শ্রীমুখ হইতে তাহার পরিচয় ত এখনও পাইলাম না।”

সাধু এইবার মৃদু হাস্য করিয়া কহিলেন,—“ভাই । ঐ মদিরা-দেবীর পবিচয় জিজ্ঞাসা কব নাই বলিয়াই, আমি তোমার ‘আরও কোন্ সংশয় আছে কি না’ শেষ জিজ্ঞাসা করিয়াছি । এখন জিজ্ঞাসা করি, স্বপ্ন-যোগে তুমি যে মদ খাইয়াছিলে, আমার নিকট হইতে পরিচয় পাইলে, জাগ্রদবস্থায়ও কি তুমি সেই মদ খাইতে চাও ? যে মদ খাইলে এই ভীষণ ক্লেশ-সঙ্কুল ভব-কারণাব শাস্তি নিকেতন প্রতীয়মান হয়,—যে মদের অসীম শক্তি-দ্বারা আত্মপর-ভেদ-জ্ঞান বা মায়ার প্রলোভন চিবদিনেব জন্ম অন্তর্হিত হইয়া যায়,—যে মদ খাইলে বিষয়াসক্তি বাস্তবিকই বিষময় বলিয়া বিশ্বাস জন্মে,—যে মদ খাইলে প্রাণ প্রাণানন্দ-নিদান পরমধন পরমেশ্বরের প্রেমানন্দ-লাভে, পূর্ণানন্দিত হইতে পায়,—যে মদ খাইলে এই ক্ষুদ্র নগণ্য তুমিও তাঁহাতে আত্মসমর্পণ পূর্বক ‘সর্বেশ্বর’ রূপে ব্রহ্মাণ্ডেব বন্দনীয় হইতে পার,—এবং যে মদ খাইলে, যত দিন পবম-মদ-প্রস্তুত-কর্তা সচ্চিদানন্দে আত্মসমর্পণ করিতে না পার, তত দিন তাহার মত্ততা বা আনন্দ অক্ষুণ্ণ থাকে,—তুমি কি সেই মদ সত্যই খাইতে চাও ? যদি ইচ্ছা হইয়া থাকে, যদি নেশা • কবিয়া প্রেমানন্দে মাতিবার বাস্তবিকই বাসনা হইয়া থাকে, তবে সন্ধান কব,—প্রকৃত পথে লক্ষ্য স্থির রাখিয়া, ধীরে ধীরে পাদ-ক্ষেপ করিয়া, হৃদয় ও দেহ রাজ্য-পালনের পরম সুস্থং সুমতি, দয়া, সরলতা, সত্য, বিবেক, বিশ্বাস প্রভৃতি বান্ধব-বর্গেব অনুগত হইয়া,

এবং কাম, ক্রোধ, লোভ, মোহাদি কৰ্ম্মবিবৰ্গকে শ্ৰীতি-সূত্রে বাধ্য রাখিয়া, অনুসন্ধান কর,—আনন্দধামে সেই সুরম্য মদের দোকান দেখিতে পাইবে । তখন ঐ মদ যে পার্থিব-অর্থ দিয়া ক্রয় কবিতো হয় না, উহা খাইবারও যে কোন কালাকাল নির্দিষ্ট নাই, এবং উহা যে তোমার গায় উপযুক্ত প্রার্থী বপক্ষে অমূল্য অথচ নিত্য-সুগভ, তাহা নিজেই সুস্পষ্টরূপে বুঝিতে পারিবে । তথাপি আবার আবার সরল কবিয়া বলিতেছি,—ভাই হে ! যদি ঐ অমূল্য মদ খাইবার তোমার আন্তরিক ইচ্ছা জন্মিয়া থাকে,—যদি অচ্যুতানন্দ-সাগর-তরঙ্গে ভাসমান হইবার একান্ত বাসনা হইয়া থাকে,—তবে তোমার বান্ধবগণ-সুশাসিত হৃদয়-নগর-মধ্যে প্রবেশ-পূৰ্ব্বক স্থিরনেত্রে চাহিয়া দেখ, নিৰ্ম্মল-পান-পাত্র-পূর্ণ পবিত্র মদ্য তোমারই জন্ত প্রস্তুত বহিয়াছে দেখিতে পাইবে । উহা নাম ‘ভক্তি-মদিরা’ । এই ভক্তি-মদিরায় অশক, অস্পর্শ, অরূপ, অব্যয়, সচ্চিদানন্দ-বস্তুতে আত্ম-সমর্পণ-আকাজ্জক পূর্ণ শক্তি (নেশা) প্রদান কবে , এবং যতদিন না অভীষ্ট সিদ্ধি হয়, ততদিন আর এ মদেব নেশা ছুটে না । ভক্তি-মদিরায় পান করিয়া মাতাল হইলে এই দুঃসহ ক্লেশ-সঙ্কুল সংসাবেও যে ‘আনন্দ’ লাভ করা যায় তাহা ‘প্রকৃত-মাতাল’ ব্যতীত আর কেহ,—প্রকাশ করা ত দুবের কথা,—বুঝিতেও পাবে না , প্রকৃত-মাতালের এই নেশা যে সময় ছুটিয়া যায়, ‘মাতাল’ তখনই সেই নিত্যানন্দময় পরমবস্তুতে আত্ম-সমর্পণপূৰ্ব্বক বহুকালের জন্ম, মরণ ও ভব-কালাগারের দুর্ভিক্ষ সহ অবরোধ-যন্ত্রণা হইতে চিরদিনেব জন্ত নিষ্কৃতিলাভ করিয়া থাকেন ।

“ভাই হে । এ ব্যক্তির বাক্যে যদি তোমার বিশ্বাস জন্মিয়া থাকে, তবে আর বিলম্ব কবিও না । সৌভাগ্য-স্বপ্ন-যোগে বিবে-

কের রূপায় যে মদেব আনন্দ গ্রহণ কবিত্তে পাইয়াছিল, জাগ্রদ-বস্থায় বান্ধবগণের শরণাপন্ন হইয়া কোনরূপে একটীবার ঐ ভক্তি-মদিরা খাইয়া দেখ ত, তোমাব অভীষ্ট সদানন্দ-সদানন্দময়ীর নিতা-শান্তিময় অঙ্কে চিরদিনের মত আশ্রয়লাভ কবিত্তে পাও কি না । অনেক স্বপ্ন অমূলক হইতে পারে, কিন্তু সৌভাগ্যক্রমে তুমি মদ খাইবাব যে স্বপ্ন দেখিয়াছ, যে চক্ষুমান্ ব্যক্তি ইহা নিশ্চিতভাবে দেখিবাব অবকাশ পাইবেন তাঁহাকেই মুক্তকণ্ঠে বলিতে হইবে— ইহা ‘আশ্চর্য্য সত্য স্বপ্ন’ ।”

এই বলিযাই সাধু তৎপ্রভাষ প্রদীপ্ত সেই আলোক-মধ্যান্তিত শূন্য প্রদেশে সহসা অন্তর্হিত হইয়া গেলেন । সংসার আণাব অন্ধ-কার-পূর্ণ দেখিলাম । কলিকাতাব গঙ্গাতীরে সাধুকে প্রথম দর্শনা-বধি, তাঁহাব পরিচয় প্রাপ্তিব যে সাধ হইয়াছিল তাহা আব পূর্ণ হইল না । সাধুর অন্তর্কান্বেব পব পার্শ্ব-পবিবর্তন-কালে চাহিয়া দেখি-লাম, বাত্রি প্রভাত হইয়াছে ।—সুখেব স্বপ্ন ভাঙ্গিয়া গেল ।

যথাশক্তি-সমাপ্ত ।



স্বর্গীয় প্রিয়নাথ চক্রবর্তি-প্রণীত গ্রন্থসমূহের বিজ্ঞাপন ।

জীবন-পরীক্ষা বা ভীষণ স্বপ্ন-চতুর্দশ ।

(চতুর্থ প্রচার) মূল্য ২২ দুই টাকা ।

এই গ্রন্থে নির্বেদ, সংগ্রাম, প্রার্থনা ও শান্তি নামক চারিটি ভীষণ-স্বপ্ন অবলম্বনে—সংসার, জীবন, জীব, জীবের অবস্থা ও কর্তব্য, হৃদয়, প্রবৃত্তি, প্রবৃত্তিব বিকৃতি বা রিপু, জীবের প্রতি রিপুর আচরণ, পাপপুণ্য বা ধর্ম্মাধর্ম্ম, মায়া, জ্ঞান, প্রেম, ভক্তি বিশ্বাস, মৃত্যু, সূক্ষ্ম-শরীর, যমালয়, যমালয়স্থ জীবের অবস্থা, নবক, স্বর্গ, সৃষ্টি, সৃষ্টিকর্তা, অনন্তশক্তি, একশক্তি, শক্তিলয় বা শান্তি প্রভৃতি বিষয় সকল অভিনব রূপক-চ্লে বিবৃত হইয়াছে ।

আত্মিক-ক্রিয়া

বা সংসারবাসী আত্মবিস্মৃত জীবের দৈনিক ও সাময়িক কর্তব্য ।

(দ্বিতীয় প্রচার) মূল্য ১০ চারি আনা ।

এই গ্রন্থে সংসার, বাসস্থান, আত্মা, বিস্মৃতি, জীব ও জীবের আত্মবিস্মৃতি কালীন কর্তব্য, প্রাতর্মধ্যাহ্নাদি দিবসের সন্ধিকালক্রমে, এবং বিপদ, সম্পদ, যৌবন, বার্দ্ধিক্যাদি সকল অবস্থায়, আত্মারাম ভগবানের পূজোপাসনার মন্ত্র প্রভৃতি স্বাভাবিক ও অসাম্প্রদায়িক ভাবে এবং অল্পায়ম বোধগম্য বাঙ্গালা ভাষায় প্রকাশিত হইয়াছে ।

জীবন-কুমার ।

মূল্য ১২ এক টাকা ।

এই গ্রন্থ একটা প্রাচীন আখ্যায়িকা অবলম্বনে লিখিত । ইহা ককণরসপ্রধান, কিন্তু বীভৎস ব্যতীত, কাব্যশাস্ত্রের সারভূত বীর, হাস্য, অদ্ভুত, শাস্ত প্রভৃতি অল্প সকল রস-সম্বন্ধিত স্মৃতিবাং বিগুহ সাহিত্য গ্রন্থ । ফলতঃ ইহা একাকীই কাব্য, নাটক, ইতিহাস প্রভৃতি নানারূপে, বিগুহ বিভিন্ন-রসপ্রার্থী ব্যক্তিবর্গকে অস্ততঃ কিয়ৎকালও তদগতচিত্ত করিতে সমর্থ ।

মদ খাও—নেশা ছুটিবে না ।
(তৃতীয় প্রচার) মূল্য ১/০ ছয় আনা মাত্র ।

আনন্দ-তুফান ।

বা শরৎকালে ভক্তের অন্তরমণ্ডলে দুর্গোৎসব ।

(দ্বিতীয় প্রচার) মূল্য ১০ চারি আনা ।

ভক্তের নিত্যানন্দোদ্দীপক প্রণাম, বিশ্বরূপিণী পরমেশ্বরীকে অন্তর-চণ্ডী-মণ্ডলে বসাইয়া পূজা করিবার নিমিত্ত ‘দুর্গা’-নামে তাঁহার ‘আবাহন’,—ভক্তি-চন্দন-সিক্ত মানস-কুম্ভ-দ্বারা ‘পূজা’,—রিপুগণকে পাপরূপ রক্তবস্ত্র পবাইয়া ‘বলি দান’,—ঈশ্বরের হস্তে পঞ্চভূতরূপ পঞ্চপ্রদীপ প্রদান-দ্বারা ‘আরতি’,—ভববন্ধন-পরিত্রাণ প্রার্থনার প্রেমপূর্ণ স্তোত্র-পাঠ দ্বারা ‘প্রণাম’, এবং ঐরূপ প্রণাম ‘বরণ’, ‘বিসর্জন’, ‘সিদ্ধিপান’ ও ‘শান্তি’ প্রভৃতি অভিনব আধ্যাত্মিক-প্রক্রিয়া বর্ণন-দ্বারা এই ক্ষুদ্র গ্রন্থে গ্রন্থকর্তা নিজ ভাবুকহৃদয়োৎপন্ন চমৎকাবিনী শক্তির পরিচয় দিয়াছেন ।

কুমার-রঞ্জন ।

মূল্য ১/০ পাঁচ আনা ।

কিঞ্চিৎ অধিক বয়স্ক বালকগণের চিত্তোৎকর্ষ সাধন জন্ত এই পুস্তকে নীতি ও উগবদ্বিধরূপ জ্ঞান সবল কবিতাকাবে উপদিষ্ট হইয়াছে । জাতীয় বিদ্যালয়ের পাঠ্যশ্রেণীভুক্ত হইবার যোগ্য ।

বিশেষ দ্রষ্টব্য ।

উল্লিখিত পুস্তকসমূহ কলিকাতা ২০১ নং কর্ণওয়ালিস স্ট্রীট, শ্রীযুক্ত গুরুদাস চট্টোপাধ্যায় মহাশয়ের পুস্তকালয়ে এবং ২২৫ নং অপার সারকুলার রোড “শ্রামবাজার মিত্র-দেবালয়ে” পাওয়া যায় ।

শ্রামবাজার মিত্র-দেবালয়

নিবেদক

কলিকাতা ।

শ্রীঅমৃতনাথ চক্রবর্তী ।



